

LLI

• BIBLIOTECA •
• LVCCHESI • PALLI •



Grande sale Os.

11 - VII - 48
12 VIII 7





BIBLIOTECA LUCCHESI - PALLI

III. SALA

12

III

7

LO SPECCHIO
DE LA CEVERTÀ

O S I A N O
SCHIRZE MORALE,

A L I A S S E

L O

CALATEO NAPOLITANO

PE CHI VO RIDERE, E MPARARESE
DE CREJANZA

DE NICOLA VOTTIERO.



N A P O L E 1789.

Nne la Stamparia de GIUSEPPE
MARIA PORCIELLO

Co llicenzeja de li Superejure.

Si vende nella medesima Stamperia accosto la
porta piccola di S. Liguoro grana 20.



A LO LLUSTRISSEMO

D. NUFRIO GALIOTA

POVETA MPROVESANTE (*comme
dice isso*) E ACCADEMECO
SONNACCHIUSO.

Compatisceme, te preo, si
avanzato mme songo a dedeca-
rete sto Calateo 'n lengua Napo-
litana, compuoisto da me, che
songo la scartatura de la mazza-
morra de li Povierte, lo caccial'
a pascere nfra li facciente, lo 'n
vocca-mennone 'ntra li letterum-
meche; pocca si l'addedecava a

A 2

no


4
no Signore, che maje me pote-
va dare, avotro che na vranca
de frisole? e io, pe grazeja de
lo cielo, non tengo diebbete:
addonca aggio penzato buono a
metterme sottr' a la protezzejone
d' Ossostriffemo, che site l' arce
Poveta de chisto siecolo, l' ar-
cinfanfaro de li sapie, e lo pro-
tanquanquaro nfra li facciente,
pecchè si quacche Zoilo, Momo
o Arestarco lo volesse cretecare
vuje che site lo Mecenate mio
le responnarrite pe mme, com-
me avite fatto pe tante avotre
e si mbè screveffero contr' a n-
tutte li Poete de lo munno
co no sonetto vuosto, che fare-
te a bierze vesticce, le faci-
manìa tutte le tre code; e mi
songo regolato co la Metolog-
de lo Banier, lo quale a lo T-
mo primmo, capitolo secun-
di

III

12

VIII

7



Vottero

Lo specchio de la civertà
o lo Galateo napolitano.



20059
DE LO REVERENNO

7

D. GIAMMATTISTA SERIO

A L' A V O T O R E.



S O N I E T T O



VOttiero mio, si fulo pe sentire
Quacche spezzone de lo Calatèu,
Che staie facenno, lazio no inme veu,
Te preo spicciate priesto a lo fenire.

Srupe sco alsaje, comm' aie potuto aunire
Tanta fatte modeste; e si mbè veu
Ca nnant' a me le scrive, non te neo
Ca songo pe mparare, e devertire.

Nc' è pe lo Dotto l' arudezeione,
Pe lo Gnorante nc' è dò se sparsare,
Pe li Guagliune è scola, e lezzejone:

Donca, non farce tanto penejare,
Caccialo priesto, dance sfazejone,
Ca nce farrimmo a punia a l' accattare.

A 4

A chi



A chi vo essere Galantommo abbe-
sogna assarvare li Commanna-
miente de la Legge de Dio.

DE L'AVOTORE STISSO

A LO LEGGETORE



S O N I E T T O .

Si pàrsare tu vuò de galantommo ,
Aje d'adorare a uno fulo Nummo ,
No annommenarlo 'n discurzo frantummo ,
Santèa le fieste, e amma chi t'ha fatt'ommo,

N' accedì frate, ch' affienne lo Sommo ;
Le scirpeje fuje tu comm' a Maummo:
Non ghì de renza, ca te ne vaie 'n fummo,
E dì lo vero de lo che , e lo ccommo.

Manco addefederare cierte ccofe :
E accocchia co sto sienzo pure chisso ,
De non bolè de' o prossemo le spose .

Lo galantommo è , dice ogne qualisso ,
Chi lo Cielo amma ncopp' a tutte cose,
E lo prossemo suio comm' isso stisso .
E lieggetillo spisso ,
Azzò che mpare , e non te la presumme :
Ca vera cevertà so li costume .

A L' A V O T O R E

OTTAVIO CERLONI.



S O N I E T T O .

Vottiero mio, co chisto Calarèo
Tu a piede chiuppe lo gran Casa appasse,
E co lo pparlà tuio partenopeo
Li cunte de Basile arcesconquasse.

L' Arcadeia 'n Brenta (vuò dì ca n' è peo?)
Els' affenne le recchie, e tu le spasse:
Nobele, addotto, lazzaro, o chiasèo
Nvezza da te comme li vizeie scasse.

Aje fatto comme fa chillo che pesca,
Che p' acchiappà lo pesce, attà d'aguanno?
Mponta de l' amino bello mette l'esca.

Cossì fatt' aie, o Cola, o bello nganno!
Zzò chi vo farse na risa vernesca,
Mprimmo crianz' ha da venì mparanno.
Po va paragonanno
Chisto, e lo Tasso, addò „ e mente veve
„ Già da lo nganno suo vita receve.

A S

A CHE





A CHI LA VO NTENNERE

SANETATE, E FRISOLE.

VEdenno ch'a lo juorno d'oje se
 sò mmescate le carte de ma-
 nera, che tutte le cose vanno a la
 nterlice, perzò m'è benuto 'n pen-
 ziero de fà sto Calatejo a lengua de
 lo pajese nuosto, comme just' oje
 vedese 'n moda, e 'n voga lo dia-
 letto nuosto, co le paravonetà por-
 zì hernesche, pe farete na resatella
 lezeta, azzò, chi sà, leggennolo la
 mazzamorra de lo puopolo menuto
 (pocca pe li nobbele non serve, ca
 lo portano mparato da cuorpo a le
 mamme loro) jessero a correjere li
 defiette, ch'anno puosto sotta e
 ncoppa sta Cetate nosta; e s'accom-
 menzasse no nuovo muodo de com-
 merzare, pe n'esse chiù repassate
 da le gente frostere, le quale nce

diceno dint'a lo mostaccio , ca simmo sarvateche , sciuocche , screjanzate , e ba scorrenno ; perzò lieggesto Calatejo, e miette 'n pratteca nzò che te dico ; pocca accossì la ngarre ; e saccie ca chi n'asserva quanto stà scritto a sto bello repertorejo manoale , non pò essere galantommo. Si po vuò sapè lo pecchè aggio avuto lo genejo de fà sto Calatejo, mo te lo dico chiatto e tunno ; 'n primmo pe mparare de crejanza a chi non ne sape , e po pe fa spassare le recchie caste , comm'a di , le Monacelle , li Saciarduote , e l'uommene de coscienzeja , pocca secunno me , non c'è nesciuno libro profano da potè leggere senza scomponerte , e a lo tiempo stisso farte na resella ; e prejanno lo Cielo , che te dia l'anne de Marcosalemme , me te arrequaquiglio , e me t'addedeco schia-vuottolo ncatenato tujo .



I.

Trasire dinto a la Ghiesia.

NInche trase dinto a la Ghiesia ;
 'n primamese , e nnantemonia fa
 na leverenzeja a l' Autaro mag-
 giore , e po piglia l' acqua santa ; dapò
 va vesetanno a uno a uno li Sante avo-
 cate tuoje ; pecchè nce sò cierte , che
 primma vanno facenno li sette autare ,
 zòè vanno vesetanno li Sante , e po chi
 ha criato li Sante .

La Messa sientetella addenocchiato , e
 senz' appojarete ; si puro la necessetà
 non t' obbreca avotramente ; e si nce
 songo gente arreto , e tu falle na leve-
 renzeja senza parlare .

Quanno se dice lo santo Vangelio , e
 tu susete a l' allerta ; anze aje da sape-
 re , ca nce sò cierte nazejune de Cre-
 stejane , che 'n chest' accasejone cac-
 ciano porzi la spata , comme 'n Germa-
 neja ; e chesto vò gnefecare , ca vesò-
 gna spargere lo sango , si accorre , pe
 defennere la nosta Santa Legge. Fenuto
 ch'è

ch'è, addenocchiate n' altra vota, e si dice devozèjone, no le dì forte, ca da je accasejone all' altre de non se dicere le lloro. No ridere, e non te vasare co l'ammico, parente, o compare; sì te sciusce lo naso, non fà la trommetta: si tusse, non fa l'organo: si piglie tabacco, non fà lo zerre zerre co la tabacchera, e no spannere le mmoccatore a li scanne a uso de colata: si quarcuno sternuta, non dì salute, o altre parole, ma sulo ncrina la capo. Le Signorelle, che non porteno le beste de seta co lo strascino, che scopa la Ghiesia co tanto remmore, pocca tutte se votano a berderle, e lassano de fare arazejone; de chiù, che non ghiessero tenenno mente da ccà, e da llà, ca guastano la capo de chille, che stanno 'n devozejone.

Non ghì tenenno mente attuorno, e statte co devozejone; e si non è sciso primmo lo Saciardote da copp' a l' altaro, non te muovere; pocca nce sò cierre, che se ne vanno primma che se dica & *veritatis*; fuorze (mme feguro) sarrà, ca oje la veretà non se pò sentire.

Refriette ca la Messa gnifeca la passione de lo Patrone de le ppelle nòste, e si è no poco longa, non te ngrefà, ca o è longa, o è corta, è bona l'una,
e me-

e meglio l' altra ; pecchè si co chella
messa ha da scire n' anema da lo pruga-
torio , vorria che subeto fornese ; e si
' n. tal atto ha da sta sollevata da lo
ffuoco , non vorria che fenesse ma-
je : e azzò che se dicessero fettibele ,
aje da sapere , ca. ogne mille miglia lo
juorno avanza n' ora , pocca quanno fa
notte ccà , sette o ottomilia miglia lon-
tane da do' simmo , fa juorno ; e accos-
sì lo sacrefizejo se zelebra a tutte l' ore .

II.

Sonanno l' Avemmaria .

Quanno sona l' *Avemmaria* levate su-
beto lo cappiello , e di l' *Angelosdom-
mene* nfra te stisso ; e lassa che dia
primma la bona-notte chi è chiù gran-
ne de te , e po respunne tu .

IV.

Senti la Predeca .

Volenno senti Predeche , non t'asset-
tà maje dint' a li confessionareje ; nem-
manco te mettere a fà trascurze co l'am-
mice , e co chi te stà becino ; n' arre-
felà la sottana a lo Predecatore , co di ,
non .

non tene comea , ave male gestire , la voce è bascia , o auta ; e non te mettere co li rine votate a l' Autaro maggiore .

De chiù la parola de Ddio s' ha da senti co attenzione pe ne caccia profitto ; pocca si no , te pò soccedere comme soccedle a uno , che pe contranomme se chiamava peccatore , lo quale s' aveva accattata na coratella de piecoro ; ora chisto qualisso se la mese dinto a lo cappiello , e ghieze a la Cappella : lo cappellista che steva predecanno , diceva : peccatore , peccatore , vi ca lo cielo vo lo core : Peccatore stonato de mente , credennose ca diceva a isso , respose : fratiè , già che lo cielo vo lo core , pigliate lo core , e la coratella , e nce la menaje : e zò facenno , se revotaje tutta la Cappella .

IV.

Comme s' ha da stà a la Congregazejone .

Trasenno a la Congregazejone , nctinate a l'Autaro maggiore , e dapò piglia l' acqua santa , e addenocchiate a l' addenocchiaturo ; e quanno se sona lo campaniello da lo Soperiore , e tu susete , e fa

fa na leverenzejà primma a li fratielle ,
 che stanno ncepp' a la banca , e po a
 tutte l'autre , che stanno attuorno . Si
 trase lo Patre Spirituale , o Soperejore ,
 e tu susete . Si se propone quarche co-
 sa , lassa risponnere a chi è chiù gran-
 ne de te , e non fa maje lo capozziello ;
 ca accossì non te ne vene male.

V.

Ascenno da la casa.

Primma d' ascì da la casa , fa tutte l'
 abbesuogne necessarie , e po viestete de
 tutto punto , azzò che non te vaje ac-
 concianno pe la strata , pocca te pò soc-
 cedere comme soccedle a no sì qualisso ,
 lo quale mente cammenava pe la via ,
 vedde ca na fibbia no le steva a siesto ;
 e calannose p' acconciariesella , se l' a-
 sciogliette la strenga de lo cauzone , e
 fece zita-bona 'n prubbeco , che n' avet-
 te na siscata .

VI.

Fenno 'n carrozza , o 'n galessa.

Si te truove , che baje 'n carrozza , o
 'n galessa , e nvite quarche amico, dalle
 la

la mano deritta; e si vaje a pede, fa lo stisso: e si ncuntre lo Santissemò, e tu scinne, e addenocchiate; si ncuntre quarche perzona de qualetate, fa fermà nfi che passa: si aje da decorrere co perzona de soggezzione, e tu scinne, e parlale a l'allerta; e si affrunte carrozze, o galesse, pigliate sempe la mano deritta.

Si t'è mprestata la carrozza, o la galessa, rejala buono a li serveture, azzò che non te mormorejano: e si l'aje pe tutta la jornada, penza a dare a mangiare a tutte chille famolisdeje, e a li cavalle, e non mettere gente nfrociute arreto e nnante, comme fece uno, a lo quale fuje mprestata na galessa, e no cavallo, che steva duciento fierre, e mettette seje perzune nnante, e quatt'arreto, e de tutta scappata jette, e benette duedece vote no miglio lontano; e tornanno la galessa, lo patrone che bedde lo cavallo quase repriso, l'addemmannaje addò era stato: e isso respose: songo sagliuto, e sciso duedece vote da lo ponte a lo sperone, co diece perzune 'n galessa, e lo cavallo volava: lo patrone, a lo quale sagliette la mingreja pe tale bestejalaetate, pigliaje lo scorrejaio, e a botte de scorrejatate le facette la
facce

facce lenze lenze , e lo mannaje a lo
spetale .

VII.

Stanno 'n convertazjone .

Si te truove 'n convertazjone , e se chiacchiareja , no responnere si non si addimmannato , e parla co crejanza : non di male de nesciuno , non di fatte scannaluse , no sprobbecare li defiette de l'autre , e non addimmannà cose, che non t' apparteneno .

Non fà ventosetate , no nommenà cose schefose , non sciosciarete lo naso , non te fà venì la pica , o sternutà forte , e ba scorrenno ; e bolenno farlo , vota la facce da l'autra banna .

Non t' agliottare la sputazza : non affennere nesciuno ; e si nce sò femmene , e tu trattale senza soggettetutene , e no le teni mente fitto 'n facce .

Quanno te ne vuò ì , pigliate la spata , o lo cappiello , e cuoglietella senza di niente a nesciuno , pocca chessa è l'urdema moda , pe no sconcecà la convertazjone ; ma lo sentemiento mio è , che te lecenzejasse a lo mmacaro a la muta co l'ammice , pocca se pò dà che nce sia chi t'aggia a ddì quarcosa , e

tu opranno cossì mpolitamente può fà
no danno a te, e a isso: e perzò dop-
po no ncrino a la spagnola affuffatella.

VIII.

Mangiare a casa frostera.

Si s' nvitato a mangià a casa frostera, si' attiento a non essere lo primmo ad assettarete a tavola, nè a mette la vrocça int' a lo piatto primma de l' altre: non tenemente chi mangia chiù o manco, pocca chesto sarria comme contà li voccune a chi mangia, e non va buono.

No scioscià le pìtanze caude, nè mettere lo musso dint' a lo vacile, pecchè te pò scappà qua poco de tabacco da lo naso, no po de vaviglia, o quarch' altra cosa, e te faje schefare.

Non te rattà la capo, o autro; e guardate de sputare, o tossare.

Si non se porta lo vino, non addimà mannarlo: ma volenno veverè, te può servì de sto mutto: *Dicea no cierto Saffio, ca lo mangià senza veverè ammanca la vita.*

Quanno vive, non fa brinnese, ca non s' usano chiù; e manco lassà vino dint' a lo beccchiere, ca è mala crejanza; non

non te spezzoliare li diente, non mangià a duje voccune, e non te sosere co lo muorzo 'n vocca.

Si sierve 'n tavola, st' attiento a no smestere, e massema a chi veve: li becchiere cacciaie pulite, e fatte no buono scaudatiello a le mano.

Li becchiere se portano o dinto a na sottacoppa, o dint' a no vacile; e danno a bere, non ce mettere le ddetta dinto.

Si aje da concia la nsalata, miette primma dint' a no piattello sale, uoglio, e acito, e co lo cocchiaro, o co la vrocça sguazzareja ogne cosa nsieme, e po menalo pe copp' a la nsalata, e botala porzì co le brocche; pocca si la votasse co le mmano, sarrisce schefato.

Doppo mangiato porta da lavà le mano a tutte.

IX.

Nvitare.

Soccedie, che no cierto galantommo smagliato, de giornata de festa non avea che mangiare; ma pecchè le vattevanò li fianchette, e le sonava la diana, fece na penzata propio da masto; e di-
cette

cette a la moglie: orzù, si nce vo-
limmo enchiere la ventresca a spese d'
altre, asseconna la penzata mia (pocca
aveva visto ca lo vecino rempetto ad
isso aveva cocenato paricchie vedanne)
piglia no cortiello, e disse, fuje dint' a
la casa de sta vecina, e respuonne a
tuono a le parole meje. La chiappina
accossì fece: isso fegnette secutarela pe
l' accidere, dicennole, guitta, razza de
canimma, è ora chesta de non avè co-
cenato? e chella rispose: marito mio,
me credèa ca era chiù priesto; perdo-
name. Li buone vecine se mesero pe lo
miezo, co dì, n' è niente: mangiate co
nuje. Ma pecchè l' urdema moda è d'
azzettà subeto, se mesero a tavola; e
nfra l' aute piatte caude, che bennero,
nce fuje no vacilone de maccarune, che
le potea mangià no Prencepe; ma pec-
chè 'n chella tavola costommavase de
mangià tutte dinto a no piatto, pocca
erano poche, l' ammico Cesare, che le
menava la sghessa, nce dette dì fecoz-
ze a lo pizzo suo, che non te di-
co avotro; e non sapenno comme fa pe
se ne mangià quatt' altre, dicette a la
mogliere, che le steva faccefronte, sien-
te: rengrazia primmo lo cielo, e po sti
buone vecine, ca si nò accossì te la
voleva torcere la noce de lo cuollo,
com-

comme torcio sto piatto ; e botanno lo piatto tuorno tuorno, se facette ì nnante lo pizzo che n'era stato toccato ancora, e secotejaje a mazzecà co la stessa feleppina .

Lo quatenò è chisto : si sì nvitato , azzetta ; pecchè pò essere, che l'ammico te nvita de vero core , e si non azziet- te , se pò piglià collera ; si po te nvita a la moda , tu t' inchie la panza , e is- so se roseca la mappa . E buono però che te facce primmo no poco a prega- re , a lo manco pe convenienzeja , e non te lasse subeto comm' a funa fra- ceta, pocca ne può fà fà vuto a la gen- te de fà chiù zeremonie co tico .

X.

Spartire .

A lo spartere puro nce vo la crejan- za, comm' a dī , aje da fà le parte soccie pe li compagne nzo de che cosa se sia . Si po nce stesse quarche perzona de- stinta o sopriore , la porzione chiù me- glio s' ave da dare a isso , comme soc- cesse a no cuoco Monaco ; mente se portava no piatto attommato , lo Prejo- re le disse : a chi va sto piattone ? re- spose lo cuoco , a bosta Paternetà : re- pre-

precaje lo Prejore , e porta ccà sto piat-
tiello .

E a chisto proposeto , siente che soc-
cedte a quatto Muonace cardascie , li
quale jezero a fà na colazioncella a Po-
silleco ; e comme nfra l' aute piazanze
che bennero , nce fuje na spinola arro-
stuta , conciata co acito , e uvoglio ,
che l' addore schitto te faceva ascevoli-
re . Uno de li quatto Muonace le ta-
gliaje la capo , e la noce de lo cuollo ,
e tirannoselle dinto a lo piatto sujo ,
dicette , *caput sporpabo* . Lo secunno
attrappolejannose lo meglio , se tagliaje
la panza , co lo riesto de lo corpo , e
dicette , *corpus in corpore meo* . Lo tier-
zo , che bedde le cose male ncammenate,
senza penzare ad avotro , se teraje la
coda , e co no latino chiù bezzarro de
l' altre , sparaje & *ego codam pizzican-
tem* . Lo quarto vedeano ca non aveva-
no avuta crejanza de restare niente ,
le votaje lo cancaro , pigliaje lo piatto
co l' acito e l' uoglio , che nc' era re-
stato , e nce lo menaje ncuollo a tutte
tre , dicenno , *aspergo vos* . De lo quale
fatto cacciatenne vuje mò la morale-
tate .

Chiacchiarejare .

Si aje da chiacchiarejare co quarche-
duno , misura primma le parole , e po
dille ; zoè , non mettere 'n redicolo le
cose sacre , non parlà sotta metafora ,
n' annommenà muorte , chiaveche , o au-
tro simmele , ch' aggia de lo schefuso ;
non te fa a bedè malenconeco , e sa-
luta a tutte .

Non cantà sulo , non te storzellà le
deta facennole fa la botta , o siano ca-
stagnelle ; non te stenneccchiare , non a-
làre , non sospereare ; e si l' altre stanno
a l' allerta , e tu n' assettarete ; non par-
là co lo muorzo 'n vocca , non di bo-
scie , manco pe pazzejà , comme fanno
cierte , che po non so credute manco
quanno dicono la veretà ; non t' accostà
troppo vecino . che se sente lo sciato , lo
quale pò esse fetente ; non mette le ma-
no 'n cuollo mente parle ; strigne lo
trascurzo , muta la voce , e non botà
la capo da ccà , e da llà : non di na co-
sa tre o quatto vote , e sciglie tiermene
cevil e si parle co perzona dé soggette-
tuddene ; lassa parlà primmo a chi è
chiù granne de te ; e no interrompere li
trascurze .

B

Gua-

chiù granne de te, è chiù destinto: si nce so femmene, guardale co manera propeja, e cevile, no co mpizzarele l' uocchie 'n cuollo, comme nn' avisse da fa lo retratto: si te vuoje assettà vicino a lo ffuoco, non t' azzecchè troppo vecino, nè mettere le mano ncopp' a la vampa, o votarete co li rine; nemmanco sputarece dinto.

XIII.

Avè visete.

Si aje visete 'n casa toja, acconcia lo lietto, e biestete de tutto punto, comm' avisse d' ascì; pocca nce so cierete, che receveno le bisete co li scarpune a li piede, scammesate, senza perucca, e co la casa tutta mbrogliata; sibè mo è moda de fa tutto sans façons, e se dice cà pe chesto è bella la libertà, e tutto s' ha da fà co sciordezza, nè darse pena de niente, e fra l' ayotro de ste berneje, pe stà buono.

XIV.

Salutà l'ammice.

Si aje da salutà quarch' ammico con-
necrinarete, non avascià tanto la capo,
pocca te pò soccedere comme soccedie
a duje ammice, che se ncontrajeno a
no luoco stinto, li quale volennose fa no
necrino sforzato, facettero no bello tozza-
martino, tozzannose frontè e fronte ac-
cossì forte, che se facettero doje vro-
gnola. Manco chiegà troppo li rine, ca
te pò scappà quà l'offa. Onne saluta
sulo co lo cappiello, e no tantillo de
necrino, e dà tabacco; e si tu te riego-
le de chesta manera, che strude na li-
vera de tabacco, e no cappiello so-
pierchio l'anno, te trovarraje meglio, e
sa quant' ammice che te farraje.

XV.

Vesetà Saciarduote.

Si s' nvitato a besetare quarcuno che
se fa Saciardote, zoè ch' aggia cantata
la primma messa, comme s' ausa, e tu
portale no rialo confacente a chillo stato,
che piglia: fatt'a bedè modesto, annunziale
stato

stato maggiore ; e non di comme disse uno a no Prevete scartellato nante e arreto. Quanno pigliaje la messa , st'ammico lo ncontraje , e le disse : zi Prè , me ne rallero ch' aje pigliata la messa ; apprieso te pozza vedè Papa . Lo Prevete re- spose : pecchè , non ce pozz'essere ? de chesto lignammo se fanno ste strommo- la : e l'ammico repegliaje : ma non ac- cossì nodecuso .

XVI.

Vesetà Figliate.

Si vaje a trovà na Figliata ; no lè portà riale , pocca non s'usano cchiù , manco addure , ca fanno male ; e di schit- to : lo pozzammo vedè santo , ca de sta manera te faje pe te stisso lo buon' au- rio , pocca pe bederelo santo , aje da campà pe lo manco docient'anne ; e di , si be è brutto , oh comm'è bello ! arre- semmeglia tutto a lo patre , e a la mam- ma : ma quanno dice chesto , abbada che la figliata non sia na smocca , e t' avesse da responne : uh mara me ! che tene la chiereca ?

XVII.

Vesetà Zite.

Si aje da jire a qua Zita , porta no piccolo rialo , ca l' urdema moda è de non dà chiù moccatore , nè menà confiette , ca se sò scacciate , pe no fatto socceduto a no sposalizejo . Li pariente de lo Zito , e de la Zita jenno a encia a chi chiù menava confiette , le mmenajeno accossì forte , che non sulo rompettero paricchie pracche , e spiecchie , che lo Zito aveva pigliato ad affitto , e le commenne de fà na polesa lo juorno appriesso , ma fecero tanta vrognaola 'n faccia a la Zita , che pigliannose scuorno de comparè nnante a lo Zitto accossì storciata , facenno na vota e gira , se l' affuffaje a la casa de la mamma n'auta vota ; e fegurate tu mo lo decchiù.

XVII.

Iocare .

Non te mettere a ghiocare si non si nvitato ; e si t' attocca a fà carte , dà la mano a chi te st' appriesso ; e le primme carte che mine , dancelle 'n ma-

no : fà fenì lo juoco a chi ha avuto l'³¹
urdema mano. Non fa jocate seconche:
si soccede quarch' arrove, mmesca la po-
glia o la partita, vasta che non sia fat-
to co malizia, e pensa ca la polezia è
bona sempe : non te ncepollì si se fa
na mala jocata : no strellà, non tenti
mente a le carte de l'autre, non ghè de-
renza, no risponnere la carta primmo
de l'autre, non ghiocà a ghiuoches proib-
bete, ca nce può passà guaje; e si pier-
de non caccia le gente che te sta da de-
reto o vecino, co di ca pe l' ammore
loro non vince, ca chesta è mala cre-
janza, e può fà lotene, ma sulo dalle
na pezzecata de tabacco.

Si pierde, no spestellare, nè so-
sperare, o sbruffare, si bè te socce-
desse comme soccedette a no jocatore,
che perdeva sempe che ghiocava : ora
chisto na vota jocanno a quanto nvite,
li compagne fecero chi vintotto, e chi
trenta : isso teneva tre sette, e disse,
oh ! ch'aggio venta na posta (pecchè
non poteva fà manco de trentuno, e
bincheva) ma quanno jeze a trezzejà la
carta, ascette senza essere pittata, (che
pe caso valetate se nc' era mmescata) e
manco vincette la posta, restanno com-
me a no cetrulo. Addonca capacetate
ca lo juoco è sciorte, tanto si vince,

quanto si pierde : sulo lo tavolaggiero
vence certo , e co lo tiempo spoglia
a tutte ; o chi è marejuolo de carte : e
chesta razza mardetta de gente sia sem-
pe lontana da le case de li galantuom-
mene .

XIX.

Levâ sporchizije .

Non accidere pulece , pimmece , o au-
tre animalucce stanno 'n convertazione ;
e si vide quarche sporchizja 'n cuollo a
quacch'ammico , figne de non bederela ;
pecchè ota d' esse mala crianza , te pò
soccedere comme soccedie a no galantomo
lo quale vedde no polece a lo cuollo de
no Cafettiero, e nce lo levaje: lo Gnignero
addemmannaje , che cosa era ; e chillo
respose , è no polece : zò sentenno , lo
Cafettiero , se nzorfaje , e disse : a me
pulece ? sporchizie a me ? e danno de
mano a na mazza , nce ne dette pe li
beate paole .

A n'autro cierto frostiero uno le leva-
je no pedocchio da lo cuollo , e chillo
le rialaje n' onza d' oro : no marpione ,
che bedde chesto , le jeze appriesso ap-
priesso , chi sa vedeva quarch'auto pe-
docchio , p'abbuscarese isso puro n'autr'
on-

onza; ma avennose pegliato no polece da
pietto, fegnette de levaiencillo; e creden-
nose d'averne la mancia, lo froscio se-
nzorfaje, e disse, che so fatto cane,,
che tengo li pulece? ed auzanno lo ba-
stone, le fece na rotta d'osse.

XX.

Stare 'n fenesta

Stanno o 'n fenesta, o a lo barcone,
guardate de menà robba abbascio, o pu-
ro de sputare, pecchè può allordare
quaccuno, e nce pò nascere n' aggrisso;
otrá l' esse tenuto a la refazione de li
danne: e a preposeto de chesto, siente
no fatteciello, che porta lo Sgruttennio
a no sonetto de li suoje de la Tiorba a
Taccone.

No nnammorato mēte steva aspettan-
no sott' a na fenesta, pecchè se fosse af-
facciata la nnammorata sojà, chella da
coppa jettaje no pignato de vrode, che
lo pigliaje da la capo a lo pedè, e le
consomaje no jeppone nuovo nuovo, e
chillo non avenno co chi pegliaresella,
dicette:

.... oh Ammore, e che me faie vedere?
Ad altre daie la carne, e a me la vroda.

XXI.

Avè riale.

Se sì rialato, dà lo pezzotto a chi porta lo riale, e restituisce no riale suoccio a lo ricevuto, si meglio, e chiù sbrenneto non può farlo; e prega l'ammico a non pigliarse chiù sto ncommeto, si nce vuò fa longa ammecizia, pecchè se trase po a lo corrivo: pocca nce so cierte, che rialano pe nnustria d'approffittarese, o pe quacch' altro filo d'erva: onne si te vide rialà, miettete 'n guardia, ca si no sì tignuto cierto; pocca dice lo proverbio, *chi dona, caro venne; e chi te dà chiù che non pole, o t'ha ngannato; o ngannà te vole.*

XXII.

Se sì, dommannato de lo riale.

Se sì addommannato de lo riale ch'aje avuto, e comme t'ha piaciuto, e tu di, (quantonca sia stato na joja) ch'è stata na cosa de spanto, e che da chelle mano tutto è no trasoro.

XXIII.

XXIII.

Esse remproverato.

Si aje qua remprovero, o quacch' afrunto, figne de non capirelo, e parla d'autro; e se si affiso co parole pugnente, o male risposte, non pigliarete collera: pocca no Prencepe chia vaje pe pazzia no cauce a le pacche de no sordato, e chillo fece tanto no pireto, e lo Prencepe lo remproveraje; e lo sordato respose: e qua porta tozzoleja Vostra Accellènzia, che non se rapre subito?

XXIV.

Dammaggio.

Si aje qua dammaggio ne lo nnioziare, non te mette a strellà, e fa chiazate; ma co bella maniera, e senza lontanane non te fa fa messere.

XXV.

Rengrazzare a tutte .

Qualonca azzione te sia fatta o bona, o trista, e che te riesca d' utile, abbessogna che rengrazie chi te l' ave fatta, e chesto pe polezia, e pe politeca; cossì soccedette a no galantommo, che s' aveva accattato no ruotolo de mozzarelle da na femmena; quanno fuje a la Sbarra, pe sparagnà la gabella, se le mittette sott' a la sciammeria; ma se n' addonaje no sbirro, e lo pigliaje nterzetto; e mente l' attaccava comme nterzettario, dicette lo gabelloto: pesate le mozzarelle 'n presenza de li testemmonaje; e zò facenno le trovajeno tre quarte, piso a lo quale non ce cape gabella, e nne lo mannajeno. Lo galantommo, vedенno ca n' era stato carcerato, perchè le mozzarelle s' erano trovate tre quarte pe no ruotolo, se tornaje da la femmena, che nce l' avea vennute, che steva otto miglia lontano, e le disse: io te rengrazio ca m' aie dato tre quarte pe no ruotolo, pecchè si me dive lo ghiusto, starria carcerato.

A n' autro soccedette, ch' avvennose accattato de sera seje rana de presutto,

quan-

quanno jette pe mangiaresello , lo tro-
vaje accossì fetente de scarfato, che non
se ne potte agliottare manco na fella. La
matina jette a reingrazià lo Casadduo-
glio, dicennole : ammico, io te reingra-
zio de lo presutto, che me diste feten-
te; pecchè si me lo dive buono, io me
lo mangiava, e m'avarresse fatta fà na
nottata senza chiudere uocchie pe grat-
tareme sempe, pecchè io patesco d'a-
more-sauzo; onne non avennone man-
giato, aggio fatto uno suonno.

XXVI.

Coffejare.

Non se deve coffejare maje nesciuno,
nè da ddavero, nè pe pazzia; pecchè
soccede a le bote, ca chi coffeja resta
coffejato; e sientete chesto, e bì si va
a ciammiello.

No cierto si qualisso, vedette ca no
cafone steva ncantato nnante a no pa-
sticciero a tenemente a le sfogliatelle,
e le dicette (pe repassarelo) nè pajesà,
quanta te ne magniarrisse? responnette-
lo cafone: me ne magniarrìa no cente-
naro. E si po non te le mangie tutte,
disse lo si qualisso, che pierde? io n'
aggio denare, respose lo cafone; ma, sì
no

no me le mangio , me facite levà na mola ; e accossì se restaje . Lo sì qualisso dett' ordine a lo pasticciaro de farelo mangiare a boglia soja , ca isso pagava ; e lo cafone doppo aversene magniate vinte, dicette ca non se fidava de magniaresenne chiù ; e fuje obbrecoato de fàrese sciccà na mola . Chille che stevano a bedè , accommenzajeno a darele la cucca , co dire : lo cafone pe golto de le sfogliatelle s' ha fatto terà na mola ; e lo cafone responne : Cafune site vuje , perchè la mola è fraceta , e io apposta era venuto pe fàremella terare , e m' aveva portato cinco rana ; e mo me ne vado co la mola terata , la panza chiena de sfogliatelle , e li denare dint' a la sacca ; e 'n fatte veddero ca la mola era fraceta , e carolejata ; onne rommasero lloro coffejate .

XXVII.

Dare lo Ddonno.

Sì aje da chiammare quacch' uno a nomme , non te scordà de darele lo Ddonno , quantonca non sia nobele , pocca oje s' usa tra pagge , portiere , carcerjere , e suggeche ; e marisso chi non ce lo dà : e si è bennetore de cose de

de magniare , e tu chiammalo mercante; e 'n fatte nce fuje no figlio de zeppolaro , che boleva mettersa ucopp' a no banco, e lo Razionale passannolo a sammena , l'addemmannaje de chi era figlio ; e lo picciuottolo respose : son figlio di mercante friggitore . Lo Razionale no lo capette : ma po essennose informato , ch'era figlio de zeppolaro , quanno tornaje pe la risposta, le dicette: annate a mercanteggiar con vostro padre friggitore ; e ne lo mannaje 'n santa pace ; ma fuje sberoperato da tutte chille , che sanno la moda .

XXVIII.

Dare titole .

Si daje titole , accrisce sempe la graduazione , comm' a di : a chi se mmereta lo tu , dalle la signoria ; a chi la signoria , lo llostrissemu ; a chi lo llostrissemu , l' accellenzia ; pocca chesta è l' urdema moda ; a che sia accossì, vide si oje lo juorno nce so chiù procureture , sostitutene , shirre , e criate ; pechè li primme vonn' essere chiamate avocate , li secunne capitane , li tierze caporale , e l' urdeme decane .

XXIX.

XXIX.

Scommeglià defietto.

No scommeglià li defiette de l'autre, e se si addimmannato, dienne chello che nne saje de buono, e annascunne lo uristo; pocca lo levà la coppola a lo zeltuso, se sole di, non fu maje cosa bona.

XXX.

Fare despiette.

Non fa despiette, e non avè nvidia de nesciuno, pechè a le bote succede ca la nvidia te fa dammaggio propejo de core; pocca nce fuje no nvidejuso, e n' avaro, ch'esseno state chiamate da no Signorone, lo quale dicette: che uno de lloro avesse cercato nzo che boleva, ca isso deva lo dduppio a l'autro: l' avaro n' addimmannava, p' avere lo dduppio, e lo nvedejuso manco, p' averelo isso: lo Signore mese na mpollina, e dicette: scomputa che sarà sta porvera, e n' avite addimmannato, che bolite, ve faccio mpennera a tutte duje: ma stanno ge scompere la mpollina, disse lo nvede-

42

dejuso: Signò, faciteme caccia n' uocchio, azzò le facite cacciare tutte duje a isso.

XXXI.

Portà lo magniare 'n mana.

Si accatte da magnià, no lo portà 'n mano, pocca è breogna; la verdumma po, la carne, e lo pesce, che so cose da non poteresse tenè 'n casa, ca se nfracetano, quanno te l'aje da l accattà, fattele portà da no vastaso, ca accossì fanno li galantuommene.

XXXII.

*Irese mmeranno la carne
pe la via.*

Non ghi mmeranno la carne pe la via, pechè porzi è bregogna, pocca te l'aje avuta da vedè quanno l'aje accattata: oira de che si po te paresse malamente, nce può fare avotro, che lagnarete de la poca accortezza toja, che non te ll'aje vista 'n tiempo proprejo?

XXXIII.

XXXIII.

Mettere mano a fatiche .

Si n'artista stà fàtecanno , non piglià chello , che sta facenno , anze non toccarelo manco co le ddeta , si non vuorje sentì , vi ca te tigne , scostate ca fa cavodo , e simmele .

XXXIV.

*Leggere chello che sta leggenno
n' autro .*

Non leggere maje chello ch'è stà leggenno , o screvenno n' autro , ca è na grossa mala-crianza ; pecchè pò essere cosa secreta , e si trattato da racchio . E arrecordate a pproposeto lo proverbe-jo antico : *nè uocchie 'n carta , nè mano 'n arca .*

XXXV.

Fermà screttture .

Si aie da fermà screttture , o autro , dà lo primmo luogo a chi è chiù granne de te , o chiù stimmato ; e si non se tro-
väs-

vasse 'n tiempo, e tu restale lo luogo
'n coppa, e firmate chiù abbascio.

XXXVI.

Dormì 'n casa frostera.

Trovannote a dormì 'n casa frostera, non te spoglià nnanze a l'autre: miette li panne tutte a no pizzo; e corcannote commogliate tutto. Si duorme accompagnato, non te levà nè la cammisa, nè lo cauzonetto; e quanno fa juorno sinche lo primmo a sosirete.

A lo quale proposeto siente che soccedette a no Dottore, no Screvano, e no Mastodatte, li quale jezeno a fare n' accesso a no pajese; e la sera avettero uno lietto tutte tre: lo Mastodatte l'attoccaje a dormire 'n miezo; ma comme ch'era chiatto chiatto, ed era tiempo de stata, senteva troppo caudo, onne pe stare chiù frisco, s'armaje de nnustrìa, e mesese a raspare futo futo: lo Screvano, e lo Dottore dicettero: Mastodà, perchè te raspe? respose lo Mastodatte: pe dare allattà la criatura mià a na Notriccia, l'ha mmescata na rognà, che m'ave consumata tutta la casa: 'n sentire chesto lo Screvano, disse, me voglio fa na fumatella: se sosette, e
non

non se corcàje chiù: Lo Dottore, pe paura de la grattosa, se sosette isso pure, co dì, voglio ire a fa no poco d'acqua, e manco se corcàje chiù; ntanto lo Mastodatte se facette no bello suonno sulo sulo. Tornate che fujeno a Napole, lo Dottore e lo Screvano se jezero a lamentare co chi aveva mannato co loro no Mastodatte rognuso, lo quale avvennosillo chiammato l'ammico princepale, le disse: comme, tiene la rognà, e te miette a dormì co l'autre? respòse lo Mastodatte: Signò, io non è ca tengo la rognà, (e le mostaje le mmane) ma fice sta funzione pe dormì sulo, pocca lo lietto era stritto, io ca sò corporente, e chiste me facevano sudà gnostra; onne si chesto non faceva, non avarria maje dormuto.

XXXVII.

Stare a lo Cafè.

Stanno a lo Cafè, si trasesse quarch'ammico, nvitalo a cafè; e si è perzona, che l'aje obbrecazione, falle dà ceccolata, o acquavita. Si po l'ammico assestesse de fitto a lo Cafè, l'urdema moda è de non nvitarelo; pecchè nò sò na razza de galantuomene lo juorno d'oje, che hanno trasenno e ascenno da

da li Cafè , nfi che trovano uno che li
nvita. E saccio muto buono , ca no Spe-
ziale manuale , ch'aveva no compare
troppo galantommo , ogne matina l'ap-
postava , e se faceva dà cafè . No juor-
no fuje veduto ca steva marfuso , e le
fuje addimmannato lo perchè ; e isso re-
spose , ca steva fratuso pe non avè tro-
vato lo compare , azzò l'avesse fatto lo
soletto compremiento de lo cafè : onne
io mò sarria de penione , pe fa crepà
tant' appoja-libarde , che chillo che se
trova dint' a lo Cafè , se faccia fa com-
premiendo da chillo che trase , si pure
te riesca sta nvezejone nnustriosa .

XXXVIII.

Sentì Commeddeje .

Si vaje a sentì Commeddeje , si non
aje lo viglietto , non pretennere de trasì
afforza ; doppo trasuto non t'assetta a
seggie destenate a femmene , o a perzo-
ne destinte , ma assettate addò si met-
tuto , e ncrinate a chi sta arreto ; no
strellà , non fa revuote : si vuò dà li
brave n'aizà troppo la voce , no repre-
cà lo *bravo* , o di *brava* , o *bravone* : si
sì addimmannato comme t'è piaciuta la
Commeddeja , si t'è parza bona , e tu
avanta

avanta l' Autore , lo concèrtatore , e li perzonagge : e si t'è parza malamente , e tu dì : sò compatibbele , se sforzano , fanno chello che ponno , sò dellettante all' urdemo , e non so stregune .

XXXIX.

Pigliare vagne .

Si vaje a piglià vagne , dà luogo a chi è primmo de te : non te menà tutto nsiemmo , non menà acqua 'n capo all' altre , non te mette vicino addò se chiacchiareja ; non toccà le carne d'altre , nè nce stà chiù de n' ora ; e quando te nn' jesse arravogliate buono co lo lenzulo .

XL.

Jire a spasso .

Si aje da ire a spasso , la convertazione sia no chiù de quatto , no manco de tre , perchè manco de tre se picceja , chiù de quatto nce ponno essere lotane , e bide de jire co chi è meglio de te .

XII.

Ire a la Taverna .

Lo ghì a la taverna , non è cosa de galantommo , si però nc' aje da i , fa ordenà da mangiare a chi è chiù granne de te: non fa pagà pe te, nè pagare pe altre , pe non fa o essere fatto corri-vo ; e si nce so femmene , l' urdema moda è , che pagano lloro pure .

XLII.

Dare tabbacco .

Danno tabbacco , primma fa no ncrino , e po co la mano deritta pruoje la tabbacchera ; e si aje da dà tabbacco 'n convertazjone , accommenza da la mano deritta : si nc' è quacche Saciardote , o perzona d' azzò , dallo a chisto primma .

XLIII.

Pigliare tabbacco :

Si s' nvitato a piglià tabbacco , piglialo co la mano deritta ; e si te truove

ve tabbacco dint' a le deta , jettalo , e annettate le deta co lo moccaturu , e pò piglialo de manera , che non ne faje cadere 'n tetra : non ghì arronzanno co le deta si nce n'è poco ; e si nce sò prete de vana , o seviglia , o autro , guardate de no le rompere , ma piglia lo rrutto ; e si non piglie tabbacco , tocca-lo co lo dito , e addoralo ; e non fa comme soleva fare no cierto tale , che quanno s'aveva da piglià na pezzecata de tabbacco , primmo astregneva le deta a no bottone , azzò se nce facessero le ffosse , e po pigliava tabbacco , pe pigliarne chiù assaje .

XLIV.

Cammenare 'n convertazione :

Si cammine co una perzona , si è de soggettetutene , dalle la mano deritta , e si' attiento de no smesterlo ; si site chiù de duje , li chiù stimate fa che vadano 'n miezo , nè te mette maje a lo luogo , che bò i n' autro , ch' è chiù granne de te .

XLV.

Ire 'n Processejone .

Dovenno i 'n processejone , non ghi tenenno mente a feneste , ma va co ll' uocchie 'n terra : dà la mano deritta a chi è chiù granne de te , o chiù stimmato , e porta la ntorcia co la mano deritta ; e refriette ca la processejone se fa pe fà annore a lo Santo , e pe consequenzia s' ha da i co devozione .

Non t'abbaccà co lo cerajuolo , comme fece no cierto benestante , che ghiette a la processejone pe no poveriello , che non teneva panne pe potè comparire : lo benestante perchè aveva da tornà lo mezzone de la torcia a lo poveriello , se commenette co lo cerajuolo de darele quinnece grana , e ch' avesse fatto cera a gusto sujo : se contentaje lo cerajuolo , e si a tutte l' altre restaje chiù de meza la torcia , a isso no nne rommanette manco no parmo . Lo poveriello zò vedенno , portaje chillo mezzone de ntorcia 'n mano a lo Cuonzolo , ch' era n' ommo sapio , e dabbene , lo quale sentuto lo fatto , le disse : sa che buoje fare ; oje vierzo le bintedojora aspettame vicino a la po-

C

teca

so
 tecca de st' allesenato, ma non te fa ve-
 dere da isso. Lo juorno jette lo Cuon-
 zolo addò lo benestante, e doppo fat-
 tece varie trascurze, le cercaje 'n prie-
 steto duodece carrine, lo quale subeto
 nce le mollaje; e lo Cuonzolo chiam-
 mato lo poveriello nnante a isso, le
 disse: tè, acchiappa sto sebetto: chi-
 sto và pe le quinnece grana, che sto
 galantommo s' ha pigliato da lo cera-
 juolo.

XLVI.

Lecenzejare amice da la casa.

Lecenzejanno n'ammico da la casa,
 accompagnalo nfi a la porta, e non
 serrarla si primmo non ha sciso tutta
 la gradiata, dapò salutalo, e serra la
 porta, ca chisto è lo zeremoniale de li
 galantuommene.

XLVII.

Fravodare.

Non fravodare nesciuno accossì nne
 l'avere, comme nne lo ddare; e nne l'
 accattare, o vennere; comme si aje, o
 daje ncombenze; perchè ora de lo scrup-
 po-

polo , è na cosa che te fa male abbe-
 dè ; e si maje te scuorde , e po te ve-
 nesse a mente , e tu torna la rrobba a
 lo patrone ; e te può regolà comme se
 regolaie no Sordato frostiero , lo quale
 se soleva vevere se' carrafe de vino lo
 juorno : succedle , che no juorno se ne
 vevette sette : venuto a li cunte co lo
 Tavernaro , nne voleva pagà schitto seje
 secunno lo ssoleto. Lo Tavernaro le disse,
 ca erano state sette , e non seje: e chi-
 sto respose , so seje , perchè mi tante
 ne bevo ogni zorno. Lo Tavernaro , pe-
 levà li lotane , se pegliaie li denare , e
 le disse , vattenne colanno buono . Nne
 l'asci lo Sordato da la Taverna accom-
 menzaje a ghi de renza , e cadette din-
 to a la lota . Se tornaje subeto da lo
 Tavernaro , co dire : tu Tavernar star
 galantom : tò , prendi l'altra carraffa
 mi aver torto ; perchè ogni zorno ave-
 bevuto sei carraffe , e mai star cascato
 dentro lote ; adesso star cascato , fuor-
 ze aver bevuto sette carraffe ; e pagaje
 l'autra carrafa de vino , perchè era ga-
 lantommo .

Comme faje , t' è fatto .

Non te piglià collera si t'è fatto chello, che tu aje fatto a n' autro; comm'a dicere: si repasse quarch'ammico, e chillo te fa n' altra repassatura, poeca è mala erianza si te resiente, perchè ogni proposta aspetta la risposta: e succede no fatto assaje coriuso a chisto proposeto. Parricchie Signorune d' azzò facevano na tavolata a Posilleco, che non te dicono niente: no poveriello jette a cercarele na caretà: uno de chille Signure, pe fafele na repassatura, le dicette, poveriello, acchiappa; e fece no pireto, che parze cannonata, e disse, trovalo, ca te rialo. Lo poveriello pigliaje na cannela da la tavola, e fegnette de jirelo trovanono pe terra. Dapò passato no buono pezzo, lo Signore l' addimannaje si l' aveva trovato; e lo poveriello respose: Ccellenzia sì. E avenno reprecato lo Signore, dov' è? chillo faccenno no pireto chiù forte de lo sujo, dicette, veccolo ccà: e da zò nne riuiscette na resata a crepa-panza de tutta la convertazione; e lo poveriello nn' apppe no buono rialo.

XLIX.

Addimmannare .

Nne l' addimmannare 'n conca azzione, siervete de chiste tiermene: *facciteme razia de direme la tale cosa: facciteme sto favore, si no v' è de ncomento: ve lo cerco 'n piacere: si nè è lo gusto vuosto, a ba scorrenno: ca cier-te traseno dint' a li Cafè, o a le pote-che p' addemmannà de quaccuno senza salutare, o sbarrettarese, co no nè, addò sta lo si tale de tale, e nesciuno le responne, che nne lo fanno i comm' a no ntorcia: e 'n fatte succedle a uno de sti scrianzate, che avenno addim-mannato a na femmena (senza saluta-rela) addò stà lo tale; chella, pe non darele avodienza, se mise a parlà 'n facce a no muro, e diceva, tu le scarpe me l' aje fatte sì, o no? e quanta vote chillo secutejava a dommannare, essa reprecava lo stesso; tanto, che se nne jette senza risposta.*

Volenno addimmannare quarche cosa, non avozare lo cannicchio, pocca soccedle, che mmiero la meza-notte passanno la guardia de li Sbirre pe no cierto vico, na femmena da na fenesta

de lo quarto appartamento, se mettette a strellare ad auta voce; guardia, guardia? responnte lo Sostetuto; veccocchè: che t' accorre? (credennose, che fossero mariuole, o autro) e chella rispose: vorria sapere, che ora songo. Sentenno chesto li sbirre, vatte mmaccannanno, che loro potie ascire da vocca.

L.

Ngraterudene.

Non essere ngrato, ca la crianza vole, che singhe affabbele, e cortese co tutte; perchè se si affabbele, può ricevere gratetudene, e se si ngrato ota, ca non si stemmato pe oimmo da beue, te ponno fa lo stisso, che aje fatto, e non te nce può piglià collera; comme succedie a duje Muronace Francescane, zoè uno de lo tierz' Ordene, e l' autro Commentuale. Mente che viaggiavano, se ncontrajeno a na taverna. Lo Commentuale steva mangianno a sciala core, se l' accostaje chillo de lo tierz' Ordene, e le cercaje quarche cosa, co direle: Padre, vuje già sapite ca la relegione mia me proibesce de portà denare 'n cuollo, onnè te prego fareme magniare co tuico, pocca aggio da fa cam-

cammino. Lo Commentuale, tenutolo
 mente cò na grazia de Miedeco, le dis-
 se, no nc'è che darete: re fusse fatto
 Monaco de la relegione mia, ca portar-
 risse li denare comme le porto io; e
 n'avarresse abbésuogno de nesciuno; e
 nne lo cacciaje senza darele niente. A
 capo de poche juorne se scontrajeno
 accanto a no sciummo. Lo Commen-
 tuale vedenno ca lo Terzejario, auzato-
 se l'abeto, passava liberamente da l'autra
 banna; e non avennolo scanosciuto, lo
 pregaje, che l'avesse passato 'n cuollo,
 azzò no lo facesse scavozare: lo Ter-
 zejario le respose, ca era poco a ser-
 virelo: e avennosillo ntorzato 'n cuollo
 a coscia-cavallo, s'abbiaje pe d'into a
 lo sciummo; ma quanno fuje propejo
 a lo miezo, l'addimmannaje si portava
 denare co isso; e avenno lo Commen-
 tuale respuesto de sì; isso reprecaje:
 e comme! puorte li denare, e biene
 ncuollo a me, che nme vene projebu-
 to da la relegione mia de portarene?
 onne non voglio essere scomonecato pe
 causa toja; e zò ditto, l'abbarrucaje
 dint' a lo sciummo, e se la cogliette.

Pazzie no' llezete.

Lo pazziare no' lezeto non sulo s'ave pe mala crianza, ma nc'è porzi scrupolo secunno le circostanze, comm' a dicere: levà lo moccaturu da dinto a la sacca a uno, tegnerle la faccia, farele lo vi-ca-ll' aje da dereto, e autro; pocca nce po soccedere n' aggrisso, comme soccedette a cierte ammice, che ghievano a caccia. Chiste se trattenettero a dormire tutte a na casa de campagna: uno de l' ammice, volenno fa na pazzia, dicette: ca isso dormenno a la stessa casa poco tiempo arreto, aveva ntiso, e beduto lo Monaciello, e fece mette la caca-vessa a li compagne. Se corcajeno tutte, e quanno ntese ca ronfejavano, se so-sette, e pigliaje no pecorone a quattro corna, che steva fora a lo ciardino, lo trasette dinto, serraje la porta, stutaje la cannela, e se mise n' altra volta dint' a lo lietto. Lo piecoro se met-tette a strellare de manera, che fece scetare tutte l'ammice, che sentenno lo sciato, lo scarpesare, e attentanno a la scura le ccorna de lo piecoro, se pigliajeno na semmentella de n' altra ma-ne-

nera ; tantocchiù , ca jenne a tentune
co le mmano , tastiajeno lo piecoro ; e
se misero tutte a strillare ad anta voce:
lo Monaciello , lo Monaciello ; lo spi-
reto , lo spireto . A li strille corzero
tutte li vecine co le cannele , e bedde-
ro ch'era lo piecoro ; e smacenannose
chi avea potuto essere , che l' avesse
fatta sta pazzia , le fecero na ntosa
comme jeva fatta , e benedette le mano.

LII.

Pazzie ch' affenneno .

Cierte pazzejano co parole pugnente ,
e a le bote toccano porzi la stimma ; e
altre bote co bottate , e co ngiurie ; e
ccheste so tutte cose che nne ponno
avè la contraposto , comme soccese a
no masto Varviere , ch' era n' ommo
curiuso , e ppazzejariello : ora chisto
mente passava pe sott' a la fenesta de
no Geruggeco a tutta carrera , ca scioc-
cava , chisto pe se nce spassà no po-
co , lo chiammaje , comme fosse stata
na cosa de premmura , dicennole : Ma-
sto , Masto ; trattienete no poco , pocca
t' aggio da parlà pe na cosa de mpor-
tanza , e se nne trasette : lo Varviere ,
credennose veramente , che fosse cosa
C 5 ne-

necessaria , se fermaje a lo chiovere : ascette n' auta vota lo Geruggeco , e ffece lo stisso ; e accossì pe tre bote : a ll' utemo lo Varviero sferraie , e le disse : se po sapè che bonora vuò da me , pocca non mme fido de stare chiù a sto cchiovere ? e cchillo , pe repassarlo , le responnie ; voleva che m'avisare abbuscate doje fronne de marva , camme vorria fa no decottuccio : ma siente che cconsequenzeja portaje sta cucca . Non passaje muto tiempo , che lo Varviero , pe se la scontà , de meza notte , mente chioveva a llangella , sparaje na scoppettata sott' a la fenesta de lo Geruggeco , e po se mettette stisso luongo luongo sotto a na pennatella de no vascio faccefronte a la casa de lo stisso Geruggeco , addò non se nfonnevà ; e accommenzaje a lamentarese con voce pateteca , decenno : ajuto , ajuto ca so muorto ; m' hanno feruto : m' hanno acciso : lo Geruggeco sentenno sto lamiento , credennose che fosse lo vero , scennette pe bedè d' ajutarelo , e no lo canoscette : l'addimmannaje addò l' avevano feruto ; ma chillo pe no buono piezzo no le respose , pe ffarelo sta all' acqua , e po dicette ; m' hanno cuoveto a li rine . Jette attentanno lo Geruggeco , e le dicette ; ccà non c'è
nnien-

nniente: cchiù abbascio, responnie lo Varviero; a nfi che lo Geruggeco le toccaje lo fetuso: tanno dicette lo Varviero: lloco, lloco m'hanno cuoveto; e si mme volite sanà, apprezzate che lle doje frunne de marva, che bolivevo da me pe ve fa lo decottuccio; e de sta manera se rescattaje la ngiuria, e ffacette canoscere a lo Geruggeco, essere troppo vero lo ditto nuosto antico, ca non abbesogna maffe fa pedeta a chi ha culo.

LIII.

Matremmuonie.

Pe contrattà matremmuonie porzi nce vole la crejanza, pocca paricchie sbarvatielle se metteno a fà l'ammore nn' assenzia de lo patre, e de la mamma; e chesto non va buono; pecchè se nnammorano senza scommoglià li defiette da l'una parte, e l'altra; quanno la bona cianza vole, che se sacciano; e pe chesto nne nasceno tanta sconzierte; comme soccedie a no nnammorato scartellato sulo da dereto, che se nnammora de na fegliola zoppa, che bedde a la fenesta. Quanno nce jeva a ffà l'ammore, primmo se metteva co lo scartiello dint' a no pertuso de no muro, e po le siscava, e ffacevano la mez o-

ra ; quann' erano a lo llecenziarese , si chella non se n'era primma trasuta , non se parteva da chillo pizzo , pe non farse vedè lo scartiello . Se concrudette lo matremmonio ; e ghiezero a ngaudiare 'n tiempo de notte , rialanno da tutte doje le pparte lo Creleto , azzò non avesse allommato troppo cannele ; e doppo avere ditto : *gnorsì e bogliola* , se mesero li spuse a ddicere tutte duje : o comme nce l'aggio ficcata , o comme nce l'aggio ficcata : addimannaje lo sposo : nè ? comme mme l'aje ficcata ? e la sposa responnie : no lo bi ca sò zoppa ? e lo sposo se votaje : si tu sì zoppa , io so scartellato .

LIV.

Nzorare a fforza.

Portà matremmuonie , o nzorare a fforza manco è ccevertà ; pocca non sullo la ragione vò ch' ognuno se nzora a gusto suo , ma lo bò porzi la crianza , azzò che pò non se ne pentano ; comme soccese a uno , che se pigliaje na mogliera senza averce maje parlato : doppo nguadiato , la mogliere maje parlava : lo marito pe la senti parlare le portaje no paro de scarpe , una stretta-
stret-

stretta, e n' autà laria laria, nce le me-
suraje, e chella manco parlaje; portaje
la carne, e l' appese a lo muro, senza
direle niente; ma addò la mese llà la
trovaje a ora de mangiare; ma pe la
sentì parlare, quanno le raprìe la porta,
lo marito a l' antrasatto strellaje bù, e
chella manco parlaje: a ll' utemo, pe la
sentì parlare, co no tabbaro se fece ve-
ni no dolore, e se fegnette muorto; e
tanno la moglie accommenzaje a ppar-
lare; e piccianno diceva: maito mio,
maito mio, e che me ne icoddo de te:
na ccappa attetta attetta, e n' ata lalia
lalia: la canna appeza a lo mulo: e
mmocc' a la potta bù: sentenno lo ma-
rito ch' era tartagliosa, disse; e ddì ca-
jere tartagliosa, e ppe' cchesso non par-
lave.

LV.

Mprecare.

Chillo che hò passare pe ommo ac-
crianzato, abbesogna che non faccia
mprecaziune; pecchè, ota de lo scrupolo,
s' hanno pe mmal' azzione, e s'
ausano da li lazare: chiste quanno non
se sò biste da no piezzo, e se scontra-
no, li salute llozo songo: te yenga no
can-

cancaro, che te ne si ffatto? risponne l'auto: puozz' essere acciso; addò si stato, che nfi a mo non t'aggio visto? e chiste tale non hanno chelleta de mpreca che se sia; e 'n fatte succese, che mancava lo Governatore a no pajese, che remeva poco; e lo patrone de lo luoco nce mannafe no pagliettello de chiste che non sanno manco chi è Bartolo, e Bardo. Arrevato, che chisto fuje, a lo pajese se jeze nformanno quale era lo vizio che cchiù addommenava; e le fuje ditto, ch'era la jastemma de li muorte. Lo Governatore cacciaje n' ordene, che pe ogni mmuorto che ghiastemmavano avessero pagato no grano de pena, o carcerato. Le fuje ditto, ca uno aveva jastemmato vintiquattro muorte: subeto se lo fece chiammare; e le disse ch'avesse pagato vintiquattro grana. Lo jastemmatore, pe non ghi carcerato, cacciaje no vinteserana, e dicette: dateme doje grana arreto: ma lo Governatore non se trovanono cavalle, le disse che fosse juto a cagnà; e lo jastemmatore responnie: non serve, ca mo aggiustammo: benaggia li muorte de mammeta, e de patreto, si Covernatò, e stammo pace.

LVI.

Velleggiatura ..

Ienno a ttrovare quarche ammico a la velleggiatura , o a lo casino , non nce l , si non si nvitato ; e si nce vaje , non è mala crianza a portare quacche piazanzella ; pecchè no Poveta Napolitano 'n vocc' a la porta de lo Casino sujo screvette sto spataffejo :

*La porta è aperta pe chi porta parte ;
Chi parte non porta, porta n'è aperta;
Porta , ca porta è aperta; e si no parte.*

E ssì pe sciorte te scuntre 'n velleggiatura co n'ammico , e te nvita a mangià co isso , fattello ddi cebiù de na vota ; pecchè pe la primma vota po essere , che te nvita pe n' atto de crianza ; e si azziette , l'ammico se po trovà sprovisto , e se piglia collera ; comme succese a no sordiero , che steva a lo Casino , e s'aveva accattato tre grana de carne , e no grano de gnucocole ; e mente se le mmenestava , ntese tozzolià la porta ; aprette , e bedde n'ammico de cappiello : l'addimmannaje sì l'accorreva niente ; e chillo rispose :

aggio fatto na passiatella , m'è ccuoveto tardo , e so benuto a mangià co tico : benvenuto , risponnette lo sordiero. A lo minettere la tavola , nce acconciaje una seggia , una posata , e uno sarvietto ; e pportaje a ttavola no vacile copierto , addove steva tutto lo mmangià ; e dapò pigliaje no violino , e lo metette a ttavola : disse lo commitato : sto violino a che sserve ? e lo sordiero le respose : serve pe uno de nuje duje ; pecchè o io mangio , e tu suone ; o io sono , e tu mange ; pocca chello che nce stà cucenato è pe una perzona , e n'avasta manco . Disse lo commitato : donga mme nne pozzo ire ? e lo sordiero le respose : non è che te nne può ire , e ca te nn'aje da ire ; perchè lo mmangià abbastanza sulo pe mme ; e nne lo mannaje dejuno .

LVII.

Avarizia .

L' avarizia oltre ll' esserè ntra li peccate mortale , e nce ave lo secunno puosto , pure se vole che sia mala crianza , e non renne cunto , e la causa nn' è , ca si maje sì complementato , conoscennote pe tale non te fa manco

COR-

corrisponnere addovere : che te fa vestì
sedunto; te fa mangià pane, e ppane;
e te fa taglià da tutte; e si te vene
'n capo de trasi 'n quarche puntiglio,
porzi te fa cretecare; comme soccedette
a n' avaro, ch' àvea cchiù ccentenara de
docate l' anno de rennetà, e l' arere
erano duje nepute sule. Ora chiste no
juorno tutte duje le fecero na mala
crianza, tale che se resorvette l' avaro
de frusciarenne tutto chello ch' aveva;
e perzò chiamamaje lo criato, e le di-
cette : voglio appezzentire sti nepute
ngrate : và : accattame na sfogliatella;
e pe te fa abbedè ca le boglio romma-
ni propio a li calure, accattammenne do-
je. Sta resoluzejone facette ridere a lo
crejato, a li nepute, e a cchi la sen-
tette.

LVIII.

Truffare.

Lo truffare, ch' è no bello peccato;
porzi è n' azzejone ncevile; e te fa pas-
sà p' ommo de nania, e nce può essere
smafarato, comme succedette a uno, che
prestaje duciento docate a no Compare;
quanno po uce le ccercaje, lo Compare
nce

nce le nnegaje tunno de palla . Se ne
 jeze a trovà no Dottore , le portaje no
 riale, e le contaje lo trattato de la truf-
 fa : lo Dottore le spiaje si nce teneva
 screttture , testemmunie , o antre doco-
 miente : lo credetore disse ca nce l'ave-
 va dato a quatt' uocchie , lo Dottore
 disse mo veco de trovà quacche legge
 dintò a no libro , e pigliaje tanto no
 libbrazzo , e ogni ccarta che botava di-
 ceva scoppetta , scoppetta , scoppetta :
 lo Dottore pe no ddì accidelo , diceva
 scoppetta , scoppetta , scoppetta ; a ll'ur-
 temo disse : figlio miò , dintò a sto lib-
 bro , non trovo autro , che scoppetta ,
 scoppetta , scoppetta : rispose lo credeto-
 re , v'aggio ntiso : e cossì na matina
 sto sapio credetore appostaje lo compa-
 re co la scoppetta carrea 'n miezo a
 na campagna, addò soleva passare co lo
 figlio , e le disse : Compà , o mme daje
 li duciento docate , o t'acido . Lo deb-
 betore respose : Compà , io aggio pazziato ;
 mo te le baco a pigliare : disse
 lo primmo : Compà , si non buò essere
 acciso , manuale a ppiglià pe ffiglieto ,
 e tu non te partì da ccà . Chillo pe n'
 essere acciso , disse a lo figlio : v'ad-
 dò mammata , e fatte dà li duciento do-
 cate , e portale ccà : e sempe diceva a
 lo compare ; io aggio pazziato , compa-
 re

re mio : ntanto venne lo figlio co li denare , e nce le deze , dicenno : Compà chiste so lloro : io aggio pazziato , e tu mme volive accidere ? Dapò che s'èpe pigliato li denare lo credetore, le disse : Compà , addavero te credive ca io te voleva accidere ? io pure aggio pazziato .

LIX.

Repassare .

Lo rrepassare co ll'atte, e co le pparole pur' è mal'uso ; pocca ca s' aggravano li repassate , e ponno lloro porzi rrepassare a ttene ; comme succedente a ccierite ammicce , che se mmeziajeno pe ffa la posta a n' altro : uno de li quale se mettette doje corune dint' a ddoje sacche ; una imperrò la mese meza da fora , e l' auta che no nce pareva . L' altro de li duje disse a lo tierzo : levale la corona , e chillo nce la levaje . Lo primmo de li duje chiammaje scommonecato a l' auto , e chillo respose : sì tu scommonecato : reprecaje lo primmo ; tu non tiene manco la corona ncuollo : lo secunno disse : io la tengo ; e lo primmo disse : quanto te vuò jocà , ca no la tiene ? e fecero no nguaggio ;
e pe

e pe repassare l'ammico, fecero a parte lo primmo, e lo tierzo, che l' aveva levato lo corona: lo secunno ch' aveva doje corune, cacciaje l' altra corona, e bencette lo nguaggio.

LX.

Rescattà la ngiuria.

Va ngeguela de lo repassare.

L'ammico vedennose repassato, e ppe se rescattà la ngiuria, disse, facimmo n' altro nguaggio: na cosa ch' io faccio co l' uocchie chiuse, tu l' aje da fà co l' uocchie apierte, e fecero l' altro nguaggio. Lo repassato pegliaje na vrança de cennera, serraie l' uocchie, e nce la mise ncoppa; dapò scotoliaje, e disse a l' ammico; fallo tu mo co l' uocchie apierte: chillo no lo potette fare, e accossì se rescattaje la ngiuria, co bencere lo nguaggio.

LXI.

Vesetà Muorte.

A tale sciorra de visete pure nce vò la crianza; pòcca murde vanno a fà le
bise-

bisete comme jessero a fare na farzata ,
e se mettano a ddicere : salute a buje :
li muorte co li muorte , e li vive co li
vive ; e cotpeo s'è mmuorto quà mma-
rito , o qua mmogliera , le siente dice-
re : nninche passa lo pontone , passa lo
dolore ; e chesto è contr' a la crianza :
da chesto addevenne ca no piccerillo , a
lo quale morette la mamma , e appero lo
Cuonzolo de pesce, mente mangiava dis-
se : morta mamma magnammo tanto pe-
sce , moresse tata craje ca magnariemo
tant' autro pesce : e le bedole porzi de
lo juorno d' oje non ausano de portà
quase chiù lutto, e subeto penzano a lo
marito nuovo , dicenno , uno esce , e
n' autro trase , accossì succedette a u-
na , a la quale jeze lo marito a ll' au-
tre cauzune . Ora chesta mentre jeva
l' Aconemo a benedicere lo cuorpo ,
lesto lle disse no scojetato : faciteme na
grazia , decite a la vedola si mme vo
pe mmarito . Respose l' Aconemo ; che
mme vuò fa menà pe na fenesta ? e
chillo le reprecaje : vedite se ve pò re-
scire ; l' Aconemo , pe se lo levà da tuor-
no , le disse , voglio vedè . Quann'appe
fatta la santa funzione , trasette addò
stevano li pariente de lo muorto, e bedde
ca redevano tutte quante , e dicevano ;
no nc'è zita ddò non se chiagne , non
nc'è

nc'è muorto ddò non se ride. A chesto l'Aconemo se dez' anemo, e ddisse: e ssi è chesto nce sarria no giovene dabbene, che borria sta vedola pe mogliera. Respose la mamma de la vedola: rengraziammo vostra Reverenzeja, e sto giovane, e decitele, ca è arrevato a curto, pocca avimmo appuntato lo matremmonio co n' altro doj' ore arreto. E l'Aconomo responnette: bon prode ve faccia.

LXII.

Marite, e Mogliere.

Nfra li marite, e mogliere porzi è necessaria la crianza; pocca cierte marite trattano le mmogliere peo de vasse; e ciert' altre le fanno tanto addomenà, si manco le stessero a criate; e non sanno ca fuje levata na costata a Adammo, pe crejare la femmena, che bole gnefecare, ca co la mogliere t'aje da mantenere pe la strata de miezo, zoè, non farela addommenà, e manco maletrattarela; e si cerca quacche cosa lezeta, lo marito nce l'ave d'accordare, pocca succedle, ca uno ch'avea la mogliere, e tre figlie, pe sparagnare, accattava ogne ghiorno no ruotolo de
mac-

maccarune la matina, e n' altro la sera. Schirchiaje la moglie, dicenno: io non boglio magnà chiù maccarune; e s' appeccējeno de manera, che ghiezero pe bia de Menisto, lo quale sentenno lo socciesso, fece n' ordine a lo marito, ch' avesse mangiato no juorno maccarune, e n' altro juorno menesta. E le moglie pure hanno d' avè la crianza, comm' a ddicere, non hanno da ncottare li marite, mo co na moda, e mo co n' auta: non hanno da portà lo cauzone 'n processione la notte, e hanno d' ammare la stimma de li marite, e non hanno da fà comme fece na moglie de no negoziante, che non teneva figlie, e se cresceva na nepota soja, e tanto fravolaje lo marito, che lo fece mettere fojenno pe debbeto de ottociento docate, e la moglie teneva dinto a no cascione tre milia docate de monete d' oro ch' avev' arrobbato a lo marito; e sapennole casovalemente lo marito, disse a la moglie, va trova chillo parente mio, che sta otto miglia lontano, e pregajelo, che m' accordasse: la mogliera pe nce la chiavà 'n canna, disse, vago subbeto p' agghiustà lo marito mio, e partette: lo marito de notte jeze a la casa, scassaje lo cascione, e nce trovaje tremilia docate de mone-

te d'oro, se l'acchiappaje, e tornaje ncopp' a la santosa: lo craje tornaje la mogliere, e co no finto chianto, disse, marito mio, lo parente tujo me ne cacciaje: rispòse lo marito, e non saje sta notte li mariole hanno scassato la porta, e lo cascione: pur' è buono ca no tenevamo niente a la casa? corze la mogliera, e quanno vedde lo cascione scassato, le venne no panteco, 'n sarvamiento nuosto, e sse la cogliette: accossì lo marito ascette da diebbete, e da galera, zoè se leberaje da chell' arpia de la mogliera, ch' era autro che galera pe chisso affritto.

LXIII.

Mbriacarese.

Lo mbriacarese è la chiù mala crianza de tutte le mmale cianze; pocca non te fa fare nesciuna azzejone cevile; te fa zompà da palo 'n perteca, parlà sparo, te stona, e te fa schefare, e repassare da tutte; e chello ch' è lo peo, ch' è no vizio che non se leva maje; comme puoje vederlo da sto fatto che te conto. Nc' era uno ch' ogni sera se mbriacava: la mogliere pe le levà lo vizio, lo corcaje, mente dormeva, dint' a na

a na cascia , e lo serraie . Quanno ap-
pe padiata le chiarenza , se scetaje ; e
credennose d'essere muorto , e che la
cascia fosse statò lo tavuto , se mise a
strellare : oje gente de l'altro munno ?
oje gente de l'altro munno ? la moglie-
re co na voce fenta respone: che buoje ,
che buoje ? e chillo disse dateme na
carrata de vino , ca mme moro de seta .

LXIV.

Scostommatezza .

Chillo ch'è scostommatò , non po pas-
sare maje p' accrianzato , accossì a lo
magnare , a lo bere , a lo bestire , e
'n tutte l'azziune ; pecchè si vaje vestu-
to chiù de lo ddovere , sì cretecato ,
e te chiammano casancuollo ; si man-
ge scostommatò , te diceno ; ente , e che
mazzeco , che ttene ? e si vive sopier-
chio , te diceno : tozza , e accosta ; e nce
ponno nascere desturbe , comme socce-
se a na femmena che le piaceva lo scia-
rappa . Lo marito teneva n'arciulo , che
nc'era pittato a lo funno n' Agniolo ,
e accattava tre carrate de vino , pe se
le bere nsemora : la mogliera veve-
va a pprimmo , e se nzoza tutto lo
vino ; e lo marito le diceva : nsomma ,

D

ne

no mme ne vuò restà manco na vepeta? e essa risponneva; marito mio, aggie pacienza, ca l'anzietà de vedè chillo bell'Agniolo, mme fa wevere tutto lo vino, e no mme ne fa addonà. Jeze lo marito, e se fece fare n' arcuolo suoccio a chillo, e nce fece pegnere no demmonio; e nce lo mostaje a la moglie. Accattaje le solete tre carrafe de vino, e la moglie porzì se le bevette 'n uno sciato: lo marito le disse: e mbè? mo no nce l' Agniolo, e pure te l'aje zucato tutto? respos' essa: io l'aggio fatto pe despietto de lo demmonio: pe mme lo levà priesto da nanre, e ppe chesto no nce n'aggio voluto restà manco na schizza. Lo marito disse: e ddi ca è cancaro 'n corpo; e l'abbiaje l'arcuolo 'n fronte e la sciaccaje.

LXV.

Mottejare.

Lo mottejare puro è mala crianza, merzè ca sti qualisse co ffà li sapie de la Grezia, se fanno repassare, e dicono tanta sprepuosete pe fa ridere a ll'altre, e non sanno, ca pe doje cose se ride, o pe tanta virtù, o pe tanta
cjuç.

ciucciaria: e cossì soccesse na vota, poca mente passava no marito e na mogliea chiatta chiatta uno disse bomma; e lo marito disse io de sango te scommo, e le deze no schiaffo a cingo frunne, e lo scommaje de sango.

LXVI.

Spacconejare.

Lo spacconejare puro non è crianza bona, e te fa mostare a ddito, comm' a dicere; no spaccone te conta; me cacciaje mano co seje perzune, e nne ferette quatto; e l'ammice da dereto fanno bù, e che pallone: secoteja lo spaccone: aggio avuto na recotta de trentaseje rotola: aggio fatta na tavola de diece perzune, e m'è costata ciento docate; e l'ammice fanno bu: e n'ammico 'n commertazejone, pe repassare no spaccone, disse, ch'aveva veduta na batteria a quatto fila sette miglia longa; e a la primma fila le risposte erano de no ruotolo l'una; la seconna de doje; la terza de tre; e la quarta de diece rotola l'una; e la capo rispota pesava novecientomilia settecento cinquantanove cantara, e sittantacinco rotola e meza: e quanno sparaje, fece BU': sta

cosa sentuta da lo spaccone , le fuje de mortefecazione , e chiù pecchè la commertazione se ne mettette a ridere ,

LXVI.

Vantarese .

E' seguela de lo ditto l'avantarese ; pocca chi s' avanta isso stisso , passà porzi pe scrianzato ; e cierte s' avantano porzi li defiette pe smargiassaria , e cierte pe bestialetate e non se n' addonano ; comm' a ddicere : io so lo masto a ben- nere ; pocca si venno a diece , ne cac- cio a dudece ; e s' avanta ch' è no ma- niuolo : de chiù , dice n' auto , io so lo masto a ghiocare , e s' avanta d' essere jocatore : appriesso , dice n' auto , io so lo masto a bere vino ; e n'esciuno m' appassa ; e se vanta d' essere no mbria- co : Uno de chiste contaje , ca jeze a pigliare no varrile de vino , e lo zasso voleva no carrino de portatura , e isso le voze dare cinco rana , e lo zasso no nce lo voze portare ; jette a chiammare tre altre ammice , e sse lo vevettero dint' a la cantina stessa sano sano pe sparagnà la portatura : e bi che bella prova , che facettero !

LXVII.

LXVII.

Museca.

A senti la museca porzi ncè vò la crianza, pocca cierte se metteno a ghio-
decare senza sapè che gnifeca museca;
e dicenno tanta sprepuosete : po teneno
mente, che atte fanno chille, che stanno
a sentere , e da llà se revolano pe fà
li maste nchiaste ; e pigliano quicquera
la cosa , e nce restano repassate ; com-
me soccese a no museco , che mente
cantava , na vecchia faceva l' uocchie
a ppesciariello ; e quanno trellejava , la
vecchia chiagneva a sselluzze . Le fu-
je addommannato da lo museco , ed
autre , pechè chiagneva ? e essa rispo-
se : io teneva no ciucciariello , e mme
morette , che quanno arragliava faceva
justo la voce vosta : onne io mo sen-
tenno a buje , m'è benuto a mmente
lo ciucciariello mio , e perzò aggio tre-
voliato .

EXVIII.

Ammecizia.

Co l'ammice non sulo ca nce vo la crianza, ma nce vole de chiù la federtate, comme a chella d' Acate, Damone, e Scevola, e non già comme s'ausa lo juorno d'oje, che se jodecano l'uno co l'auto; da nanze fegneno abborlare, e da dereto facenno da vero: e si s'hanno da fa compare, pe parte de scanagliare si songo uommene da bene, se nformano si stanno ricche: donca l'ammice vere sonco state poche a lo munno, e chiù poco nce ne sonco mo; e perzò dice n' Autore gruosso, ca chi trova n'ammico fedele, trova no trasoro; e pe farete vedè, che defferenzia passa da l'ammice de li tiempe passate, a chille de li tiempe presente, siente, e nchiocca. Pizia aveva da essere mpiso a Saracusa, e cercaje 'n grazia a lo Rrè Dionisio, che l'avesse mannato primma nzi a lo pajese sujo, azzò s'agghiustasse le cose soje, e dapò sarria tornato a farese mpenne-
re. Lo Rrè nce l'accordaje, pure che se fosse trovata perzona, che se mettesse carcerato a luogo sujo, azzò s'isso
non

non fosse tornato ; faceva justiziare a chillo . Pizia , chiammaje Damone , ch' era l' ammico chiù sbisciolato sujo , e nce lo ddisse ; e Damone tanno pe tanno se mettette carcerato , e nne fece ire a l' amico . Pizia fece lo fatto sujo , e tornaje pe farese justiziare ; e lo Rrè , che bedde la federtate de st' ammice , non sulo lo perdonaje , ma nce volette essere ammico isso pure . Duj' autre am- miche de lo juorno d' oje , mmitajeno n' altro amico , che fosse juto a magnià co loro 'n campagna , lo quale responnet- te ; n' aggio denare : e li duje dicette- ro , pagammo nuje ; e ghiezero . Doppo mangiato , uno de li duje se fegnette mbriaco , e lo secunno disse mo vengo , quant' accompagno st' ammico nfi a ccà fora ; e co sta scusa se nne jezero ; e l' ammico mmitato avette da restà lo pi- gno a la taverna , ca non aveya denare ncuollo .

LXIX.

Smenovire .

Lo smenovire è no defetto , che chi lo tene non se lo canosce , e affenne l' ammiche senz' addonaresenne ; comm' a ddicere ; si uno le dice , me voglio

fa no vestito ricco ; isso le responce ; fattillo chiù mediocre : n' altro diciarsà ; voglio ire a lo devertimiento lezeto ; e isso dice , che nn' aje da fare : n' altro dice , vorria magnare quatto cose ; e isso responce , è doje non t' avastano ? e co sto smenovire ota ca fanno mala crianza , nce pò succedere quabarruffa , comme succese a no marito , che mente magniava co la mogliere , disse : e che sarria , mogliere mia , è tenesse cientomilia docate de li mieje ? la mogliera le respose : marito mio , e cinquantamilia non t' avastarriano ? a chesto , lo marito l' afferraje , e le deze tanta mazze ; la mogliera diceva chianneano : pecchè me vatte ? e chillo responnie : ca me vuò fa perdere cinquantamilia docate a mmano a mmano .

LXX.

Ngannare .

Lo ngannare mprimmese affenne la coscienzaja , e po è porzì na sollemnissima mala crianza ; e mo lo bide da stitre fattecielle che te conto . No taver-naro pigliaje a fatecare co isso no guazione , e le disse , te dongo quatto car-rine lo juorno ; e chillo le respose : e io
quatto

quatto mine ne piglio ; e l' arrobbava
ogne ggiorno quatto carrine . Se jeze
a confessare ; e le fuje spiato si aveva
fravodato lo patrone ; e isso respose de
nò : ma sulo m' aggio pigliato quatto
carrine annascuso lo juorno , poeca nce
fece lo patto , quanno nce trasle a fate-
care , ca quatto me ne deva , e quatto
me ne pigliava .

N' altro tavernaro se jeze a confessa-
re ca metteva l' acqua dint' a lo vino ,
e le fuje projebuto ; e' isso pò metteva
primmo l' acqua dint' a lo peretto , e
doppo nce metteva lo vino ; e quanno
tornaje a confessarese , disse , non aggio
puosto chiù acqua dint' a lo vino , ma
aggio puosto lo vino dint' a l' acqua ,
e se pensaje accossì de ngannare lo con-
fessore , lo quale , credennose , che met-
teva lo vino 'n frisco , nce l' abbonaje .

N' altro se jeze a confessare ncopp' a
la cella mente lo confessore steva dint'
a lo lierto , e bedde no paro de scarpe
nove nove sott' a lo lietto , se le piglia-
je , e sse le mettette sott' a lo ferraju-
lo , e po dicette : Patre , aggio arrobbato
no paro de scarpe , e le boglio dare
a buje . Lo Confessore disse : io no le
boglio , tornale a lo patrone . Reprecaje
lo penetente frabbutto : nce l' aggio vo-
luto dare e lo patrone , e no l' ha bo-

lute : e quann' è chesso , disse lo confessore , e tu tienetelle ; e chillo se le portaje . Quanno se suste lo confessore , e non trovaje le scarpe , disse ; avea ragione ca l' aveva volute dare a lo patrone , (ch' era io) , e no l' aveva volute .

LXXI

Caccejare . . .

A lo ghi a caccia puro nce vò no muorzo de crianza ; poccà nce so ciente , che pe parte de lì a caccia ad au-
cielle , vanno a caccia a li vruoccole , e a li frutte ; e chesto fuorze non è mala crianza . Soccese , che no cacciatore se coglieva ciente carcioffole ; e pe non esse visto , s' era accovato : ma se n' addonaje lo parzonaro , e chiammaje li Capocaccia p' ajuto . Lo cacciatore che le bedde venire , jettaje le carcioffole , se spontaje lo cauzone , e fègnette de fare l' abbesuogne : li Capocaccia cercajeno la licienza , e lo cacciatore disse no la tengo ; e lo portajeno 'n gargiubola . Quanno fuje pe trasire a le carcere , dimannaje lo cacciatore , pechè ghieva carcerato ? disse lo Capocaccia ; ca non aje la lecienza ; reprecaje lo
Cac-

Cacciatore; quà licienza decite? chella de la caccia, responniemo chille: lo Cacciatore disse; io la tengo; e nce la la mostaje. Li Capocaccia dissero, pechè no nce l'aje mostata addò t'avimmo carcerato? ca mme credeva, lo cacciatore respose, che bolivevo la licienza pe ffare l'abbesugne, e no chella de la caccia.

LXXII.

Pescare.

Jenno a pescare porzi è necessaria na refola de crianza; pechè nce so ccierre, che hanno a pescare ncommunetate, e sse tozzano li meglio pisce; e chesta è mal' azzejjone, pocca la spesa è nsoletto: decchiù quanno sparteno li pisce, fanno cane, e gatta; comme soccese a tre ammice, che ghiezero a pescare, e pigliajeno no pesce gruosso, n'autro picciotto, e cierte piscetielle; e quanno fujeno a lo spartere nce fujeno na barrera de secozzane e ppaccare, pocca ognuno voleva lo gruosso: 'n chist'atto passaje no Prevatariello chiamato D. Ramunno; e disse; pechè facite sta chiazzata? respose uno, pe nce spartì sto pesce ch' avimmo piglia-

to : dicette n' autro : orzù , facimmo lo spartere a zì Prevete ; o le dà tutte a uno , o le ghietta , o se le piglia isso , contentammoce , e fenimmo sta joja : resposeno l' autri duje ; simmo contente . Lo Prevete ch' aveva ntiso tutto , disse ; già che sti pisce v'aggio da spartere io , lo primmo sia lo mio ; lo secunno se piglia D. Ramunno ; e ogn' autro pisciettiello mo se l' arronza lo prevetariello ; se pigliaje ogni cosa , e se nne jette .

LXXIII.

Medecare .

A lo medecare purzì nce vò la crianza , comm' a dicere , non hanno da fa li miedecè stisse li medecamiente ; nè lecenziare maje lo malato , si lo malato no lecenzia a loro ; non fa rezette , che le ntenne no schitto chilli speziale , che dicono loro ; non hanno teni mente attuorno a la casa si lo malato stace ricco , e sbrigare subbeto le cure ; pocca succese a no Pesciavinnolo ch' aveva na spina dint' a no dito , e no Miedeco lo medecaje seje mise , e aveva lo pesce ogni mattina : no juorno jeze fora , e disse a la moglie ; ch' ayesse medecato lo dito a
lo

lo pesciavinolo comme lo medecava is-
so: quanno venne lo malato, la mede-
chessa le levaje la spina, e chillo stet-
te buono. Venne lo miedeco lo juorno
appriesso, e non bedde venì nè lo pe-
sciavinolo, e nè lo pesce: addimman-
naje a la moglie come l'aveva mme-
decato; e chella la respose, ca l'aveva
levata la spina; e isso le disse: mo non
mangiammo chiù pesce; donga li mie-
dece, tale, e quale, accideno la gente;
e che sia accossì, siente sto socciesso.
Duie studiente fenute li curze de li stu-
die, disse uno, facimmonce Miedece; re-
sponnette l'altro; facimmonce Dottu-
re, ca è mmeglio: nsomma uno se fa-
cette dottore, e l'altro miedeco. Lo
dottore teneva nà nnammorata, nce
trovaje n'altro festeggianno, e l'acce-
dette; e fuje mannato a ppresidio. Lo
Miedeco lo jeze a trovare, e le disse:
vecco lloco, si te facive Miedeco no
starrisse connannato: lo Dottore respo-
se; so stato connannato ch'aggio acci-
so a uno; e lo miedeco disse: tu n'aje
acciso uno, e staje a presidio; e io da
che faccio lo miedeco n'aggio accise
chiù de mille, e sò stato pagato ap-
priesso.

LXXIV.

Leticare.

A lo letecare poco s'ausa la crianza; e maro a chi ncappa 'n mano a qua paglietta, de chille zoè, che songo assammenate 'n procura (non già de l'Avocate) l'arredduceno justo comme pignette no pittore duje letecante; chillo ch'avea vinciuto lo pittaje 'n cavoronetto, e 'n cammisa; e chillo ch'avea perzo a l'annuda; ma non perrò, nce stà chi pò agghiusta tutto; e sientete chisto fatteciello. No paglietta frostiero ricco 'n funno, pe' sparagnare, faceva moni de famma la mogliere, pocca no le faceva mangià autro, che pane, e caso arrostito a la cannela: ma la mogliera non perrò l'arrobbava, e mangiava buono a l'annascuso. No juorno lo paglietta se n' addonaje, e le venette no tiro 'n canna, (n' sarvamiento tujo; leggetore mio) e non deceva autro; tutto a tiè: tutto a tiè: volenno di; te mangie tutto tu; e niente a mme. La mogliere se chiammaje no Notaro, co le testimonie, dicenno: sentire camme lassa tutto a mme. Lo Paglietta se nne jeze a l'autri cauzune, e la moglie-

re,

re , senza tent' figlie , s' acchiappaje o-
gne cosa .

LXXV.

Sonnare.

Amico , mo te farraje na resata, nsen-
ti , ca co li suonne puro nce vò la
erianza ; e io songo de sentemiento ca
nce vò ; comm' a ddi : uno conta no
suonno , e tte lo dà pe bero ; e non
sanno ca la Chiesa nce nzegna de nò
nce credere : e si quaccuno dice , non
pò succedere : isso responce , a mme
miette mano p' asciogliere li suonne ;
e 'uno de chiste , mente dormeva co n'
autro , se sonnaje , ch' aveva asciato
no trasoro 'n miezo a na massaria ; ma
pecchè lo butto era gruosso , penzaje
de irese a pigliare no sacco , e tornà
pe pigliarese lo trasoro : ma pe paura
de no sgarrare lo pizzo , nce fece , co
leverenzia parlanno , na cacata ; ma
quanno se scetaje , 'nvece de lo trasoro,
se trovaje allordato isso , lo compa-
gno , e tutto lo lietto .

LXXVI.

LXXVI.

Commannare.

Chi commanna , abbesogna che puro
 aggia no poco de erianza , pecchè nce sò
 cierti Patrune , che commannano 'n palo
 'n perteca comm'a ddicere: no serveto-
 re sarrà ghiuto a fà no servizio , e sar-
 rà tricato no poco , e lo patrone lo
 ngiureja ; n' altro venarrà no poco tar-
 do la matina , e lo patrone lo chiamma
 bestia , ciuccio , stuoteco , a chest' ora
 viene ; e si l' hanno da commannà quà
 servizio , vomm' essere ntise senza sape-
 rese sprecare ; comme soccesse a no ga-
 lantommo ; lo quale stanno a lo Casino
 a Posilleco lo jezeno a trovà na morra
 d'ammice , e bolenno fà na colazione
 le mancava no tremmone gruosso p'an-
 nevà lo vino : e disse a lo Criato sujo:
 fa no fuosso dint' a lo ciardino , e miet-
 tete no peretto lo chiù gruosso che ten-
 go ; e a n' altro Criato fece accattare
 diece rotola de neve , e lo ffece mettere
 attorno a lo peretto ; mente pò steva-
 no mancianno , jezero a piglià lo peret-
 to , credennose ca s' esa addefreddato
 lo vino , e lo trovajeno vacante . Lo
 patrone strellaje a lo criato ch' aveva
 puo-

puosto lo peretto senza vino ; e chillo
 respose : vuje m' avite ordenato no pe-
 retto lo chiù gruosso ; ma non m' avite
 ditto chino de vino.

LXXVII.

Vraccialiere.

A chi serve pur' è necessaria la ce-
 vertà, comm' a ddì, che non banno di-
 cenno li fatte de li patrune, che no le
 ghiodecano, nè lo tornano resposte pu-
 gniente ; si nò li patrune hanno ragio-
 ne pò de chiammarele nnemmice paga-
 te ; e si sò artisciane, ò vastase, c'han-
 no da servire, hanno da fà lo stisso,
 e non comme fecero duje vastase seg-
 gettare, li qualè fujeno chiamate,
 mente chioveva da no signore chiatto
 chiatto, e gruosso gruosso, che l'aves-
 sero portato 'n seggia. Li Seggettate ve-
 dennolo accossì pesante, le dissero : da
 nuje vuò essere portato ? affittate nà car-
 retta, miettetence ncoppa, e fatte stra-
 scenà a la casa toja, e se ne jettero.

LXXVIII.

LXXVIII.

Essere prena.

Le femmene, che songo prene pora
 hanno d'avere la crianza, commi a di-
 cere, hanno da ire a messa matino, non
 hanno da cammennare sderrenate, non
 tropp' hanno d'ascire da le case, e non
 s' hanno da fa veni tanta gollie nsate-
 che; si pone le venesse a dda vero
 quacche gollo, tanno sarria peccato si
 non lo dicessero, ma non hanno da fa
 comme fece na prena, che s' appicceca-
 je co lo marito la matina, quanno fu-
 jeno quart' ora de notte, fegnente d'ave-
 re le doglie, lo marito co tutto che
 chioveva a langella, corze a chamma-
 re la vammana, e benuta la vammana
 disse, ca non era de lo tiempo, e ch'era
 gollo, e la prena co n' altra frabbotta-
 ria, disse oie aggio visto passa tanta
 sorbetta de chiù sciorte :: corze nfuso,
 e buono lo marito, e portaje tanta giar-
 re de sorbetta de tutte manere, e dice-
 va, mangia moglie mia, mangia, no
 mme fa perdere lo primmo gnieneto ::
 dappò che s'appe mangiato tutta la sor-
 betta, disse a lo marito, chesto va pe-
 chella ngiuriata, che mme aje fatta
 stam-

stammatina ; pocca non è lo vero , ca
me so benute li dolore , e manco lo
golio de la sorbetta , aggio fatto pe te
fà torcere lo marito , che sapeva ca la
legge proibbesce de toccà le prene, diss'
aje raggione, ca sì graveta , ma quanno
sì figliata te stroppejo , e pp'essere om-
mo de punto , l'attese la parola , e be-
nedette le mmano .

LXXIX.

Promettere .

A lo promettere pure nce vo la
crianza ; pocca murde prommetteno , e
po n' attenneno ; e ne'è porzi lo ditto :
ogne Napolitano è apierto de vocca , e
striuto de mano ; e sì attenneno sti qua-
lisce , nce lo nnotano ; comme soccesse
a uno , che steva pe se la cogliere a
l'autri cauzune . Chisso se raccomman-
naje a no Santo , che steva pittato 'n
faccia a no muro 'n campagna , che l'
avesse sanato : steze buono , e le por-
taje pe duono cierte ffiche , e le mena-
va 'n faccia a lo Santo : l' acerve torna-
vano arreto , e l'ammature se l' azzec-
cavano 'n faccia ; e lo Cafone dicet-
te : vi lo Santo comme canosce l' am-
mature .

LXXX.

LXXX.

Renfacciare .

Cierte renfacciano l'ammice , e non sanno ca è mala crianza ; comm'a dicere ; uno conta no socciesso , e n' altro dice , non pò soccedere ; nce voglio le testimonnie ; e si fanno no piacere a quacch' uno , dicono ; ha avuto lo piacere , e non m' ha ditto manco obbreccato : e si fanno quã piacere , e rejalano quaccosa , dicono : si m'aje fatto lo piacere , t'aggio rejalato : e renfacciano puro a li Sante , comme soccese a uno , che n' avea portato maje scarpe a lo munno sujo ; se nzoraje , e se fece no paro de fangose ; e primmo de se le ngegnare , cadette malato : fece vuto a no santo , ca si steva buono , nce le rejalava : steze buono , e portaje le scarpe a lo santo : e quanno nce l'appe appese ; disse ad auta voce : Và , che te nne puozze vedè chello bene , che me n'aggio visto io , che no mmè l'aggio ngeguate manco .

LXXXI.

Mormorare.

Lo mormorare , o tra ch' è peccato , manco è crianza bona : ed è no defietto gruosso ; e quotpeo si po tocca la stimma ; ciente bote ntervene comm' a dî : si uno se fa no vestito , li mormorature dicenno : cosa lezzitema non è : si veste malamente , lo chiammano ausuraro : si mangia buono , le ssiente dî : quaccosa sarrà , che mangia buono : si mangia malamente , lo chiammano azzelluto ; nsomma non saje lo juorno d' oje comme t' aje da revolvere ; comme soccedte a no viecchio , che cammenava co no piccerillo a pede , e portavano no ciuccio . Le disse uno : vi comme so locche ! teneno lo ciuccio , e hanno a pede : ' n sentì chesto , se mettettero ncopp' a lo ciuccio : disse n' altro : non ve nne pigliate scuorno ? a duje a duje ' ncopp' a no povero ciucciariello ? lo viecchio fece scennere lo picciotto , e se steze isso a cavallo : disse n' altro : non ba buono , lo viecchio a cavallo , e lo peccerillo a pede : lo viecchio scese isso , e fece cravaccare lo guaglione : disse n' altro : vi
che

che ciucciaria : lo vecchio a pede , e lo fegliulo a cavallo ; a l' utemo le votajeno li cancare a lo vecchio , e disse : nuje comme v' avimmo da ntenere ? mettimmoce lo ciuccio nuje ncuolo , e bona notte .

LXXXII.

Socjetate.

A lo fare a parte puro nce vo crianza , ca cierte se sfravodano l' uno co l' altro ; e ciert' altre non sanno , ca si no compagno fatica chiù d'isso , l'aspetta l' antéparte , comme successe a no fravecatore , lo quale mente sfravecava na cemmenera , ntese no remmore dir' a lo muro , e disse a lo patrone de la casa , ca nce steva qua nnasconniglio cierto : lo patrone respose : spartimmo nziemmo nzò che truove , e lo fravecatore disse : m' attoccano doje parte a a me , che fatico chiù de te ; e accossì s' accordajeno . Quanno rompettero lo muro , n' ascettero migliara de scarrafune ; e lo patrone de la casa disse a lo fravecatore : vatte piglianno le doje parte toje , e non ghi facenno lefreca : e le fece adunà li scarrafune .

LXXXIII.

LXXXIII.

Responnere .

A lo responnere puro nce vò la crianza , comm'a dicere , uno addimanna , e tu respunne 'n palo 'n perteca ; chi è primmo de tè te corregge , e tu sempe respunne ; uno starrà trascorrenno , e tu respunne ; e sto defietto a le bote fa venì l'appicceche ; e p' avetare sto vizio avarriano da fare comme fece na femmena , che sempe abbuscava pe risponnere : a lo marito , le fuje mparato , ché se mettesse l'acqua 'n vocca , e non se l'ngliottesse , ca n' abbuscava chiù ; accossi fuje , pocca co l'acqua 'n vocca non poteva risponnere , e n' abbuscave chiù .

LXXXIV.

Paragonare .

Lo fa paragone manco è crianza bona , pecchè cierte songo sfelenze , e se vonno mettì nguarnascione co chi tene le mignole : n' addioto se vò mettì mprotanquanguero co no signore ; no viaccialiere se vò paragonà co no vertuluso ,

so, comme fece no ferracavallo, ch'appe a mmedecare na mula de lo primmo Geruggeco de Napole; e doppo che l'appe sanata jeze lo Geruggeco a pagarello; e le disse: Masto, quanto i'aggio da dare? e lo ferracavallo respose: mme maravegljo de vuje: fra professure e professure no nce so nteresse.

LXXXV.

Jurare.

Cierte se credeno ca lo ghiurare (otra de lo scrupolo) non sia mala crianza; e quotpejo ca s'addescredetand; pocca mostrano de non meretà creddeto senza de nce chiammà 'n testimnoneja li Sante; comm' a dì: no negoziante mente venne, dice, pe chillo santo non nce pozzo passà; pe chill' autro Santo, me costa chiù a mme; e non sanno lo mutto, che dice: *ca a ommo che ghiura, a cavallo che suda, e a femmena che chiagne, chi le crede se nganna*; e chi sto è no defetto che non se leva nfi a la morte; pocca uno che sempe jurava se jeze a confessare, e pecchè era peccato abbetuato, non poteva esse assoluto; e isso a lo stiss' atto disse, pe lo tale Santo, non ghiuro chiù: lo confes-

fessore disse; e mo non aje jurato ? e
 isso responnie; pe chill' altro Santo , ca
 ehesta è l' utema vota che ghiuro : e
 secutejaje sempe a ghiurare.

LXXXVI.

Essere curejuso .

Li curejuse manco penno passà p'ac-
 cianzate , comm'a ddi , ciente chiac-
 chiarejano secreto , e lo curejuso va a
 senti che dicenno : uno portarrà na cosa
 annascuso dinto a lo moceaturo , e lo
 curejuso v' a bedè che nce stà ; n' au-
 tro starrà ncopp' a la casa de qua pa-
 rente , o de quacch' amico , e lo cure-
 juso vo sapè che nce fa : e non san-
 no , ca la curejosetate a le bore te le
 fa trovà dint' a li guaje , comme succe-
 se a diece curejuse , che nteseno dire ,
 ca la notte de San Giovanne jevano
 strellanno pe l' aria la mamma , e la
 figlia , (che lo feceno accidere) di-
 cenno : mamma mamma , pecchè lo de-
 ciste ; figlia figlia , pecchè lo ffaciste ;
 nsomma , mente stevano a meza-notte
 'n campagna , ntesero n' allucco ; figlia,
 figlia ; e tanto fuje la paura , che se
 nne fujettero tutte diece , e se jettero a
 nsagnare : schiarato juorno , tornajeno
 E ad-

addò avevano ntiso la voce , pe bedè
 si l'avevano ntesa l'autre purzì : e nfor-
 matede a na pacchiana ; seppero , ca
 justo a la meza notte era morta nà fi-
 glia de na massara ncoppa de chella se-
 pa ; e chella la chiagneva , strellanno ,
 figlia , figlia .

LXXXVII.

Scusarese .

Chille che se scusano manco ponno
 essere accrianzate , comm' a dicere , uno
 dice male de n' altro , e po dice ; dico
 a la facce mia : vedarrà no vestito a n'
 altro , e dice : chisto non tene rennete ,
 e se fa sti vestite ; quaccosa sarrà ; ma
 non bisogna preggiodecarelo , dico a la
 facce mia ; vedarrà n' altro che bà a
 spasso , e dice ; chisto sempe v' a spas-
 so ; non manca , e ghiarrà arrobbanno
 la notte ; mperzò , non sia pe ditto :
 dico a la facce mia : po essere ch' avesse
 quacche ntrata ; e fa na scusa ; accossì
 succese a no mariuolo che fuje ncap-
 pato ncopp' a no barcone ; e mente le
 facevano na mazzejata , chillo pe scu-
 sarese disse : no mme vattite chià , ca
 io non beneva p' arrobbà ccà , ma a lo
 barcone appriesso : se nce trovaje justo
 lo

lo patrone de lo barcone appriesso, che nommenava; e disse: na vota che benive p'arrobare a mme, scostateve vuje, como lo consolo io: e le facette lo riesto.

LXXXVIII.

Correjere.

Cierte correjeno l' autre comme facevano li sapie de la China, e non se correjeno loro, che a lo stisso tiempo fanno na mala crianza, comm' a dicere; si hanno d'avesà a uno, azzò se leva no defatto, nce lo diceno 'n presenzia d' autre; e po de na manera, che 'n vece de lo correjere, l' affenneno; quando la crianza vo de chiammaresillo da sulo a sulo, e darele l' avertemiento; e non comme successe a uno, che mente passava pe Casoria, na commertazione de guagliune vozzoluse lo ngiuravano canna secca, canna secca: venne na vozzolosa, mamma de no vozzolusiello, e le deze tanta mazze, dicennole; rengrazia lo cielo, rengrazia lo cielo ca non t' ha fatto nascere canna secca, comm' a chillo, e t' a fatto nascere canna chiatta, zoè ch' aveva la yozzola 'n canna.

LXXXIX.

Aquivoco.

Chillo che ho passà pe galantommo ,
 quanno sente na parola aquivoca non
 s' ave da resentire ; pocca po sentire
 stuorto ; e si se piglia collera , non è
 stimmato da ommo cevile ; comme soc-
 cese a no criato , che steva a servire
 no predecatore , che pigliava la carne
 ncredenza a no chianchiero chiammato
 lo sio Addavete : le disse lo patrone ;
 và a ddo lo chianchiero , e fatte dà
 quatto rotola de carne , portale a la ca-
 sa , e biene a la Chiesa , ca me truov-
 ve justo ch'aggio scomputa la predeca,
 e m'accompagne : jeze lo Criato a pi-
 glià la carne ; e lo sio Addavete disse :
 di a lo patrone tujo , ca non pozzo fa-
 cchiù credenza ; ma sì vò la carne , che
 paga lo bieccchio , e accredenza lo nnuo-
 vo. Lo Criato a carrera jeze a direlo
 a lo patrone , e lo trovaje predecanno ;
 non sapenno comme fà p'avisarencello ,
 se mettette faccefronte a lo purpeto , pe-
 le fà atto , ca non aveva avuto la car-
 ne : voze la sciorte , che lo patrone
 s'affrontaje uocchie , e uocchie co lo
 criato , stanno justo a no passo de la
 Scrit-

Scrittura ; che dice (Davide , che t'ha detto) : lo criato , credennose che dicesse a isso , strellanno rispose : a ditto lo sio Addavete , ca no ve vo fà chiù credenza ; e ca si volite la carne , pagate lo biechio , ca isso accredenza lo nnuovo , ch' appe a morire lo predecatore pe lo scuorno .

XC.

Genejuso .

Li genejuse manco ponno passare p' accrianzate , pocca se vonno levà tutte li genie , e li golie , e non potenno arrevare co le rennete , o abbusche , che hanno , fanno mpeche , mbroglie , e diebbete ; e saccio uno che aveva quinnece rana lo juorno , e quann' era monte vergene , piede grotta , e aute feste o faceva na truffa , o na mbrogia , e s' aveva a levà lo genio de ire pe tutte le ffeste , e chisso po lo vedde io pezzire da dinto a le carcere ; e n' altro pe ghire a na festa se pigliaje no matorazzo co la credenza , se lo vennette , e nce perze la metà ncoppa , e ghieze a la festa : nni che benne jette carcerato . E n' altro 'n sentire , che a na Cetate nc' era no Prencepe , ch' aveva venciuto

vintedoje guerre, eppè lo genio de ire-
 lo a bedere, ma pechè lo cammino era
 a llungo, e la pecunia no l'abbastava
 fece mute truffe: arrevato che fuje a
 chella Cetate, e stanno nquarnascione
 dintò a nò cafè, le fuje spiato, pechè
 era juto a chella Cetate? isso respone:
 pe genio de vedè sto Prencepe tanto
 valoruso: là nce steva no signore, e
 lo ddicette a lo Prencepe; lo Prencepe
 le respone: portalo ccà craje; e dille ca
 n'Abbate lo vo fa parlà co lo Prencepe,
 e lo signore accossì fece: tutto contien-
 tò lo genejuso, jeze a lo palazzo, e lo
 Prencepe, pe se pigliare gusto, se ve-
 stìe d'Abbate; e quanno venne lo ge-
 nejuso, le disse: che te pare sto Pren-
 cepe nuosto è guappo? rispose lo gene-
 juso: ma quanto; mperzò aggio lo ge-
 nio de vederelo; disse lo Prencepe: e
 si se volesse peglià Tunnese, lo pigliar-
 ria? rispose lo genejuso: sarria pigliato
 è buono; e si vorria pigliare Argiere?
 rispose lo genejuso: lo pigliarria nfra
 tre ghiuorne: e si vorria piglià Costan-
 tenobbele? e isso reprecaje: Costante-
 nobbele, e tutta la Torchia sarria piglia-
 to a nò battere d'uocchiè; spiaje lo
 Prencepe, tu de donne sì? rispose lo
 genejuso: so de Napole: disse lo Pren-
 cepe, e si volesse Napole, lo pigliar-
 ria?

ria ⁂ rispose lo Napoletano : pigliarria
la mmala-pasca , che se lo vatta , a Na-
pole mio miette vocca ?

XCI.

Dessobbedire .

Chille che non obbedesceno quanno
songo commannate da li superiure , man-
go se ponno chiammare uommene ac-
crianzate ; e nce stanno cierte , che
fanno li servizie tutt' a la reverza , e
fanno venì li sconquasse ; e mo lo bide
da sto fatto , ch'è corrusso propejo : nc'
era no prencepone , ch'era tanto am-
mante de avè a lo servizio sujo l'uom-
mene gruosse gruosse ; e tenevā no guar-
da-portone , che pareva no gialante ,
ora mente sto Prencepe jev' a caccia ,
vedde na vellana dinto a no vuosco ,
ch'era quase n' appartamento auta ; dis-
se nfra isso : chesta è bona pe moglie-
re a lo guarda-portone mio ; pocca li
figlie che faranno , sarranno tutte gruos-
se : chiammaje la vellana e le disse ,
doppo saputo ch'era zetella , porta sta
lettera a lo palazzo mio co le mmano
toje , tu propeja ; e le dette quatto mo-
nete d' oro , e l'ordine scritto , che di-
ceva : voglio e commanno , che la vit-

lana , che porta l' ordine , sia data pe
 mogliera a lo guarda-portone , subbeto
 subbeto , e ssi non obbedesceno taglia-
 tele le capo : se partette la vellana co
 l' ordine segellato , quanno fuje a mme-
 za via trovaje la vava soja , ch' aveva
 85. anne , e bedola , e le dicette : fam-
 me favore , vava mia , porta tu sto vi-
 glietto a lo palazzo de lo Prencepe , ca
 io me piglio scuorno , e tte dongo doje
 monete d' oro ; co patto , che nzò chi
 te spia , chi t' ave dato sto viglietto ,
 e tu dì , ca te l' ave dato lo Prencepe
 co le immane soje : la vecchia se pe-
 gliaje la carta , e ghieze a lo palazzo ;
 e 'n che appe appresentato lo viglietto ,
 chiammajeno lo guarda-portone , e le
 dicettero : lo Prencepe , t' ave nzorato :
 tutto contento lo guarda-portone , rispo-
 se ; e chi m' ave dato ? risposeno : sta
 vecchia ; isso disse : no la voglio :
 te sarrà tagliata la capo , risposeno chil-
 le : nsomma s' avett' a nguadiare la vec-
 chia , pe no nse fa taglià la capo . Ve-
 nuto lo Prencepe , vedde lo guarda-por-
 tone colereco colereco , e le disse ; ch'
 aje avuto a ddisgusto , che t' aggio nzo-
 zorato io ? lo guarda-portone respose :
 vasta che l' ave fatto lo Prencepe , so
 contento ; rispose lo si Prencepe : si è pe
 la dota , te la dongo io : è bella , è gio-
 va-

vane, te dà a lo genio? rispose lo guarda-portone: e mmo te faccio vedè; e chiammaje la vecchia: quanno la vede lo Prencepe, avette a stordì: spiaje comm'era juto lo fatto, e ntese, ca la nepote aveva dessòbbeduto l'ordene: e lo guarda-portone, s'avette accocchià co la vecchiarda.

XCII.

Sbregognarese.

Chillo che se sbregogna isso stisso; manco è ommo accrianzato, comm' a dicere; avarrà fatto na cosa scrianzata, defettosa, e zetera, e ppo la sprubbe-
ca; le sarrà stato ditto na cosa secreta, e isso la scopresce co l'autre; sarrà chiammato da quacch' ammico a fà na cosa co secretezza, e isso lo sbregogna; comme succese a uno, che teneva na meza parente tanto ricca, e teneva no marito geluso, e ausoraro, che no deva manco na mollica a li pariente: lo primmo se chiammaje n' ammico, e lo portaje addò la meza parente, che le soleva dà farina, lardo, caso, e altro, azzò l'avesse ajutato a pportare ste robbe; e mmente la meza parente le deva li fanguottuole, ntese

tozzolià la porta, e ntese la voce de lo marito; disse, si maritemo ve trova ccà mm' accide: e fece mettì lo miezo parente sotto a lo lietto, e a l'ammico ncopp' a lo cielo de lo lietto, e raprie la porta: lo marito, pecchè non era stato apierto subbeto, disse tanta ngiurie a la mogliere, e nfra l' altre sempe diceva: chillo de copp' a lo cielo mme nn' ave da pagare; l'ammico, che steva ncoppa a lo cielo de lo lietto, respone; tu co mmico te la piglie? a me me nc' ha portato chillo, che stà sotto a lo lietto: e avettero na mazzejata tutte tre.

XCLII.

Graziuso.

Chillo che bo fa lo graziuso, manco pò essere galantommo; comm' a dicere, se starrà parlanno serio, e lo graziuso risponne vernescamente, e chisto è no defietto antico, che durarà nst che lo munno è munno, e bidelo da sto fatto, che te conto: mente no graziuso steva pe morire ('n salute mia, e bosta) vedde ca l'Aconemo, che l'assesteva, s' era addormuto; disse a le gente de casa: mannateme a chiammà duje altre prievete assestiente; e a che serveno, rispo-
se-

sero li patiente: reprecaje lo grazioso: azzò che uno assiste a mme; e n'altro assiste a ll'Aconemo, ca le sarà benuto qualche simpeca: de chiù disse a nò parente: si non mme vuò fà morire, va mme accattà cinco rana de colla de pesce, azzò che ncollo ll'arma co lo cuorpo, e nò se nn' esce; e quanno steva propejo pe' se la cogliere, facette nò pideto: lo miedeco disse; asseconna, asseconna, ca chiste te ponno fà utele; rispose lo malato: vuò pazzia, si miedeco mio, quanno lo bastemiento spara lo tiro de leva, è signo ca vo partì: e se la fumaje, salute a nnuje.

XCIV.

Fastidjoso.

Chille che songo fastediuise, manco ponn'essere uommene accrianzate; pocca si senteno na parola storta, subbeto se ncepollesceno; si hanno na toccatella, se nfanfaresceno; e n tutte l'azzione loro sempe fann' accostiune, e maje se ne contentano; comme soccese a nò marito, ch' ogne ghiurno vatteva la moglie: isso portava la carne, e non diceva comme la voleva cocenata; si la moglie la faceva volluta, isso dice-

va, ca la voleva a lo tiano; e si la facev' a lo tiano, isso diceva ca la voleva de n' autra manera; e sempe la vatteva: na matina pe n' abbuscare la povera mogliere, fece la carne de tutte le defferente manere, che se pote cocenare; mettette la tavola, e ntese tozzolià la porta; rommanie la criatura, che teneva 'n braccia ncopp' a la tavola, e corze a raprire la porta, ca si non raprevea subbeto, abbuscava; jez' a piglià la criatura, e bedde, ch'aveva fatta la cacca ncoppa a la tavola, disse nfra essa; si n' abbusco pe la carne, abbuscarraggio pe sta porcaria; e la commegliaje co' no pizzo de tovaglia: lo marito disse; comm' aje fatto la carne? rispose la mogliere: a lo tiano; e io la voleva volluta: accossì l' aggio fatta, disse la mogliere; e io voleva na porpetta: te l' aggio fatta, rispos' essa: nsomma nzò ch' addemmannava, la mogliere, diceva, che l' aveva fatta; ma lo fastediuso pe le vattere, disse: ora io ncoppa a sta tavola nce voleva na caccata; la mogliera avozaje lo pizzo de la tovaglia, e disse: eccola ccà, marito mio: e de sta manera n' abbuscaje.

XCV.

Cannaruto .

Uno quanno è cannaruto , non po essere galantommo; comm'a ddicere : chillo che ba magnanno pe la via taralle , frutte , recottelle , e autro , o va spezzolianno la robba , che porta ; e ota ch' è mala crianza , le pò soccedere comme soccese a uno , che ghieze a ppiglià na pizza pe portarela a la sora , ca teneva tavola : lo connaruto accommenzaje a spezzoliare pe la via ; ma pechè era doce , a poco a poco tutta la guastaje ; e bedenno che l' aveva tutta scavoniata , e pe la cannarizia , che teneva , se magnaje tutta la pizza ; e ppo se ne jeze chiagnenno addò la sora , dicenno : sore mia , so state l' uocchie , so state l' uocchie , ca tutte dicevano comm' addora , comm' addora sta pizza , e me l' hanno fatto cadere 'n terra ; rispose la sora : e addò sta la pizza rotta ? rispose lo cannaruto : m' aggio pigliato scuorno de te la portare , e mme l' aggio magnata sana sana .

XCVI.

Prenostecare.

Chi pronosteca manco po essere galantommo ; pocca se crede , ca facenno l' Aruspeco , e accertanno le cose a beni , passasse pe ommo addotto , com'm' a dicere ; si parla de la Bonafficiata , te fanno vedè li nomme cierte , e po non escemo manco pe casata ; le passa na cosa pe la capo ch' avarrà da soccedere , face vedere , ch' è la protanquanquera de le veretate : comme soccese a uno , che mente magnav' a na taverna addò nc' era no marito , e na mogliera , senza figlie : la tavernara scese a piglià lo vino a bascio a la cantina , vedde na preta ncopp' a na votta , e se mese a cchiagnere forte , forte ; lo marito ntese piccejare la mogliera , e scese isso pure , e disse , pecchè chiagne ? rispose la mogliera : marito mio , vè che preta sta ncopp' a sta votta , si io asceva preta , po figliava e faceva no mascolo , lo mettevemo nomme Vertegnillo , po se faceva gruosso , scennév' a mette lo vino , e le jeva sta preta 'n capo ; e accedeva Vertegnillo : e se mesero a cchiagnere tutte duje Vertegnillo mio , Ver-

te-

tegnillo mio; e lo passaggiero fratanto
magnaie senza veverè.

XCVII.

Lemmosena.

Chi face la caretate pure ave d'au-
sare crianza, pocca cierte quanno dan-
no na caretate, la danno co lo renfac-
cio, e lo mormoriamiento, comm' a di-
cere: vi sto pezzente, se fegne cecato, e
tene la vista; chill' autro fa lo zuoppo,
e non è zuoppo; chill' autro se fegne
muto, e l'aggio io sentuto parlare; e
chill' autro le dongo la lemmosena, e
ppo me la torn' a cercare. Chiste non
sanno ca la caretate s' ha da fare co
la mano deritta, e no co la man-
cina: 'n secunno, si se fegneno cecate
zuoppe, e mute, lo fanno p' ammolli li
core vuoste, azzò le facite la caretate
chiù bolentiere: p' utemo, ch' hanno la
caretate, e la tornano a cercare, ca-
nosceno, ca le potite fà cchiù bene, e
nce ne facite poco; e nce fujè no pez-
zente cecato, che diceva „ devò, dam-
„ mè no tornese ca te dico na ddiasil-
„ la “. Uno le dette lo tornese, e le
dicette: dì la Diasilla: lo cecato accom-
menzaje: Diasilla Diasl. ... e ppo spiaje
a lo

a lo guaglione , che l' accompagnava ;
guagliò, se n' è ghiuto lo devoto ? rispo-
se lo devoto: sto ccà, o di la Diasilla, o
torname lo tornese : e avette da di tutta
la ddiasilla .

XCVIII.

Ncoccicare .

Li ncocciuse manco se ponno chiam-
mare galantuommene ; pocca si hanno
tuorto, se vonno fa raggione afforza ; e
si se fa no trascurzo ncoppa a no tem-
ma , l' loro responneno 'n palo 'n perteca,
e tanto ncocciano , che bonn' avè ragio-
ne afforza : chisto vizio è contr' a la
crianza, e cotpeo , ca le fa passà le de-
sgrazie ; comme succese a uno , che s'
accattaje no mierolo , e bedennolo la
mogliera , disse , ch' era merola , e non
cantava : lo marito , disse , è mierolo ;
e essa diceva : è mmerola , nfi a che
lo marito le dette tanta mazzate ; e essa
pure diceva , ch' era merola : lo marito
l' attaccaje co na funa , e porzì diceva ,
ch' era merola ; la calaje dinto a lo puz-
zo , e ppure diceva è mmerola : lo ma-
rito la calaje affunno a l' acqua , sulo la
capo steva da fora , e le disse : o di ch'
è mierolo o t' affoco ; e la ncocciosa
dis-

diss' è merola: jette lo marito, e la cala-
je affunno nsino a la capo, steveno su-
lo le mmano da fore a ll'acqua; tor-
naje a spià lo marito: è mmierolo, o è
mmerola? e essa chiegava lo secunno
dito de la mano, comme avesse voluto
dì, ch'era merola: tanto che lo marito
la fece affocare dinto a lo puzzo, e se
levaje chillo lotano da tuorno.

XCIX.

Ammenacciare.

Chille ch'ammenacciano, manco ponno
passà p'accrejanzate; pocca si hanno na
piccola defferenzia co uno, subbeto di-
ceno: te voglio fa chesto, e chell' au-
tro; e si hanno na smestutella, subbeto
cacciano l'armature, e fanno li cape-
tà-spacca; e uno aveìno contrarietà
co no mercante de panne, disse: vat-
tenne ca sta notte te dongo a fuoco la
poteca, te faccio ardere tutte li pan-
ne, e te faccio i pezzenno: la notte
no volante smicciaje la ntoria nfaccia
a la poteca, e ghieze a fuoco: fuje
carcerato l'ammenacciatore, che si non
s'astutava subbeto, e s'appurava ch'era
stato lo volante, jeva 'n galera nnozen-
temente. Nce fuje porzi no sordato,
che

che s' aveva jocata la lamma de la sciabola, e nce l' aveva fatta de chirchio; l' accosajeno a lo Maggiore, lo quale se lo fece chiammare, e le dicette: te juòche le robbe de lo reggimento? lo sordato se macenaje, ch' era pe la sciabola, e diss' a chillo, che l' era juto a chiammare: tu mm'aje accusato., te voglio taglià la capo; e mmente cacciava la sciabbola, disse strellanno: Cielo beneditto, si sta sciabbola ha da fà male a cristiane, fall' addeventà de chirchio; e cacciaje la sciabbola de chirchio, e se mese a strellà meracolo, meracolo, la lamma è arreventata no chirchio: lo Maggiore se facette na resata, e lo perdonaje.

C.

Astuziuse.

L'astuziuse manco ponn'essere accrianzate; pocca mo co n' astuzia, e mo co n' altra vanno facenno corrive; comme faceva no cierto de chiste lloco, che comme vedeva passà na pastière, na pizza, o jancomagnia, jev' appriesso, nsi addò jeva; e po tozzoliava la porta, e diceva a la patrona de la pizza, e altre: pe caretà, na poverella d' otto
mise

mise prena, ave visto passà la pizza, e arraggia co li dolore, che mo more; na caretà facc'io, e n' autra ne facite vuje, mannatencenne no poco, sarvammo n'anema: ognuno che senteva chesto, nce ne deva na porzione, e l'astuziuso se la magnava: fuje scopierto l'agguajeto da uno, che nce l'aveva fatto chiù de na vota, e le rompie l'ossa: e accossì la fenette.

CI.

Facce-tuosto.

Murde galantuommene non sanno ca chi è facce-tuosto non po essere accrianzato; comm' a ddi, farranno n'apontata, e lo facce tuosto se nce mmesca, senz' essere mmetato, sempe le siente di: damme, e prestame, che dicette buono Titta Valentino, a la prefazione de la *Meza-Canna*: ch' a Napole se l' hanno mparato a mmente: damm' e prestame; e soccese, che cierte ammicce jèzero a fà colazione a na cantina, e se portajeno no piatto de chille maccarune, che li prievete li chiammano strangola muonace, e li muonace li chiammano strangola prievete; e mente se le magnavano, no facce tuosto, che non

non l'era manco ammico de cappiello, disse: segnore mieje, io songo peo de la prena; permettiteme, che me magna co buje duje de sti maccarune de casa; patrone, resposero l'ammice: lo facce tuosto se lassajè de franca vigliola, e se nne magnaje cchiù de mieze de li maccarune; e l'ammice abbottavano: lo canteniero portaje lo vino a tavola, e lo facce tuosto, senza ch'avesse vippeto nullo de l'ammice che pagavano, afferraje l'arciuolo pe bere isso primmo; jeze uno de l'ammice e le levaje lo vino da mano, e le disse: nuje t'avimmo conciesso de te veni ad allupà li maccarune, e nno lo vino: si vuò vevere, accattetello, o te chiavò st'arciulo 'n facce, e lo faccio frecole frecole, e te mparo de crianza: e no le deze a bere.

CII.

Descredetare.

Chille che descredetano, manco ponn'essere galanthommene; pocca si uno stà contanno no fatto, e lloro dicenno, è pallone; e si sentono no socciesso, dicenno, no lo credo, è tenta carmosina; e non credeno a nnesciuno, si bbe l'è
ute-

utele : comme soccese a no frostiero ,
 che magnava a la taverna , vedd' acci-
 dere le ranonchie , e nce le cocenaje
 lo tavernaro ; e tanto le piacettero , che
 mente lo frostiero no juorno cammenà-
 va pe la campagna , trovaje tanta rana-
 vuottole , che se ne jenchette no mocca-
 turo ; le portaje a lo tavernaro , e dis-
 se , cocinamelle : lo tavernaro rispose ,
 chiste so ranavuottole , non so ranon-
 chie , non so buone a magniare ; rispo-
 se lo frostiero : pecchè l' aggio trovato
 io , tu dice ça non so bone , cocina-
 melle, o te spacco la capo : nsomma nce
 le cocenaje ; e dapò che se l' appe ma-
 gniate le venne dolore de ventre , e dis-
 se : per dieci , si scampo questa volta ,
 ch' io non moro , non mangerò più pe-
 sce , che canta .

CIII.

Postajuole.

Li postajuole manco ponn' essere ga-
 lantuommene , pecchè mo se mannano
 a piglià na mosta de vino a na canti-
 na , e mmo n' altra , co lo pretesto de
 nne piglià seje varrile ; e dde sta ma-
 nera vevèno vino franco : mannano pe
 le case de l' ammicce , a nomme de lo
 ma-

va, ca la voleva a lo tiano; e si la facev' a lo tiano, isso diceva ca la voleva de n' altra maniera; e sempe la vatteva: na matina pe n' abbuscare la povera moglie, fece la carne de tutte le defferente manere, che se pote cocenare; mettette la tavola, e ntese tozzolià la porta; rommanie la criatura, che teneva 'n braccia ncopp' a la tavola, e corze a raprire la porta, ca si non rapreva subbeto, abbuscava; jez' a ppiaglià la criatura, e bedde, ch'aveva fatta la cacca ncoppa a la tavola, disse nfra essa; si n' abbusco pe la carne, abbuscarraggio pe sta porcaria; e la commegliaje co no pizzo de tovaglia: lo marito disse; comm' aje fatto la carne? rispose la moglie: a lo tiano; e io la voleva volluta: accossì l' aggio fatta, disse la moglie; e io voleva na porpetta: te l' aggio fatta, rispos' essa: nsomma nzò ch' addemmannava, la moglie, diceva, che l' aveva fatta; ma lo fastediuso pe le vattere, disse: ora io ncoppa a sta tavola nce voleva na caccata; la mogliera avozaje lo pizzo de la tovaglia, e disse: eccola ccà, marito mio: e de sta maniera n' abbuscaje.

XCV.

Cannaruto .

Uno quanno è cannaruto, non po essere galantommo; comm'a ddicere: chillo che ba magnanno pe la via taralle, frutte, recottelle, e autro, o va spezzolianno la robba, che porta; e ota ch' è mala crianza, le pò soccedere comme soccese a uno, che ghieze a ppiglià na pizza pe portarela a la sora, ca teneva tavola: lo connaruto accommenzaje a spezzoliare pe la via; ma pechè era doce, a poco a poco tutta la guastaje; e bedenno che l'aveva tutta scavoniata, e pe la cannarizia, che teneva, se magnaje tutta la pizza; e ppo se ne jeze chiagnenno addò la sora, dicenno: sore mia, so state l'uocchie, so state l'uocchie, ca tutte dicevano comm'addorà, comm'addorà sta pizza, e me l'hanno fatto cadere 'n terra; rispose la sora: e addò sta la pizza rotta? rispose lo cannaruto: m'aggio pigliato scuorno de te la portare, e mme l'aggio magnata sana sana.

tegnillo mio; e lo passaggiero fratanto
magnaja senza veverè.

XC VII.

Lemmosena.

Chi face la caretate pure ave d'au-
sare crianza, pocca cierte quanno dan-
no na caretate, la danno co lo renfac-
cio, e lo mormoriamiento, comm' a di-
cere: vi sto pezzente, se fegne cecato, e
tene la vista; chill' autro fa lo zuoppo,
e non è zuoppo; chill' autro se fegne
muto, e l'aggio io sentuto parlare; e
chill' autro le dongo la lemmosena, e
ppo me la torn' a cercare. Chiste non
sanno ca la caretate s' ha da fare co
la mano dritta, e no co la man-
cina: 'n secunno, si se fegneno cecate
zuoppe, e mute, lo fanno p' ammolli li
core vuoste, azzò le facite la caretate
chiù bolentiere: p' utemo, ch' hanno la
caretate, e la tornano a cercare, ca-
nosceno, ca le potite fa cchiù bene, e
nce ne facite poco; e nce fuje no pez-
zente cecato, che diceva „ devò, dam-
„ me no tornese ca te dico na ddiasil-
„ la “. Uno le dette lo tornese, e le
dicette: di la Diasilla: lo cecato accom-
menzaje: Diasilla Diasl. . . e ppo spiaje
a lo

a lo guaglione , che l' accompagnava ; guagliò, se n' è ghiuto lo devoto ? rispose lo devoto: sto ccà, o di la Diasilla, o torname lo tornese : e avette da di tutta la ddiasilla .

XCVIII.

Ncoccicare .

Li ncocciuse manco se ponno chiammare galantuommene ; pocca si hanno tuorto, se vonno fa raggione afforza ; e si se fa no trascurzo ncoppa a no temma , lloro responneno 'n palo 'n perteca, e tanto ncocciano , che bonn' avè ragione afforza : chisto vizio è contr' a la crianza, e cotpeo , ca le fa passà le disgrazie ; comme soccese a uno , che s' accattaje no mierolo , e bedennolo la mogliera , disse , ch'era merola , e non cantava : lo marito , disse , è mierolo ; e essa diceva : è mmerola , nfi a che lo marito le dette tanta mazzate; e essa pure diceva , ch'era merola : lo marito l' attaccaje co na funa, e porzì diceva , ch'era merola; la calaje dinto a lo puzzo , e ppure diceva è mmerola : lo marito la calaje affunno a l'acqua, sulo la capo steva da fora , e le disse : o di ch' è mierolo o t' affoco ; e la ncocciosa dis-

diss' è merola: jette lo marito, e la calaje affunno nsino a la capo, steveno sullo le mmano da fore a ll'acqua; tornaje a spià lo marito: è mmierolo, o è mmerola? e essa chiegava lo secunno dito de la mano, comme avesse voluto dì, ch'era merola: tanto che lo marito la fece affocare dinto a lo puzzo, e se levaje chillo lotano da tuorno.

XCIX.

Ammenacciare.

Chille ch'ammenacciano, manco ponno passà p'accrejanzate; pocca si hanno na piccola dèfferenzia co uno, subbeto dicenno: te voglio fa chesto, e chell'altro; e si hanno na smestutella, subbeto cacciano l'armature, e fanno li capetà-spacca; e uno avenno contrarietate co no mercante de panne, disse: vattenne ca sta notte te dongo a fuoco la poteca, te faccio ardere tutte li panne, e te faccio i pezzenno: la notte no volante smicciaje la ntorcia nfaccia a la poteca, e ghieze a fuoco: fuje carcerato l'ammenacciatore, che si non s'astutava subbeto, e s'appurava ch'era stàto lo volante, jeva 'n galera nnozen-
temente. Nce fuje porzi no sordato,
che

che s' aveva jocata la lamma de la sciabbola, e nce l' aveva fatta de chirchio; l' accosajeno a lo Maggiore, lo quale se lo fece chiammare, e le dicette: te juoche le robbe de lo reggimento? lo sordato se macenaje, ch' era pe la sciabbola, e diss' a chillo, che l' era juto a chiammare: tu mm'aje accusato, te voglio taglià la capo; e mmente cacciava la sciabbola, disse strellanno: Cielo beneditto, si sta sciabbola ha da fà male a cristiane, fall' addeventà de chirchio; e cacciaje la sciabbola de chirchio, e se mese a strellà meracolo, meracolo, la lamma è arreventata no chirchio: lo Maggiore se facette na resata, e lo perdonaje.

C.

Astuziuse.

L'astuziuse manco ponn'essere accrianzate; pocca mo co n' astuzia, e mo co n' altra vanno facenno corrive; comme faceva no cierto de chiste lloco, che comme vedeva passà na pastière, na pizza, o jancomagnia, jev' appriesso, nsì addò jeva; e po tozzoliava la porta, e diceva a la patrona de la pizza, e altre: pe caretà, na poverella d' otto mise

mise prena, ave visto passà la pizza, e arraggia co li dolore, che mo more; na caretà facc'io, e n' autra ne facite vuje; mannatencenne no poco, sarvammo n'anema: ognuno che senteva che-sto, nce ne deva na porzione, e l'astuziuso se la magnava: fuje scopierto l'agguajeto da uno, che nce l'aveva fatto chiù de na vota, e le rompie l'ossa: e accossì la fenette.

CI.

Facce-tuosto.

Murde galantuommene non sanno ca chi è facce-tuosto non po essere accrianzato; comm' a ddi, farranno n'ap-pontata, e lo facce tuosto se nce mmesca, senz' essere mmetato; sempe le siente di; damme, e prestame, che dicette buono Titta Valentino, a la prefazione de la *Meza-Canna*: ch'a Napole se l'hanno mparato a mmente: damm'e prestame; e soccese, che cierte ammicce jezero a fà colazione a na cantina, e se portajeno no piatto de chille mac-carune, che li prievete li chiammano strangola muonace, e li muonace li chiammano strangola prievete; e mente se le magnavano, no facce tuosto, che non

non l'era manco ammico de cappiello, disse: segaure mieje, io songo peo de la prena; permettiteme, che me magna co buje duje de sti maccarune de casa; patrone, resposero l'ammice: lo facce tuosto se lassajè de franca vigliola, e se nne magnaie cchiù de mieze de li maccarune; e l'ammice abbottavano: lo canteniero portaje lo vino a tavola, e lo facce tuosto, senza ch'avesse vippeto nullo de l'ammice che pagavano, afferraje l'arciuolo pe bere isso primmo; jeze uno de l'ammice e le levaje lo vino da mano, e le disse: nujè t'avimmo conciesso de te veni ad allupà li maccarune, e nno lo vino; si vuò veverè, accattetello, o te chiavò st'arciuolo 'n facce, e lo faccio frecole frecole, e tte mparo de crianza: e no le deze a bere.

CII.

Descreddeare.

Chille che descreddeano, manco ponn'essere galantnommene; pocca si uno stà contanno no fatto, e lloro dicenno, è pallone; e si sentono no socciesso, dicenno, no lo credo, è teuta carmosina; e non credeno a nnesciuno, si bbe l'è ute-

utele : comme soccese a no frostiero , che magnava a la taverna , vedd' accidere le ranonchie , e nce le cocenaje lo tavernaro ; e tanto le piacettero , che mente lo frostiero no juorno cammenava pe la campagna , trovaje tanta ranavuotole , che se ne jenchette no moccaturu ; le portaje a lo tavernaro , e disse , cocinamelle : lo tavernaro rispose , chiste so ranavuotole , non so ranonchie , non so buone a magniare ; rispose lo frostiero : pecchè l' aggio trovato io , tu dice ca non so bone , cocinamelle , o te spacco la capo : nsomma nce le cocenaje ; e dapò che se l'appe magniate le venne dolore de ventre , e disse : per dieci , si scampo questa volta , ch' io non moro , non mangerò più pesce , che canta .

CIII.

Postajuole.

Li postajuole manco ponn' essere galantuommene , pecchè mo sè mannano a piglià na mosta de vino a na cantina , e mmo n' altra , co lo pretesto de nne piglià seje varrile ; e dde sta maniera vevèno vino franco : mannano pe le case de l' ammicce , a nomme de lo
ma-

marito a piglià le cose pe fà poste; e si vanno 'n commertazione, se fanno la posta l'uno co l'autro; comme soccesse a no Napoletano, a no Rommano, e a no Siceliano, che ghievano facenno poste pe lo munno, quanno postejaveno na pizza; lo Rommano pe fà la posta a tutte duje li compagne, disse, facimmo accossi, chi se sonna no meglio suonno de nuje tre, se magna tutta la pizza; sia fatto, risposero l'autre duje: lo Napoletano se sosle la notte, e se magnaje la pizza; la matina lo Rommano, disse: m'aggio sonnato, ch'io era Rrè, e magnava ciento vevanne lo juorno; rispose lo Siceliano: e io m'aggio sonnato, ch'era Mperatore, e me nne magnava dociento; rispose lo Napoletano: e io m'aggio sonnato, che tu jere Rrè, e tu n'autro jiere Mperatore, e magnavevo ciento, e dociento vevanne lo juorno, e non avivevo abbesuogno de la pizza; e ppe chesto me songo sosuto, e m'aggio magnato la pizza sta notte sana sana.

CIV.

Traccheggiare .

Li traccheggiante manco ponn' essere galantuommene , pocca vonno campà co ghì facenno poste , co bennere vuoglio de cocozza , p' uoglio de lo straccione ; nchiaste de pece greca, pe nchiaste de lo Calavrese ; arena de vitrera, pe porvera de zanne ; e zetera ; e ssiente sto socciesso ca te farraje cierto na resata: no traccheggiante apporaje , ca na Signora da tre ghiurne aveva le doglie , e non poteva figlià: isso le facette sapè , ca teneva na cartella , che toccannole la panza , subbeto figliava ; ma voleva no buono riale: la Signora disse , pure che ffiglio subbeto , le donco quanto vole : mese la cartella seggellata , ncopp' addò s'è dditto , co no patto , che no l'avevano da leggere , nè primmo , nè doppo figliata , ca si no perdeva la vertute ; ma pecchè la graveta era de lo tiempo , toccanno la cartella, poco stette e figliaje: la Signora doppo d' averelo rialato buono , disse ; si me daje sta cartella , te dongo cient' altre docate : isso se fece mprimm' a ppriare , e pponce la dette : la Signora fece ayesare a tutto

tutto lo pajese, che chi non poteva figlià, essa le mannava na cartella, e subeto figliava: la primma partorente ch'avette la cartella, figliaje 'n capo de 51. juorne; la seconda se dolette; la terza se nne morette 'n figlianza; vedeno ste cose la Signora, volette leggere la cartella, e nce trovaje scritto: figlia, si vuò figlià, e si no, schiatta, si vuò schiattà.

CV.

Scopretore.

Li scopreture manco so galantuomene; pocca si vedeno uno comparì no poco sfarzuso, le ssiente dì: bisogna, che scoprimmo chisto comme fa, che comparece accossì sfarzuso; n' autro, s'avarrà acchiattato dinto a lo carosiello, pe ghi a mmonte Vergene, o a quacch' autra festa, e li scopreture diceno: avimm'a scopri chisto comme fa, che ha pe tutte le feste; n' autro avarrà la ntrata e non fatica, e llo ro diceno: chisto non ha no arte, e non parte, comme campa? cosa leggitima non è: bisogna scopri; e quanno po scopresceno, restano co no parmo de naso; comme soccese a no Portiero de la

la Vagлива, che teneva no quatro faccefront' a lo lietto, e stev' a tanto affom-
mecatò, che non se vedeva, che nc'
era retrattato: na matina lo Portiero,
disse cierte pater-nuoste a nnore de chil-
lo Santo, che steva là pettato, che l'
avesse provisto; e sciso abbascio, tro-
vaje li sbirre mocc' a la portella, e ghie-
ze presone pe debbetò: n' autra matina
se nce raccomandaje cchiù de core, che
l'avesse provveduto; ma che n'avesse
fatto comm' a tanno, che lo fece i pre-
sone; scese, e trovaje n' autra vota la
guardia, e fuje carcerato; quann'ascet-
te, disse: voglio vedè a sto quatro, che
Santo nc'è, che fa sti belle meracole!
ma la pettura non se vedeva; isso co
na spogna, e lescia de lo capetiello,
se mese a scergare, e scoprette no dot-
tore pettato, e disse: vi a che bello
Santo mme raccomandannava, però jeva
presone: e lo fece frecole frecole.

CVI.

Forzare.

Chille, che forzano la povere gente;
manco ponn'essere galantuommene; com-
m' a ddicere: sarà no povero criato
vecchio, e lo patrone lo forza a terà

F

cien-

ciento cate d'acqua lo juorno; no vrac-
cialiero lo masto le dà lo staglio de
duje juorne, e lo bo fatto pe na jorna-
ta: n'altro non sa fare na cosa, e nce
lo bonno fa fare afforza; comme sortìe
a uno, che stèva no pajese dov'era no
spetale cò poche miedeco: uno disse a
n'altro pe ppazzia; schiavo; Si Mie-
deco; lo ntese uno de la corte, e lo
ddisse a lo Governatore, ca nce stèva
no Miedeco fröstiero: fuje pigliato, e
le disse lo Governatore: tu aje da cu-
rare tuttè li malatè de lo spetale; isso
rispose: io non songo miedeco: lo Co-
vernatore rispose: o ncremmenale pan'è
acqua, o a medecà li malate: lo pove-
rommo pe no ghì presone, disse: mo
vaco a fa lo miedeco; e ghiette a lo
spetale; e dapò ch'appe attentato li pu-
ze a uno a uno, chiammaje lo speta-
liero, e disse: piglia la cavodara chiù
grossa che nc'è, inchiela d'uoglio com-
mune, e miettelo a bollere: quanno
volle a bullo retunno, piglia tutte li
malate a uno a uno, e falle sta no
quarto d'ora dinto a ll'uoglio, ca star-
ranno tutte buone: de li malate che sen-
tertero chesto, ognuno disse: spetalìe,
damme li panne ca stongo comme a no
lione; e cierte che steveno propejo mo-
ribunne, pure ognuno diceya: spe...ta...
liè...

liè...dam...me...li...paa...ne...ca...ston...
go...com...me...a...no...lio...ne : e sfrat-
taje tutto lo spetale .

CVII.

Vana-grolejuse .

Li vanagrolejuse manco ponn' essere galantuommene ; pocca co no niente le ssiente dicere : io non so peccatore ; me confesso spisso ; sto sempre 'n grazia de lo Cielo ; faccio dejune ; dico rosarie ; faccio lemmosene , e altro : non sanno ca la vanagroleja annechelesce l'anema , e la stimma : e nce stanno cierte , che si hanno n' annore , subbeto le bide vanagrolejare ; e succedie a no Remmito santo , che parlava co l' Agnole , che mente steva morenno , uno le dicette , viato te ! mo te nne vaje deritto 'n Paraviso : e isso respose , caro me costa , si vago 'n Paraviso , pocca sò 45. an- ne , che faccio penetenzia ; e 'n di che- sto morette , e se nne ije cayozato , e bestuto a casa-cayoda .

CVIII.

Abballare.

A l'abballà pure nce vo la crianza ,
 comm'a ddi: non aje d'asci a abballà ,
 senza essere mmetato , ca cierte se met-
 teno a abballà co le femmene , e li ma-
 nite abbottano; e si faje menuviette non
 toccà dete co dete , mano co mmano
 co le femmene , ca chiù non s'ausa ;
 si faie tace , o contradanza , quanno si
 a l'abbattuta , non fà scennere la mano
 ncopp'a le pettiglie; ca na vota no ma-
 rito s'addonaje ca uno faceva l'abbat-
 tuta llecetamente ncoppa a la pettiglia
 de la mogliere , e lo sfidaje a doviello ;
 e se storbaje tutto lo festino .

CIX.

Pellegrenare.

Chi va pellegrenanno pure ha d'avè
 crianza , e nn'ha da portà li finte ser-
 veture , azzò lo stimmano da Signore ,
 e le facciano la caretate a auffa; e siente
 sto fatto , ca si non è bernisco , pure
 nce avarraje sfizio. A na Chiesa nc'era
 no predecatore , ch'aveva-chiù de mil-
 le

le perzune, che lo sentevano ogne ghiuorno: no pellegrino jeze a la casa de lo predecatore, e disse: aggio trovata sta vorza chiena de denare, quanno predecate decite chi l'ave perduta, che ve dia signo e contrasigno, e nce la date, ca nc' è scrupolo de piglià le robbe d'altre: accossì fece lo predecatore; jette a la casa lo traflino de lo pellegrino, e disse: Patre, io aggio perduto la vorza; e le dette tutte li nze gnale; quant'erano li denare; comm'era la vorza; e che monete nc' erano; e lo predecatore le dette la vorza: jette lo pellegrino, e ntese ch'aveva restetovuta la vorza, disse: Patre, io aggio da ghì 'n Gierosalemme, faciteme fà chella cerca pe me dimane; e nce la fece fare, che fece chiù de vinte docate. A n' altro pellegrino le soccese, mente scenneva pe la Pigna-secca, spiaje addò steva qua taverna; le fuje ditto, ca chiù abbascio steva la taverna de la Caretate; spiaje a n' altro; e disse lo stisso: crese lo pellegrino, ch'era taverna de caretà, che dev' a magnà pe caretate; jez' a la taverna, e spiaje: chesta è la taverna de la caretate? rispose lo tavernaro, gnorsì: che bolite fa colazione? rispose lo pellegrino: me facite caretà; e che bino vuò veverè, lacrama, o vino piccolo?

qua mme datè, disse lo pellegrino: nsomma dapò magnato, disse: lo Cielo verenne la caretate; lo patrone disse: cacciavino, quanto pane e bino ha avuto lo pellegrino? e ffece lo cunto tre carrine: lo pellegrino rispose: comme chesta è la taverna de la caretà, no mm'aggio magnato manco quinnece grana de robba, e aggio da pagare tre carrine? bella caretà, che se face a sta taverna.

CX.

Mmestere.

Li mmesteture, manco ponn'essere galantuommene; pocca sempe cercano, e m'aje tornano: e a sti qualisse avarria a soccedere, comme soccese a no monaco, che teneva li quibusse: jette n'ammico suo ncoppa a la cella, e disse: Zi Mò, m'aje da fà piacere de prestareme cinquanta docate; rispose lo monaco: nuje da quanto tiempo simmo ammice? rispose lo mmestetore: da chiù de trent'anne; e lo monaco reprecaje: e mo è benuto lo tiempo de non essere chiù ammice; e mmeglio, che non simmo chiù ammice senza li cinquanta docate, che co li cinquanta docate: rispose lo mmestetore: e aje faccia de
me

me negà sto piacere, e non te ne piglie scuorno? rispose lo monaco: tu non te piglie scuorno de le cercare, e io m'aggio da piglià scuorno a ddì, ca no te le boglio dare; e nne lo cacciaje.

CXI.

Vennere.

A lo bennere pure nce vo la crianza, e non comme fanno li bazzariote, otra ca danno tre quarte pe no ruotolo, maledtrattano li cetatine, che se stentano la vita loro p'accattà da magniare, e le dicono: Lupemmenare, va magna lora; va t'abbotta de vrenna, e autro; e no stimmano nulla sciorre de perzona; e soccese a no Predecatore, che s'accattaje da no bazzarioto piscevinnolo mezo ruotolo d'alice: lo vennetore disse: zì Prè, te le boglio scegliere a una a una, ca lo mmereta voss'Alleverenzia: quando lo Predecatore fuje a la casa, trovajje dinto a lo cuoppo ott' alice ncoppa, e lo riesto de lo mezo ruotolo tutte capo de sarde, e d'alice: la Dommeneca jette a ppredecare a pposta a lo stisso luogo, ch'accattaje lo pesce, e fece la predeta de l' obbreco, ch'avimmo a li piscevinnoles, che banno a piglià

glia lo pesce quanno è male tiempo de mare co riseco de fà lo papariello , e perdere la pelle : fernuta la predeca disse : chi è piscevinnolo , ch'auza la mano , ca lo Signore le bo benedicere ; e aizanno tutte le mmano , lo Predecatore disse : oh na spata , azzò che tagliasse tutte ste mano de sti mariuole , che me detteno otto alice pe mmiezo ruotolo , e lo riesto tutte capo d'alice , e de sarde : 'n senti chesto acalajeno le mmano , e se l'affuffajero .

CXII.

Componere.

Chille , che componeno la ggente , manco ponno passà p'accrianzate ; pocca vonno menà la vita dessoluta , e bonno campà co li stiente d'autre ; vanno pe li pariente , o damme tanto , o t'accido : appurano quaccuno che sta fojeno pe quacche delitto , o autro , e dicono : o damme tanto , o te sbregogno ; e nce fuje uno , che se metteva mmiezo a na via de campagna co tanto na peroccola mmano , e zzo chi passava vatecare , o altre co la mano a la peroccola dicea : o damme quaccosa , ca si no... e ammenacciaya : ognuno pe paura le
deva

deva chi chiù, e chi manco; sta cosa venne a le recchie de lo Commessario, e nce mannaje la squatra stravestuta, comme fossero state vatecare; l'ammico Cesare se fece nnanze co la peroccola, e disse: dateme quaccosa, ca si no... rispose lo Caporale, ca si no che? rispose lo componetore, ca si no me ne vaco: e no l'appero che le fare.

CXIII.

Ncombenzare.

Chille, che ncombenzano, pure hanno d'avè crianza; comm'a dicere: n'hanno da dì a lo tierzo, e a lo quarto accattame chesto, e chell' altro; commietteme la tale cosa, e ppo se lamentano, ch' hanno commettuto na cosa, e l'hann' avuta defferente: cheste songo male-crianze, merzè ca comme l'ha potuto avè, accossì nce l'ave dato; e sortìe che no patrone disse a lo criato affittame quatto portiere, ca mme serveno pe sta sera: (pocca aspettava gente) lo criato jette a la Vagлива, e chiamaje quatto portiere, e disse: ve volete abbuscà tre carrino pe d'uno, quanto venite addò lo Patrone mio, ca non saccio, che bo: li portiere stevano a

spasso, e ghiettero; lo criato disse a lo patrone, so leste li portiere; lo patrone disse; appenniele uno pe barcone, a li quatto barcone; e lo criato accossì voleva fà; e li portiere non se volettero appennere, ma se mettertero tiseche tiseche fora a li barcone: s'affacciaje lo Patrone a na fenesta, e beddè quatt'uommene for' a li barcone: chiammaje lo criato, e disse: chi so chiste fora a sti barcone? rispose lo criato: so li portiere, che m'avite ncombenzate: lo Patrone disse; tu che malofeca s'è ghiuta a piglià? io voleva quatto portiere de tela, pe le mettere appise a li barcone, ch'aspetto gente sta sera: le regalaje e nne le mannaje.

CXIV.

Foriuse.

Li foriuse manco ponn' essere galantuommene: pocca pe na cosa de nania fanno schiasse, e rrisse; si uno le smeste casovalementè, subbeto metteno mano a ll'armature; e non sanno cà chi vo passà pe galantommo, a da esse ummele; si ave quacche cemiento a da sopportà, ha da sentì la ragione, e non s'ha da muovere 'a furia; e soccesse a

no Cardenale a Romma, ch'aveva da
 fa na tavola, e no nc' erano cardune;
 screvette a n' ammico sujo a Napole,
 che l' avesse mannato na ventina de
 gobbe (ch' accossì chiammano a Rom-
 ma li cardune): l' ammico 'n senti ca
 lo Cardenale voleva vinte gobbe; pi-
 gliaje vinte scartellate, li chiù scobba-
 te, e le mannaie a Romma: arrevate,
 che fujeno, no criato disse a lo Car-
 denale, ch' erano arrevate li gobbe; e
 lo patrone disse: miettele dinto a la
 cantina; lo criato disse: Vosta Eminen-
 za, che dice? e lo Cardenale le mena-
 je lo calamaro, dicenno: non se repre-
 ca a me: jeze lo criato, e facette trasire
 li vinte scartellate dinto a la cantina, e
 serraie lo canciello: passato no paro
 d'ora, lo Patrone disse a lo criato: me-
 na cinco o se' cata d'acqua ncoppa a li
 gobbe; lo criato rispose: sì Patrò, è pec-
 cato l' chilli poveriè..... e lo patrone fo-
 rriuso l' arrancaie lo calamaro; lo cria-
 to scese, e co no catone d'acqua da
 fora a lo canciello menava neuollo a li
 scartellate: vierzo miezo juorno lo
 Cardenale disse a lo criato: piglia no
 gobbo, e fellalo menutolo menutolo; lo
 criato rispose: Segnò, so uom.... lo pa-
 trone pigliaie lo bastone pe lo vattere;
 e lo criato pe n' abbuscà, disse: mo

vago Segnò, mo vago Segnò; scese a la cantina, e disse a li scartellate: uno de vuje lo patrone vò, che ve faccio piezze piezze: chi vo ascì de vuje? nsentì chesto li scartellate se vottavano l'uno co l'autre, e chiagnenno dicevano: sfortonate nuje, addò simm' ancappare! a l'allucche s' affacciaje lo Cardenale, e spiaje chi erano, che strellavano. rispose lo criato: songo li gobbe; lo patrone rispose: comme parlano li gobbe? cacciale forà ccà; e ascettero li vinte scartellate: quanno le bedde lo Cardenale, disse: io voleva li cardune, ch'a Romma chiammammo gobbe, e chillo m'ave mannato li scartellate, ch'a Napole le chiammano gobbe! le rialaje, e nne le mannaje: arrevate a Napole, jettero a rengraziare chillo, che l'aveva mannato a Romma: chillo le spiaje se avevano avuto bone spese; li scartellate dissero: avimmo scialato; a pprimmo fuje mo puoste dinto a na cantina, po avettemo seje cate d' acqua 'n cuollo, e po nce volevano taccarià piezze piezze.

CXV.

Tresoriste.

Chille che banno facenno trovà tresore a le gente, manco ponn'essere galantommene, pocca co st' astuzie vanne npezzenttenno le case, e chello che me fa strasecolare, è ca trovano li locche, che se fanno fà le pposte, e non penzano, ca si fosse addavero, lo tresoro se lo pigliarriano llo ro, e non lo darriano a te; e po a tresore non bisogna credere, cà songo tutte buscie; quacche annasconniglio po essere de lo tiempo de lo saceo, a tiempo de li Franzise; ma da tanno a mmo Napole è stato rennovato da le pedamente chiù de na vota; e se nc' erano annasconniglie, se songo tutte pigliate; e soccese a no farenaro, che portaje la farina a na Signora; mente lo devacava, vedette dintò a la cocina no muro abbottato abbottato, disse a la patrona de la casa: dintò a sto muro qua tresoro nce starrà; e bedimmo, disse la patrona: quanno lo farenaro jette a rompere lo muro, chillo era cammino de samenta appellata, e lo pegliaje da capo a nfà a lo pede; che la patrona de

de la casa l'avette dà prestà li panno
de lo marito pe faremillo ire.

CXVI.

Sfelenza.

Chi è sfelenza manco po essere ga-
lantommo, pocca disse no Calavrese:

La nascita senza li pataccàli,

E ccummi a la minesta senza sali.
Sti tale ogne botata de lengua le sien-
te dî, io so nato galantommo, so figlio
a chi so figlio, nasco comme nasco; e
non sanno ca p'essere galantuommene
n'avasta la nasceta, ma nce vonno l'
azzejune; e non hanno da spacconiare,
pozzo fa chesto, e echell'altro, quan-
no stanno affritte, e scasate; e chello
eh'è lo ppevo, vonno portà l'aria ca-
valeresca, e stanno senza na crespà-
ncrispo; so comm'a la maruzza, tanto
teneno, quanto le vide 'n cuollo: uno
de chiste trasle dinto a na taverna, ad-
dov' erano murde canosciente suoje;
diss' a lo tavernaro, che pesce tiene?
rispose lo tavernaro: tengo rajè, ciefe-
re, palammete; rispose isso: e non tie-
ne nient'altro de genio? reprècaje lo
tavernaro: tengo palaje, calamare, ra-
voste; e isso tornaje a ddî, e non tie-
ne

135

ne nient' autro meglio? secotaje lo tavernare a ddi: tengo spinnoie, avorate, ombrine . . . e ssa che buò fa, rispos' isso, arrusteme na saraca.

CXVII.

Nchiovature..

Li nchiovature manco ponn' essere galantuommene; pocca 'n tutte l'azzione sempe nchiovano, mo co parole scanalose, mo co risposte spare, e ba scorrenno; e saccio uno, che quanno accattava lo pesce de cannuccia, si jeva quinnece grana lo metteva seje: lo pisciavinolo diceva, è poco; e isso diceva, quanto ne vuò tutta la sporta? lo pisciavinolo diceva: nne voglio se' docate; e isso risponneva, te voglio dà se' carrine; venevano l'autre gente p'accattà lo pesce, e isso diceva, jatevenne, ca lo sto pattejanno io tutto quanto, pe no nee lo fa vennere. E n'autro jette da no mercante, e disse: avite na pezza de panno scarlato bona? lo mercante nce la mostaje; e isso disse, la voglio meglio; e nce ne mostaje n'autra; e isso disse, la voglio meglio: 'n somma ne mostaje quanto chià ne teneva, che fujeno tremacinco, e

se ne scegliette una ; fecero lo patto ; e non fujeno d' accordo ; da fora la via disse : te voglio dà n' altra patacca de chiù ? lo mercante credeva , che n' aveva pigliare assaje , disse , pegliatella : quanto ne vuoje ? isso rispose : tengo no peccerillo malato co l' uocchie , dammenne quanto nce ne vò pe farele duje nchiastetielle a le chiocche . 'N sentì chesto lo mercante , pigliaje la meza-canna , e lo secotaje no miglio de via-

CXVIII.

Pattiare.

A lo pattiare pure nce vo la crianza , comm' a dicere ; cierte pattejeno na cosa , e ppo ne la vonno ; fanno negozio , e ppo se retrocedeno ; pattovescono de na manera , e s' attaccano a le folinie , e penzano a mille stratagemme pe pagà de n' altra ; e non sanno c' cheste songo tutte male crianze ; pocca lo galantommo non ha da fa danno a lo pressemmo sujo ; e si va chiù , nce l' ave da bonare , e non s' ha da tenè le fatiche e robbe d' altre , co di , aggio fatto lo patto ; e ha da fa comme fecero tre muonece d' una releggione , ch' erano tre frate carnale , nate a uno ventre tutte tre , e parevano de una stampa :
uno

uno de sti tre chiammaje no venne-
 tore de fiche , e disse : quanto vuo-
 je , e mme faccio na magnata de fico
 a nfi che non ne voglio chiù ? e ogne
 tanto voglio ghì a bere dinto a la
 cella mia : lo ficajuio se contentaje pe
 no carrino: lo monaco quanno se n'appe
 magnato no pare de rotola , disse , va-
 co a bere ; jette a la cella , e mannaje
 n' altro frate , che pareva speccecaro
 lo primmo , e quanno se n'avette fatta
 na bona panza chiena , disse , voglio i
 a bere , e mannaje lo terzo fratiello ,
 e se mise a frattà tutte le fiche : lo fi-
 cajuolo accommaje abbottare , e disse :
 zi Mò , tu qua padiaturo tiene dinto a
 la cella ? pocca comme vaje là , tuorne
 chiù appetetuso de primma ; e t' aje
 magnato meza sporta de fico , che mpor-
 ta se' carrine , e io songo no povero
 sfortunato ! 'n chesto ascettero l' autre
 muonace , se facettero na resata , e le
 pagajeno tutte le fico , e tanto de chiù.

CXIX.

Lamentuse .

Chille che sempe se lamentano man-
 co ponno passà p' accrianzate , pecchè
 sempe contano affrezziune , e picce ; mo
 ca

ca passano no guajo ('n sarvamiento
 tujo); mo ca non ponno campà ca
 teneno tanta figlie , e tte fanno no tri-
 volo vattuto : sti qualisse non vonno
 levà li vizie, mperò non ponno arrevà;
 pocca a Napole, a groleja de lo Patrope
 nuosto, se campa co poco, e co assaje;
 e co na tosca magne pane, carne, e
 bino; no tornese na panella, no torne-
 se de carne-cotta, e no tornese de scia-
 rappa: e po ognuno s'ave da contentà
 de lo stato sujo; merzè ca lo Cielo da
 chillo stato canosce la sarvezza soja;
 e non s'hanno da lamentà co di, a chi
 tanta recchizze, e a chi niente; pocca
 sorte a uno, che quanta vote jeva a
 terà no cato d'acqua, terava no cato de
 denare, che se fece ricco 'n funno: te-
 neva no criato, ch'era no stoteco: lo
 patrone le disse, te rialo sto piezzo de
 se' carrine, e ba ncoppa a la monta-
 gna, chiamma la fortuna mia, e dille,
 ca io no boglio chiù denare, ca non
 aggio addò le mettere: jette lo criato,
 e chiammaje la fortuna; le comparette
 na bella foretanella, e le disse: che buo-
 je? respose lo criato: a ditto lo patro-
 ne mio, ca isso non vo chiù denare, ca
 n'ave addò le mettere: la fata le fece
 vedere tanta cammare chiene de denare,
 e disse: di a lo patrone tuo ca o schiatta,
 o cre-

o crepa, tutte sti denare isso, l'ha d'avere: lo criato scemmo comm'era, disse, voglio chiammà la fortuna mia, me desse quaccosa a me pure, e se mette a strellare: oje fortuna mia, fortuna mia; le comparette na vecchia, che pareva la mmidia, e disse: che buoje, che buoje? rispose lo criato: la fortuna de lo patrone mio le dà tanta denare, damme tu pure quaccosa a me, già che sì la fortuna mia! aje ragione aje ragione, rispose la vecchia, aje ragione ca steva dormenno, ca sì nò manco te faceva abbuscà li se' carrine.

CXX.

Accattare.

Chille ch'accattano, pure hanno d'avè cianza, ca ciente vonno fa li galantuommene, e fanno le chiazze, comm' a dicere; se sceglieno li frutte a uno a uno, e po le bonno pagà pe l' assisa; accattano la carne senza jonta, e la vonno pe la tariffa; e non hanno da mmoccare, e po accattare: e nce fuje no mercante, ch'ogne matina mente passava no casadduoglio vennenno lo caso, diceva, lassame provà na pezza de caso buono: lo casadduoglio faceva

ceva na prova a lo ccaso, e isso se la magnava; e quanta prove faceva se le magnava, e po' diceva non me piace; e ogni matina le faceva sto corrivo: lo casadduroglio no juorno jette a la dovana accattà lo ccaso, e bedde na scorza de casocavallo, che li surece s'avevano rosecato tutto la mollica de dinto: disse a lo patrone damme sta scorza de casocavallo, e chillo nce la dette: la jenchette de caucerogna ncasata bona bona, e addò steva lo pertuso nce mettette na prova de lo meglio casocavallo de lo munno, e passaje pe lo mercante, che sempe provava, e maje faceva facenna, e disse: segnò, tengo no casocavallo frostiero, ch'è no spavento: rispose lo mercante, lassamillo provare; fegnette de fa la prova addò l'aveva fatta a posticcio; quanno lo provaje, vedde che era cosa de spanto, e disse: quanto ne vuò lo ruotolo; e acconvenireno lo prezzo: se pesaje cincò rotola e meza: (ca la cavocerogna pesa chiù de la creta) 'n capo de no mese lo mercante tenette tavola, e disse a li immitate, ve voglio fa provà no casocavallo lo meglio de lo munno: po' disse a lo criato, piglia chillo casocavallo; quanno lo jetero a tagliare, non nce potte trasire lo cortiello, ca s'era ntostata la cavoce-

rogna comm' a no pèpierno ; fèce piglià
l' accetta-pe lo spaccà , e comme nce
deveno le botte , accossì schezzava a le
gamme de la gente : 'n somma tanta bot-
te nce dettero a nfi , che lo rompettero ,
e restaje co' no parmo de naso .

CXXI.

Varva .

A lo farese la varva , porzì nce vo
crianza , comm' a ddì ; lo tale mann' a
chiammà lo varviero , chillo starrà fa-
cenno quacch' autra varva , tricarrà no
poco , e lo tale se ncepollesce , e lo ca-
gna ; chesto è contr' a la crianza : n' au-
tro se va a fa la varva a la poteca ,
nce trova chi è arrevato primmo d' is-
so , e se vo fa la varva isso primmo ;
e po maje se contentano , si bè è ghiuor-
no de festa , e tenarrà folla lo varvie-
ro , le siente dì : dà n' autra botta ccà ;
levame meglio sto contrapilo ; annet-
tete le rrecchie ; agghiusteme ste ci-
glia ; taglieme sti pile dinto a lo naso ;
piglia lo specchio , ca voglio mmerare-
me ; sti tedie so contr' a la crianza . No
criato mente se faceva la varva , fuje
chiammato da lo Patrone ; disse a lo
varviero , non me fa perdere lo ppane ,
tec-

teccote li denate, ca vengo chiù tardo,
 e me lieve lo contrapilo; jette, e torna-
 je a capo de quinnece juorne, e disse
 a lo varviero, levame lo contrapilo,
 che m'avive da levare ogg'a quinnece:
 rispose lo varviero; tu tiene no parmo
 de vavera; e lo criato disse: e tu le-
 vame lo contrapilo, e lassame la
 varva. N' altro varviero disse a no
 vennetore de legna, che portava no fa-
 scio 'n cuollo isso, e na sarma lo ciuc-
 cio, quanto ne vuò tutto sto lignam-
 mo, che puorte tu e lo compagno tu-
 jò: fecero lo patto, e quann'appe scar-
 recato lo fascio e la sarma, disse, m'
 aje da dare lo lignammo de lo mmasto,
 accossì aggio fatto lo patto: jettero
 nnante a lo Governatore, e avette tuor-
 to lo lignajuolo, onne dovette rompere
 lo mmasto, e darele lo lignammo: a la
 scordata jette lo lignajuolo da lo var-
 viere, e le disse: quanto vuò, e me
 faje la varva a me, e a lo compagno
 mio; e lo pagaje nnante: fattose la
 varva isso, disse mo vaco a chiammà
 lo compagno mio, e portaje lo ciuccio,
 e disse; chist' è lo compagno, falle la
 varva: lo varviero no nce la vòze fare,
 e ghiettero n'autra vota da lo Governa-
 tore, lo quale dette tuorto a lo varviero,
 dicennole: si lo Ciuccio le fuje com-
pa-

pagno pe le legna , mo pure l' è compagno pe la varva , e avette da fare la vavera a lo Ciuccio .

CXXII.

Reprecare .

Chillo che repreca le parole d' altro manco po essere galantommo , comm' a dicere : uno contrà no socciesso , e isso lo repreca ; n' altro parla , e isso repreca l' urdeme sillabe ; e sto vizio le fa schiefare da l' uommene cevile : accossì soccesse no fatto da ridere propejo . A no pajese aspettavano lo Prenecepe : li Cafune vassalle , ch' erano chiù de ciento , ognuno apparecchiaje no canisto , chi de sciure , chi de frutte , e chi d' altre cose , e no ne' era chi sapeva fa le zeremonie : uno ch' era Cafone chiù 'ncasonato de l' altre , disse : orzù , io faccio lo capo , ca so chiù capace , e chello , che dico io , dicite vuje ; e nzò , che faccio io , facite vuje pure : arrevaro lo Prenecepe ncopp' a lo palazzo , sagliettero li vassalle , e tutte tenevano mente a lo capo Cafone ; ma mente traseva lo capo , ntoppecaje , e ghieré de facce 'n terra co tutte li frutte ; li compagne , che bedettero sta funzione

teccote li denare, ca vengo chiù tardo,
 e me lieve lo contrapilo; jette, e torna-
 je a capo de quinnece juorne, e disse
 a lo varviero, levame lo contrapilo,
 che m'avive da levare ogg'a quinnece:
 rispose lo varviero; tu tiene no parmo
 de vavera; e lo criato disse: e tu le-
 vame lo contrapilo, e lassame la
 varva. N' altro varviero disse a no
 vennetore de legna, che portava no fa-
 scio 'n cuollo isso, e na sarma lo ciuc-
 cio, quanto ne vuò tutto sto lignam-
 mo, che puorte tu e lo compagno tu-
 jo: fecero lo patto, e quann'appe scar-
 recato lo fascio e la sarma, disse, m'
 aje da dare lo lignammo de lo mmasto,
 accossì aggio fatto lo patto: jettero
 nnante a lo Governatore, e avette tuor-
 to lo lignajuolo, onne dovette rompere
 lo mmasto, e darele lo lignammo: a la
 scordata jette lo lignajuolo da lo var-
 viere, e le disse: quanto vuò, e me
 faje la varva a me, e a lo compagno
 mio; e lo pagaje nnante: fattose la
 varva isso, disse mo vaco a chiammà
 lo compagno mio, e portaje lo ciuccio,
 e disse; chist' è lo compagno, falle la
 varva: lo varviero no nce la vòze fare,
 e ghiettero n'autra vota da lo Governa-
 tore, lo quale dette tuorto a lo varviero,
 dicennole: si lo Ciuccio le fuje com-
pa-

pagno pe le legna , mo pure l' è compagno pe la varva , e avette da fare la vavera a lo Ciuccio .

CXXII.

Reprecare .

Chillo che repreca le parole d' altro manco po essere galantommo , comm' a dicere : uno contarrà no socciesso , e isso lo repreca ; n' altro parla , e isso repreca l' urdeme sillabe ; e sto vizio le fa schiefare da l' uommene cevile : accossì soccesse no fatto da ridere propejo . A no pajese aspettavano lo Prencepe : li Casune vassalle , ch' erano chiù de ciento , ognuno apparecchiaje no canisto , chi de sciure , chi de frutte , e chi d' altre cose , e no ne' era chi sapeva fa le zeremonie : uno ch' era Casone chiù 'ncasonato de l' altre , disse : orzù , io faccio lo capo , ca so chiù capace , e chello , che dico io , dicite vuje ; e nzò , che faccio io , facite vuje pure : arrevalo lo Prencepe ncopp' a lo palazzo , sagliettero li vassalle , e tutte tenevano mente a lo capo Casone ; ma mente traseva lo capo , ntoppecaje , e ghierzè de facce 'n terra co tutte li frutte ; li compagne , che badettero sta funzione .

zione, se menajeno tutte quante de facce 'a terra loro pure, co tutte li caniste, che lo Prencepe 'n vedè sta cosa s'appe a crepare de la risa.

CXXIII.

Servire.

Chille, che serveno pure hann' avere crianza, comm'a dicere; n' hanno da i spalefecanno li defiette de li patrune; n' hanno da i de renza ncoppa a la spesa; n' hanno da responnere a tu a tu co li patrune; comme fece no cocchiere a lo patrone, ch' aveva fatto lo ppone, lo quale le disse, cocchiè, va chiamma lo fornaro: rispose lo cocchiere, non aspetta a me; l' obbreco mio è quando volite ascì 'n carrozza, a tutt' ora v'aggio da servire: rispose lo patrone; ma ccà no nc'è nisciuno, lo ppone scresceta, famme sto piacere; rispose lo cocchiere: si volite la carrozza, site lo patrone, m' a ghì a chiammà lo fornaro, no ve pozzo servi: 'n senti chesto lo Patrone, disse: miette 'n ordine la carrozza: è lesto, rispose lo cocchiere; e dapò ch'appe puosto 'n ordine, disse a lo patrone, addò aveva da ire: lo patrone disse, va a lo forno, miette 'n car-

rozza lo fornaro co la tavola, e portalo ccà; e accossì fatto, le dette lo ppane, e 'n carrozza stisso lo mannaje a lo furno, e 'n carrozza lo fece venire quanno l'appe cuotto.

CXXIV.

Patrone.

Li potrone manco ponno passà pe galantuommene: pocca si songo vraccialiere, non vonno fatecare; si teneno qualche afficio, pe no nc'assistere, se fegnenno malate; se scoseno le ncoppa-vraccie a le sciammerie, e nc'attaccano le lenze, pe fa vedè come tenessero li vessecante, azzò no hanno a l'afficie loro; e le bide sempe mpottronute, o dintò a no Cafè, o dintò a no letto a dormire notte e ghiuorno; e nce fuje no criato, che trasette a servire no patrone, e fece lo patto tanto lo mese, e cauzà, e bestì « la primma matina era quise mezo juorno, e lo criato non s'era sosuto ancora: jette lo patrone a la cammera de lo criato, e le disse, a ches' ora non te sì sosuto ancora? rispose lo criato: nuje che patto avimmo fattò? ca me dive tanto lo mese cauzà, e bestì? gnorsì, rispose lo patrone: addonca, reprecaje lo criato, si

G

NON

non me venive tu a cauzà , e bestù ,
comme me voleva sosere ?

CXXV.

Devertimiento .

A lo devertimiento pure nce vò la
crianza , comm' a dicere: ciente abballa-
no , e sonano , e li vicine sotto vorran-
no dormì , e abbottano , sarrà contr' ora ,
e loro fanno li cavallune , cheste cose son-
co contr' a la crianza , e ponno fà venì
l' appicceche , comme soccese a no Pre-
vete , che steva de casa faccefronte a
no solachianiello chiammato masto Fran-
cisco , e teneva tante avocielle , e na
calantra , che cantava de notte , e de juor-
no , tanto che masto Francisco non potea
dormire : ora masto Francisco chiù de na
vota pregaje lo Prevete ch' avesse leva-
te l' aucielle da là , ca no lo facevano
dormire , e lo Prevete sempe risponneva , ca
chillo era lo devertimiento sujo: nò juorno
masto Francisco s' accattaje no puorco ,
e quanno lo Prevete dormeva l' attac-
caje co la capo sotto , e co li piede
'n aria: lo puorco accommenzaje a alluc-
care , che scetaje lo Prevete , lo quale
accommenzaje a ammenacciare a masto
Francisco , dicenno , ch' avesse levato lo
puor-

puorco da la fenesta, ca voleva dormire; e masto Francisco rispose: zì Prevetemio, chisto è lo devertemiento mio.

CXXVI.

Mascarare.

Chille che fanno mascare, pure hanno d'avè crianza, ca a lo juorno d'oje, non se vedeno altre mascare che d'abuscà denare: si se fanno 'n casa, fanno li vigliette a cinco, o dece carrine l'uno; po pigliano quatto musece a fontana Medina a quinnece grana l'uno, e allummano quatto cannele pe fà negozio; e si so mascare de chiazza, non bide autro, ch' Annuccie, e Casa-santa, p' abuscà robbe, e denare; cossì soccese na vota a ciente, ch' avevano nbottonato no guaglione de paglia da la capo a nfi a li piede, che beramente pareva tutto de paglia, e lo portavano ncoppa a na scala; jettero d' no carnacottaro dicenno: Casa-santa, p' avè quaccosa; lo carnacottaro credennose, ch'era cammisa mbottonata de paglia, disse: voglio taglià la capo a carnevale; non sapenno ca nce steva l'ommo sotto, e le dette no taglio de

G a

cor:

cortiello nfaccia , che le tagliaje meza faccia , e ghiente 'n gargiubola .

CXXVII.

Mbrogliare .

Li mbrogliune manco ponr'essere galantuommene ; pocca si fanno diebbete tanta broglie fanno, che non ne pagano manco no callo , e 'n tutte l' accasiune sempe fanno mbroglie , si accattano o si vennenno ; e ne saccio uno , che venette na vetriata a diece vetreatare , quinnece juorne primmo de li 4. de Maggio , co di , ca le servevano li denare , e s'avessero venut'a piglià la vetreata la mattina de li 4. de Maggio , ca si la levava primmo era vriogna a sta senza vetreata , e accossì restaje co tutte diece ; venuto li 4. de Maggio , sfrattaje matino matino , e se ne jette ; venette lo primmo vetreataro , e bedde la vetreata , e disse nfra isso , non avarrà sfrattato ancora ; e se metteste a passia sotto a la fenesta ; venette lo secunno vetreataro , e disse , saluta masto , che faje loco ? rispose lo primmo : aspecco sta vetreata ; lo secunno disse , e te ne puoje ire , ca me l'aggio accatrata io ; lo primmo disse , io l'aggio pagata ; e mente s' ap-
pec-

peccecavano , venette lo terzo , e disse : ch' avite ? arte , e arte v' appiccecate ? e 'n sentenno lo fatto , disse state mbriache tutte duje ; e comme ? risposero li primme ; disse lo terzo : comme , ca me l'aggio accattata io , e non buje ; e mente contrastavano tutte tre , venette lo quarto , e sentenno lo fatto , disse : vuje site pazze , la vetreata è la mia , e buje v' appiccecate ; e mente s' appiccecavano li quatto , vennero l' autri seje , che se fecero na puniata 'n soletto , e nce lassajeno lo riesto a lo Screvano .

CXXVIII.

Povetare .

Li Poviete sanno tutte le cose de lo munno , e po nce so cierte , che non sanno de creanza , voglio di chille , che fanno sempe satere senz' accasione , e non sanno ca Zolio pe cretecare Omero l'accedettero de petrato . Momo pe le satere , che fece a le Commedie de Pratone , comm' aggio ntiso di , avette tanta mazzate ; e Arestarco pure pe le criteche fuje bannuto de la Cetate soja ; ciert' altre se metteno a fa li poviete , e perchè non ce son-

go nate , non fanno no vierzo giusto , ca non sanno , che gnifeca Parnasso , e si hanno da cetare no poemma , tutto lo sconquassano , e sortie a Torquato Tasso mente passava pe mezzo Rommā , no fajenzaro cantava la Gierosalemme Conquistata , e tutta la scancarejava , senza cantà nullo vierzo giusto , zzò sentenno le rompette tutte le faenze , e le disse : tu me guasté le fatiche meje , e io te guasto le toje : e n' altro mprovisatore mente laodava na Damma Romana p' accordà la cadenzia , la chiammaje monnana ; la Damma ne fece recurzo , e fuje chiammato lo Poveta nnante a Monsegnore Governatore , e le fuje ditto : pecchè aveva nfamata la Damma ; rispose lo Poveta , p' accordà la rimma : risponnette Monsegnore , tu de donne sì ? reprecaje lo Poveta : Segnò , so de Matera : e ba tre annè 'n galera , respose Monsegnore ; e fec' isso pure lo Poveta .

CXXIX.

Mprontista .

Li mprontiste pure hanno d'avè creanza , comm' a dicere ; si recetano co femmene , n' hanno da fa chill'atte scuon-
ce-

ceche, e contra commeca, e n'hanno da fa zeze, che tu me ntienne, hanno da st'attiente a li lazzi, e non hanno d'asci da le regole de l'arte, e l'addemmanne, e le risposte hanno da essere lecite, e no. comme soccesse a duje Cuomece: uno de li quale pocca era cecato co n' uocchio, le disse l'autro comeco: lo cielo a chi accresce, e a chi ammanca; pocca a me m'accresciuta la vista, e a te l'ha ammancata: rispose lo cecato; aje ragione, ca lo cielo a chi ammanca, e a chi accresce; pocca a me m'ave ammancato n' uocchio, e a te t'ave cresciuto lo fronte: lo primmo se ncepollette, e benettero a secuzzune miezo a lo triato, e storhajeno la commeddia.

CXXX.

Accompagnate.

A P accompagnare pure nce vo la crianza, massema si songo serveture, non hanno da portà lo cappiello 'n capo; non s'hanno da votare a rreto, e hanno da cammenà co l' uocchie 'n terra; e si songo Abbate ch' accompagnano, non hanno da fà la cammenatura affettata, manco teni mente a le feneste co

lo spioncino ; e co-lo vraccio sott' a lo vraccio de le femmene , che no le so mogliere , e manco hanno d' accompagna dormenno , comme s'occesse a n' Abbate , ch' accompagnava na Signora de notte pe sotto a lo vraccio , e dormevano tutte duje ; credennose che uno scetato accompagnava l' autro , e mentre cammenavano dormenno , trassettero dinto a no palazzo , e schiaffajeno co lo fronte 'n faccia a no muro , che se stroppiajeno , e se torcettero de paura .

CXXXI.

Ostenato .

Chille che songo ostenate , mauco ponn' essere galantuommene : pocca si hanno na defferenzia co quarch' uno , e avarranno tre parme de tuorto , vonn' avè raggione a forza ; si hanno d'avè denare , e li debbeture starranno alaffe , e non tenarranno manco pane , e loro le metteno presone ; si fanno no patto , e non l' è ademputo , subbeto l' ostenate s' attaccano a le folinie ; e non sanno ca so tutte malecrianze: cossì sortette , che n' ostenato s' affittaje na galesa da Napole pe nfi a Gragnano , quando nce voleva no quarto de miglio p' ar-

arrevare se reprennette lo cavallo , che non potcete chiù cammenare ; lo povero Galessiere disse : Segnò, pozzate stà buono , jatevenne a pede st' altro poco , ca lo cavallo s' è repriso ; e l' ostenato rispose ; o me puorte 'n galessa a nfi addò aggio fatto lo patto , o non te pago : 'n somma pe non perdere lo viaggio lo Galessiero, levaje lo cavallo da sotto ; e lo teraje isso 'n galessa .

CXXXII.

Spuorco .

Chille. che songo spuorche manco pon-
n'essere galantuommene , pecchè le bi-
de sempe sozzuse ; si parlano , parlano
sempre malamente ; e 'n tutte l' azzione
se fanno dicere ; comm'è spuurco : don-
ca sti qualisse , non ponno passà pe
uommene cevile ; e sortette , che no
nammorato mente festeggiava co la nam-
morata, vedette ca teneva le deta nchiac-
cate de pasta , le disse : aje fatto lo pa-
ne stammatina , e no m'è fatto la pizza ?
rispose la nammorata : lo pane da tre
ghiurne arreto , che lo fece , comme
te voleva fà la pizza stammatina ! ri-
spose lo nammorato : e da tre ghiurne
ancora tiene le mane sporche de pasta ?

G S mo

mo guasteme la parola ca non te voglio cchiù; e accossì fece.

CXXXIII.

Schefuso.

Chille, che se fanno schefare, manco ponno passà pe galantuommene, comm' a dicere; parlano, e mazzecano tabacco; negoziano co la pippa 'n vocca; vesteno sozzuse, e starranno commete; se metteno a fà l'abbesugne addò songo viste: cheste cose songo tutte contr' a la crianza; e soccèse, che no cacciatore mente faceva l'abbesugne dintò a na Massaria a Pozzulo, posaje la scoppetta vicino a n' arvolo; lo Pozzulano se pigliaje la scoppetta, e la ngrètlaje, e po disse a lo cacciatore, o le-va sta porcària da dintò a la massaria, e cacciala fora, o mo t'accido: prejaje lo cacciatore, che non l'avesse fatto fa sta cosa, e lo Pozzulano tuosto, o caccia sta porcària fora, o te mengo na scoppettata: 'n somma, che lo cacciatore pigliaje na fronna, e adunaje la farda, e la cacciaje fora de la massaria; lo Pozzulano le tornaie la scoppetta, e le disse, che non l'avesse fatto chità: lo cacciatore quann'appe la scoppetta

petta 'n mano , disse a lo Pozzulano :
 cammarà , piglia sta porcaria tu mo , e
 trasela dinto a la massaria, si no te men-
 co io a te na scoppettata; jette lo Poz-
 zulano p' aizarela co la stessa fronna ,
 e lo cacciatore , disse jetta la fronna ,
 e aizala co le mano , si no mo t' acci-
 do: 'n somma pe no esse acciso lo Poz-
 zulano , jettaje la fronna , e trasette la
 farda co le mano .

CXXXIV.

Brottune .

Chille, che fanno li brottune , manco
 ponn'essere galantuommene , pechè co
 fa li guappe vann' apprettanno lo tierzo,
 e lo quarto , e a l' urdemo sempe ab-
 buscano ; le bide co li tuppe , lo cap-
 piello spernacchiato , le cacciatore pe
 sciammerie , e sempe ammenacciano ,
 e capozzejano , e po so sacche de maz-
 ze ; comme soccese a no brottone che
 s' appiccecaje dinto a no ciardino, addò
 stevano murde juoche , e le dettero tan-
 ta mazzate : disse lo brottone , mo va-
 go a piglià la scoppetta , e ve sparo ,
 e se ne jette ; tornaje a capo de no
 quarto d' ora , co na cosa sotto a lo
 farrajuolo , che pareva scoppetta , se

mettette a la porta de lo ciardino , co le mane sotto a lo farrajuolo , e disse strellanno: allariateve, ca v'abbampo de fuoco ; credennose le gente, ch'era venuto co la scoppetta , fujettero tutte quante: uno se n' addonaje , che non era scoppetta , se fece nnante , e disse: mena si si ommo , e lo brottone cacciaje na sarcena da sotto a lo farrajuolo ; 'n vedè la gente ca non era scoppetta , se facettero sotto , e le facettero lo riesto .

CXXXV.

Correvuso.

Chille , che se corrivano , manco se galantuommene , comm'a dicere ; uno diciarrà na parola pe pazzia , e lo correvuso se ngrifa ; n' altro farrà na cosa de niente , e lo correvuso se ncricca ; chi fa ste cose non po passà pe ommo accrianzato ; e nee fuje no tavernaro , ch' era tanto correvuso , che na matina jenno no Mastodascia a fa colazione , le fellaje doje pannelle ; lo mastodascio le bedde sedeticcie , e co tutto , ch' erano fellate non le bolette ; disse lo tavernaro : le bì ste doje pannelle fellate ? pure tu te l' aje da magnà ;

gnà ; rispose lo mastodascio : e io no
nce vengo chiù a fà colazione : a capo
de sette mise , lo mastodascio jette a
farese na zuppa , dicenno : damme doje
panelle , e tre grana de zoffritto ; e men-
te s'assettaje , lo tavernaro pigliaje chel-
le doje panelle fellate da sette mise ar-
reto , e tanto vrodo nce menaje ncoppa
a nfi che le spognaje : quanno s'appe
magnata la zuppa , disse a lo tavernaro
ca lo pane era ammazzaruto : rispose
lo tavernaro : cheste so chelle doje pa-
nelle , che non boliste sette mise arre-
to . Lo stisso tavernaro teneva lo luoco
commune dinto a la taverna , e nce je-
va a fà l'abbesugne ogne ghiuorno no
solachianiello , e po jeva a bere lo
vino a no casino faccefronte a la ta-
verna ; lo tavernaro pe corrivo fece la
porta co la chiave a lo luoco , quanno
jette lo solachianiello a fare de lo cuorpo ,
vedette serrata la porta , disse a lo ta-
vernaro , che avesse rapruto : rispose
lo tavernaro , addò te vaje accattà lo
vino , llà va a fà de lo cuorpo ; rispose
lo solachianiello , rapre ca mo me scap-
pa ; lo tavernaro rispose , e non crie-
pe ? (a isso dicenno) lo solachianiello
accommenzaje a dicere , aje da fà co
mico : te voglio fà vedè , che te saccio
fà , te voglio fà vede chi songh' io ;

rispose lo tavernaro : tenete sto piscemo dereto , ca po me faje a bedè .

CXXXVI.

Apprettatore.

L'apprettature manco ponn'essere galantuommene ; pocca l'apprettare non è crianza , e se costumma da li lazzare , che pe na cosa de niente apprettano lo Munno ; mo se vonno fà na puniata co uno , e mo co n'altro ; mo dicono a uno a buono , a buono , voglio fà no doviello co tico , e mo me voglio cacciaà mano co n'aurro ; e a l'urdemo st' apprettature moreno tutte de mala morte : comme succese a me propejo ; mente steva assettato a no Cafè , e duje meletare jocavano , e ghiocavano quatto carrine a la partita a tressette 'n terra ; venette no vicino mio , e me disse : aggio no golto de me fà na puniata co tico : io le rispose ca non era ommo d'appicceche ; isso reprecaje o co lo buono , o co lo tristo ca se voleva appiccecà co mmico : io le disse , frate mio , io te cerco perduono , si t'avesse affiso ; ma io non aggio maje prattecato co ttico , e non t'aggio fatto no male , e no bene ; e l'apprettatore ,

re, rispose: m'è benuto sto genio, voglio pigliareme sto gusto; me voglio appiccecà co ttico: io rispose; tu fusse tentazionè, che buò da me? 'n chesto nò sargente, che ghiocava fece tre asse, e non se l'accosaje pe tenere mente a chillo, che m'apprettava; lo contrario fece sette de doje, e se n'ascetè de la partita: lo primmo contannose le carte vedde, ch'era fora de la partita si s'accosava li tre asse, e pe causa de l'apprettatore, aveva perduta la partita, che mportava otto carrine; auza-je lo bastone, e benette 'n faccia a me, che ancora me steva apprettanno l'am-mico; me disse: tu non te vuò appiccecà? io disse: nò; e lo sargente rispose: e m'appicceco io pe te; e le rompette lo bastone 'n capo frecole frecole, e lo mannaje a la Nunziata co la capo sciaccata. Stette buono; ma po fuje acciso a lo Tridece.

CXXXVII.

Surdo.

Chille che fanno li surde, manco passano p' accrianzate; pocca uno le diciarrà na cosa, e lo surdo le rispon-ne 'n palo 'n perteca; si nce faje no
tra-

go nate , non fanno no vierzo giusto , ca non sanno , che gnifeca Parnasso , e si hanno da cetare no poemma , tutto lo sconquassano , e sortie a Torquato Tasso mente passava pe mezzo Rommā , no fajenzaro cantava la Gierosalemme Conquistata , e tutta la scancarejava , senza cantà nullo vierzo giusto , zzò sentenno le rompette tutte le faenze , e le disse : tu me guasté le fatiche meje , e io te guasto le toje : e n' altro mprovisatore mente laodava na Damma Romana p' accordà la cadenzia , la chiammaje monnana ; la Damma ne fece recurzo , e fuje chiammato lo Poveta nnante a Monsegnore Governatore , e le fuje ditto : pecchè aveva nfamata la Damma ; rispose lo Poveta , p' accordà la rimma : risponnette Monsegnore , tu de donne sì ? reprecaje lo Poveta : Segnò , so de Matera : e ba tre annè 'n galera , respose Monsegnore ; e fec' isso pure lo Poveta .

CXXIX.

Mprontista .

Li mprontiste pure hanno d'avè creanza , comm' a dicere ; si recetano co femmene , n' hanno da fa chill'atte scuon-
ce-

ceche, e contra commeça, e n'hanno da fa zeze, che tu me ntienne, hanno da st'attiente a li lazzi, e non hanno d'asci da le regole de l'arte, e l'addeimanne, e le risposte hanno da essere lecite, e no comme soccesse a duje Cuomece: uno de li quale pocca era cecato co n' uocchio, le disse l'autro comeco: lo cielo a chi accresce, e a chi ammanca; pocca a me m' accresciuta la vista, e a te l' ha ammancata: rispose lo cecato; aje ragione, ca lo cielo a chi ammanca, e a chi accresce; pocca a me m'ave ammancato n' uocchio, e a te t'ave cresciuto lo fronte: lo primmo se ncepollette, e benettero a secuzzune miezo a lo triato, e storbajeno la commedia.

CXXX.

Accompagnate.

A P accompagnare pure nce vo la crianza, massema si songo serveture, non hanno da portà lo cappiello 'n capo; non s'hanno da votare a rreto, e hanno da cammenà co l' uocchie 'n terra; e si songo Abbate ch' accompagnano, non hanno da fa la cammenatura affettata, manco teni mente a le feneste co

lo spioncino ; e co-lo vraccio sott' a lo vraccio de le femmene , che no le so mogliere , e manco hanno d' accompagna dormenno , comme soccese a n'Abbate , ch' accompagnava na Signora de notte pe sotto a lo vraccio , e dormevano tutte duje ; credennose che uno scetato accompagnava l' altro , e mente cammenavano dormenno , trasettero dinto a no palazzo , e schiaffajeno co lo fronte 'n faccia a no muro , che se stroppiajeno , e se torcettero de paura .

CXXXI.

Ostenato .

Chille che songo ostenate , manco ponn' essere galantuommene : pocca si hanno na defferenzia co quarch' uno , e avarranno tre parme de tuorto , vonn' avè raggione a forza ; si hanno d'avè denare , e li debbeture starranno alaffe , e non tenarrauno manco pane , e loro le metteno presone ; si fanno no patto , e non l' è ademputo , subbeto l' ostenate s' attaccano a le folinie ; e non sanno ca so tutte malecrianze: cossì sortette , che n' ostenato s' affittaje na galesa da Napole pe nfi a Gragnano , quando nce voleva no quarto de miglio p' ar-

arrevare se reprennette lo cavallo , che non potcete chiù cammenare ; lo povero Galessiere disse : Segnò, pozzate stà buono , jatevenne a pede si' autro poco , ca lo cavallo s' è repriso ; e l' ostenato rispose ; o me puorte 'n galessa a nfi addò aggio fatto lo patto , o non te pago : 'n somma pe non perdere lo viaggio lo Galessiero, levaje lo cavallo da sotto , e lo teraje isso 'n galessa .

CXXXII.

Spuorco .

Chille. che songo spuoseche manco pon-
n'essere galantuommene , pecchè le bi-
de sempe sozzuse ; si parlano , parlano
sempre malamente ; e 'n tutte l' azzione
se fanno dicere ; comm'è spuurco : don-
ca sti qualisse , non ponno passà pe
uommene cevile ; e sortette , che no
nammorato mente festeggiava co la nam-
morata, vedette ca teneva le deta nchiac-
cate de pasta , le disse : aje fatto lo pa-
ne stammatina , e no m'è fatto la pizza ?
rispose la nammorata : lo pane da tre
ghiuorne arreto , che lo fece , comme
te voleva fà la pizza stammatina ! ri-
spose lo nammorato : e da tre ghiuorne
ancora tiene le mane sporche de pasta ?

G 5 mo

mo guasteme la parola ca non te voglio cchiù; e accossì fece.

CXXXIII.

Schefuso.

Chille, che se fanno schefare, manco ponno passà pe galantuommene, comm' a dicere; parlano, e mazzecano tabacco; negoziano co la pippa 'n vocca; vesteno sozzuse, e starranno commete; se metteno a fà l'abbesugne addò songo viste: cheste cose songo tutte contr' a la crianza; e soccese, che no cacciatore mente faceva l'abbesugne dintò a na Massaria a Pozzulo, posaje la scoppetta vicino a n' arvolo; lo Pozzulano se pigliaje la scoppetta, e la ngrètlaje, e po disse a lo cacciatore, o leva sta porcaria da dintò a la massaria, e cacciala fora, o mo t'accido: prejaje lo cacciatore, che non l'avesse fatto fa sta cosa, e lo Pozzulano tuosto, o caccia sta porcaria fora, o tè mengo na scoppettata: 'n somma, che lo cacciatore pigliaje na fronna, e adunaje la farda, e la cacciaje fora de la massaria; lo Pozzulano le tornaje la scoppetta, e le disse, che non l'avesse fatto chhiù: lo cacciatore quann'appe la scoppetta.

petta 'n mano, disse a lo Pozzulano :
 cammarà, piglia sta porcaria tu mo, e
 trasela dinto a la massaria, si no te men-
 co io a te na scoppettata; jette lo Poz-
 zulano p' aizarela co la stessa fronna,
 e lo cacciatore, disse jetta la fronna,
 e aizala co le mano, si no mo t' acci-
 do: 'n somma pe no esse acciso lo Poz-
 zulano, jettaje la fronna, e trasette la
 farda co le mano.

CXXXIV.

Brottune.

Chille, che fanno li brottune, manco
 ponn'essere galantuommene, pechè co
 fa li guappe yann' apprettanno lo tierzo,
 e lo quarto, e a l' urdemo sempe ab-
 buscano; le bide co li tuppe, lo cap-
 piello spernacchiato, le cacciatore pe
 sciammerie, e sempe ammenacciano,
 e capozzejan, e po so sacche de maz-
 ze; comme soccèse a no brottone che
 s' appiccecaje dinto a no ciardino, addò
 stevano murde juoche, e le dettero tan-
 ta mazzate: disse lo brottone, mo va-
 go a piglià la scoppetta, e ve sparo,
 e se ne jette; tornaje a capo de no
 quarto d' ora, co na cosa sotto a lo
 farrajuolo, che pareva scoppetta, se

mettette a la porta de lo ciardino , co le mane sotto a lo farrajuolo , e disse strellanno: allariateve, ca v'abbampo de fuoco ; credennose le gente, ch'era venuto co la scoppetta , fujettero tutte quante: uno se n' addonaje , che non era scoppetta , se fece nnante , e disse: miena si si ommo , e lo brottone cacciaje na sarcena da sotto a lo farrajuolo ; 'n vedè la gente ca non era scoppetta , se facettero sotto , e le facettero lo riesto.

CXXXV.

Correvuso.

Chille , che se corrivano , manco so galantuommene , comm' a dicere ; uno diciarrà na parola pe pazzia , e lo correvuso se ngrifa ; n' altro farrà na cosa de niente , e lo correvuso se nricca ; chi fa ste cose non po passà pe ommo accrianzato ; e nce fuje no tavernaro , ch' era tanto correvuso , che na matina jenzo no Mastodascia a fa colazione , le fellaje doje pannelle ; lo mastodascio le bedde sedeticcie , e co tutto , ch' erano fellate non le bolette ; disse lo tavernaro : le bì ste doje pannelle fellate ? pure tu te l' aje da magnà ;

gnà ; rispose lo mastodascio : e io no
nce vengo chiù a fà colazione : a capo
de sette mise , lo mastodascio jette a
farese na zuppa , dicenno : damme doje
panelle , e tre grana de zoffritto ; e men-
te s'assettaje , lo tavernaro pigliaje chel-
le doje panelle fellate da sette mise ar-
reto , e tanto vrodo nce menaje ncoppa
a nfi che le spognaje : quanno s'appe
magnata la zuppa , disse a lo tavernaro
ca lo pane era ammazzaruto : rispose
lo tavernaro : cheste so chelle doje pa-
nelle , che non boliste sette mise arre-
to . Lo stisso tavernaro teneva lo luoco
commune dinto a la taverna , e nce je-
va a fa l'abbesuogne ogne ghiuorno no
solachianiello , e po jeva a bere lo
vino a no casino faccefronte a la ta-
verna ; lo tavernaro pe corrivo fece la
porta co la chiave a lo luoco , quanno
jette lo solachianiello a fare de lo corpo ,
vedette serrata la porta , disse a lo ta-
vernaro , che avessè rapruto : rispose
lo tavernaro , addò te vaje accattà lo
vino , llà va a fà de lo corpo ; rispose
lo solachianiello , rapre ca mo me scap-
pa ; lo tavernaro rispose , e non crie-
pe ? (a isso dicenno) lo solachianiello
accommenzaje a dicere , aje da fà co
mico : te voglio fà vedè , che te saccio
fà , te voglio fà vede chi songh' io ;

rispose lo tavernaro : tenete sto pisemo dereto , ca po me faje a bedè.

CXXXVI.

Apprettatore.

L'apprettature manco ponn'essere galantuommene ; pocca l'apprettare non è crianza , e se costumma da li lazzare , che pe na cosa de niente apprettano lo Munno ; mo se vonno fà na puniata co uno , e mo co n'altro ; mo dicenno a uno a buono , a buono , voglio fà no doviello co tico , e mo me voglio caccia mano co n'aurro ; e a l'urdemo st'apprettature moreno tutte de mala morte : comme succese a me propejo ; mente steva assettato a no Cafè , e duje meletare jocavano , e ghiocavano quatto carrine a la partita a tressette 'n terra ; venette no vicino mio , e me disse : aggio no golto de me fà na puniata co tico : io le rispose ca non era ommo d'appicceche ; isso reprecaje o co lo buono , o co lo tristo ca se voleva appicceca co mmico : io le disse , frate mio , io te cerco perduono , si t'avesse affiso ; ma io non aggio maje prattecato co tico , e non t'aggio fatto no male , e no bene ; e l'apprettatore ,

re, rispose: m'è benuto sto genio, voglio pigliareme sto gusto; me voglio appiccecà co ttico: io rispose; tu fusse tentazione, che buò da me? 'n chesto nò sargente, che ghiocava fece tre asse, e non se l'accosaje pe tenere mente a chillo, che m'apprettava; lo contrario fece sette de doje, e se n'ascette de la partita: lo primmo contannose le carte vedde, ch'era fora de la partita si s'accosava li tre asse, e pe causa de l'apprettatore, aveva perduta la partita, che mportava otto carrine; auza-je lo bastone, e benette 'n faccia a me, che ancora mè steva apprettanno l'amico; mè disse: tu non te vuò appiccecà? io disse: nò; e lo sargente rispose: e m'appicceco io pe te; e le rompette lo bastone 'n capo frècole frècole, e lo mannaje a la Nunziata co la capo sciaccata. Stette buono; ma po fuje acciso a lo Tridece.

CXXXVII.

Surdo.

Chille che fanno li surde, manco passano p' accrianzate; pocca uno le diciarrà na cosa, e lo surdo le risponne 'n palo 'n perteca; si nce faje no-
ua-

trascurzo te lo fa reprecare chiù de na vota , e co sto vizio affenneno l' am-
mice , e se fanno schefare ; e soccesse
a no surdo , che ntese ch' a no Mona-
sterio nc' era no Monaco , che sanava
la sordìa : lo surdo jette a sto Mona-
sterio pe se fà sanà le rrecchie , e non
sapenno comme se chiammava le Mo-
naco , spiaje a n' altro Monaco , chi
era chillo Patre , che sanava la sordìa .
lo Monaco rispose : figlio mio strilla ,
ca io no nce sengo : lo primmo repre-
caje le stesse parole chiù strellanno ; e
lo Monaco disse : io non nce sengo ,
che buoje da me ; e se nne jette : lo
surdo vedde passare n' altro Monaco ,
e lo chiammaje , Patre , Patre , e lo Mo-
naco , non rispose : seguetaje lo surdo
a chiammà chiù forte , Patre , Patre , e
bedenno ca non senteva la teraje l' ab-
beto , accossì respose lo Monaco , che
r'accorre .
respose lo surdo : vorria sa-
pè , chi è sto Monaco , che sana le rec-
chie ? e lo Monaco , rispose , auza la
voce , ca io no nce sengo , ca patesco
co le recchie ; disse nfra isso lo surdo ,
lassamenne ire , 'ca meglio faccio ; mer-
zè , ca si lo Monaco , che sta ccà sa-
nasse la sordìa , sanarria li Muonace com-
pagne suoje , pecca so tutte surde .

CXXXVIII.

Nchiummatore.

Li nchiummature manco ponno passà p' accrianzate , peccchè chi se nchiomma senz' essere mmetato , è mala crianza , comm' a dicere , jarrà na commertazione 'n campagna , e lo nchiommatore se ne va sulo sulo , appura addò stanno a magnà , e co no *bon prode ve faecia* se chianta a magnà co loro ; cheste so male crianze , e so chiammate appoja libbarde : e nc'era uno de chiste , che quanta Zite nguadiavano , la sera de li festine senza cànoscere manco , che gente erano , se mescava 'n cocchia co li mmetate , e se pigliava tutte li compremmente , che facevano ; pocca li pariente de lo Zito , lo credevano parente a la Zita , e li pariente de la Zita , parente a lo Zito ; e se jeva nchiommanno : na sera chisto stesso fece na commertazione pe ghire a na cantina , e de portà no piatto pe d' uno , ca isso portava na capo de vitella : 'n somma chi portaje na cosa , e chi n' altra ; e doppo d'averese magnato tutto , decettero l' ammicce , pigliammo la capo de vitella , ca nce volimmo addecriere ; quanno jettero a
pi-

piglià lo piatto , e lo metterero a tavola , vanno e levà lo sarvietto da coppa a lo piatto , e 'n vece de la capo de vitella , trovajeno na capo de lignammo , addò li peracchiere pentenano le perucche .

CXXXIX.

Vorzajuole .

Li vorzajuole , o siano calature de sacca , affatto non ponni'essere galant' uomme; pocca mo te miette no moccaturu , o na tabbacchera dinto a la sacca , e mo se la tozzano ; e de chiste marie marie nne potarria fa no volummo de fatte vernische ; ma pe non te tedejà , ca l' urdema moda è de leggere poco , o niente , pocca chello , che leggevano co no mese , mo lo bonno leggere co n' ora , mo 'n brevibusse te ne conto uno : Nc'era no galantommo , che teneva lo secreto de sana li muorze de sierpe , è d' altre anemale velenuse : ogni festa comme jeva a la Chiesa , accossì l' arrobavano la vorza da dinto a la sacca , e le moccatura ; trassennonce 'n corrivo, se mettette dinto a la sacca sierpe velenuse ; lo solete maranghino vedde la sacca abbuffata , creden-

dennose, che nce stevano le solete moccatore , jette a calà la mano , e fuje mozzecato da li sierpe , e fece na mano nvelenata verde verde ; chiammaje no geruggeco , e non ce voze mettì mano , ma le disse : figlio mio , sì muorto , si non baje addò tale de tale , che tene isso sulo a Napole sto sereto pe sanà li muorze velenuse : lo mariuolo pe non morì , lo jette a trovà , dicenno : ca dintò a na campagna era stato mozzecato da li sierpe : rispose lo sì tale de tale : portame tutte le burze , e li denare , e moccatore , che m'aje arrobbate , ca te sano , si no si muorto : n somma l'avette a tornà tutte le burze , e li denare , e le moccatora , che l'aveva arrobbate , e accossì lo sanaje .

CXL.

Desfedare.

Chille, che se desfidano , manco songo galantuommene ; pocca pe na cosa de niente , le siente di : tu chi s'è a chi si figlio ? io nasco comme nasco , songo figlio a chi songo figlio ; e non sanno sti desfidature , ca da la zappa venimmo tutte ngietta ; e po si nc' è quacche recchissemò , che campa senza fa-

fatica , liegge Napole Scontrafatto dopo de la pesta de chillo gran pajesaniello mio Titta Valentino , ca vide quanta ricche addeventajeno poverielle , e quanta poverielle, ricche ; addonca sti desfedature p'essere accrianzate , n'avarriano d'avantarese de la nasceta , ma s'avarriano a desfedà co chi tene meglio costumme ; cossì soccese , che a no paese nce steva n' uso , che quanno nguadiava quarcuna , si era poverella portava le trommette nnante , e si era ricca portava le trommette da nante e da dereto : una de le femmene ricche , desfedannose co na poverella le disse ; tu me te vuò metti co mico : quanno tu nguadiaste fuste trommettiata sullo da nante , e io fuje trommettiata da nante , e da dereto .

CXLI.

Segretista .

Li segretiste tale , e quale , manco ponn' essere galantuommene : pocca vonno fà li miedече senza studià la fisecca , e non sanno manco chi è stato Apocreto , Scolappio , Massaro , Seneca , Galeno , e zetera , e 'n vece de sanà li
ma-

malate, l' accidenno , e ogne tanto pe cavosaletate ne sanano uno , comme faceva no pratteco , che mente steva co no miedeco, se copiava tutte le rezette , e quanno jette a lo pajese sujo a fà lo miedeco, comme se nne jev'a medecà no malato , pigliava na ricetta qua veneva veneva, e diceva : bona và, si bona vene , e ogne ciento ne sanava uno ; e soccese , che ordenaje a no malato , che s' avesse magnato no fecato sopio , che ntenneva no fecato de gallina : lo malato teneva no ciuccio , che se chiamava Sopio , lo fece accidere , e se magnaje lo fegato ch'era chiù de cinco rotte sano sano, cà steva dejuno da sette juorne lo malato: quanno tornaje lo miedeco , alias secretista , trovaje lo malato buono ; spiaje a le gente de casa si s' aveva magnato lo fecato sopio ? le resposero de sì ; e isso disse : pe chesto è stato buono ; quanno non bolite sentì a li professure , ch' hanno stodiato lo prusulto ! rispose la mamma de lo malato ; ma sì miedeco mio , sopio nce costa otto docate : otto docate ! e comme ? disse lo Secretista ; seguetaje la mamma , lo ciuccio nuosto , che se chiamava Sopio , nce stette otto docate , e l' avimmo avuto accidere , pe dà lo fegato a lo malato : vuje , che cancherò

ayie

avite fatto? rispose lo miedeco, io ordenaje no fecato sopio, ch'è no fecato de gallina, e buje l'avite dato a magnà no fecato de ciuccio, e n'è crepato?

CLXII.

Vevere.

Chille, che beveno, pure hanno d'avè crianza, comm'a dicere; si uno primma avarrà ditto damm'a bere, e lo scrianzato stenne la mano, e bo vevere isso primmo: n' altro starrà jenghienzo lo sicchio a la fontana, e n' altro vene e bo jenghiere isso primmo: la crianza vò, che s' ha da dà la preferenzia a chi è primmo; e nc' è lo ditto: chi è primmo, macena; n' altro sarrà nvetato a bere, e resta lo vino dintò a lo bicchiere, chest' è mala crianza; pocca na vota magnaje a la casa mia no dottore frostiero, e tata mio mese lo vino dintò a no giarrone de l' acqua, ch' era tre carrafe e meza; lo dottore ch' era accrianziato, se lo nzozaie co na veppeta tutto quantò, ca si ne romaneva dintò a la giarra, era mala crianza: e sortette, che no signore disse a lo criato, abbuscamme quattro ve-

ve-

veture buone; (ca teneva li palumme) lo criato jette pe tutte le taverne spian-
no, chi erano li chiù brave veveture
de vino, e n' appuraje quatto, ch' erano
propejo la mazzacogna de li mbriacune,
e le portaje a lo patrone dicenno: Segnò
aggio scivote li chiù meglio veveture
de Napole; lo Signore disse: miette-
le a li palumme: rispose lo criato, chille
so quatto uommene, no nce capeno ad-
dò stanno li palumme; rispose lo Signo-
re; tu ch' aje fatto? io t' aggio ditto
li veveture pe li palumme, e tu m' aje
portate quatto veveture, che beveno
vino.

CXLIII.

Cocinare.

Chille, che cocinano, pure hanno d'
avè crianza, comm'a dicere; non han-
no da stà sozzuse dintò a le cocine;
non hanno da tenè le mano sedonte;
non hanno da fumà o piglià tabbacco,
mente cocinano, ca ponn' essere viste,
e so schefate; non hanno da farese le
zuppe co lo pretesto de provà si è nzi-
peto, o salato, ca cheste songo tutte
male crianze; e soccese, che no mari-
to fece cocere na gallotta a la moglie-
re,

re, e se la jette a magnà co cierte am-
mice, e la trovajeno tutta arza: lo ma-
rito tornaje a la casa, e ngiuraje la
mogliere, ch'aveva fatto ardere la gal-
lotta; e la moglie disse: io l'aggio
fatto apposta, azzò che non baje a
magnà co l'ammice, e magne co mi-
co. E no Pecuozzo faceva lo cuoco a no
monasterio, e se fece na brava zuppa,
se trovaje trasenno lo priore, e le fece
na ngiuriata, e quanno fuje a refettorio
lo fece magniare co le gatte; mente lo
Pecuozzo magnava la menesta vicino a
le gatte, na gatta se pigliaje no pezzo
de carne da dinto a n' altro piatto:
jette lo pecuozzo, e le menaje lo piatto,
e la sciaccaje: lo Priore, le disse, ch'
aveva dessobbeduto l'ordine, e che
meretava chiù castico; e lo Pecuozzo
rispose, vosta paternetutene ave orde-
nato, che io magnasse co le gatte, donca
le gatte avevano da magnà co mico, e
s'aveva magnà primmo la menesta nsiem-
me co mico, e po s'aveva da magnà
la carne pure co mico, donca la gatta
ave mancato, e no io. Lo Priore se fe-
ce na resàta, e lo perdonaje.

CXLIV.

Lenguto .

Chille che songo lengute, manco ponno passà pe galantuommene; pocca ogne piccola parola , che senteno , àuzano lo cannicchio , e si hanno da salutà quacuno alluccano de tale maniera , che pareno speretate ; e po chelle lingue sempe fanno tacche , tacche , e quanto le può dà statte zitto , ca loro sempe alluccano , e parlano a pognere ; e nce fuje , na femmena tanto lenguta , ch'aveva fatto morire tre marite nfracetate 'n cuorpo , e se nguadiaje lo quarto ; e pure l'atterrava si chisto no nce deva lo remmedio ; pocca essa allongaje la lingua , e sempe alluccava co lo marito , e lo nchiovava ; e non potennola cchiù sopportare lo marito , le romple no vraccio ; po chiammaje no geruggeco , e la facette medecare , e dapò che l'appe sanato lo vraccio , disse a lo geruggeco ; quanto t'aggio da dare ? rispose lo geruggeco : dateme diece docate: jette lo marito , e nce le dette , e po le dette diece altre docate; la moglie adimmannaje , pecchè le daje st'altre diece docate ? rispose lo marito ; pe quanno

te rompo l'altro vraccio , me lo trovo pagato : 'n senti chesto la mogliera ammancaje la lingua , e non l'apprettaje chiù .

CXLV.

Jastemmatore.

Chille che ghiastemmano , manco pon-
n'essere galantuommene ; pocca ota de
lo scrupolo , se fauno schefare da tut-
te ; merzè ca pe no piccolo ntuppo , e
pe na cosa de niente le siente jastem-
mare ; e chisto è no peccato senza gu-
sto , e lo Criatore da le criature nne
vò no gran cunto a l'urdemo juorno ;
e chello , ch'è lo peo , ca sto vizio
schefuso sempe cresce ; comme soccese
a no Dottore , che sempe jastemmava li
cancare a lo criato , no poco che n'
era a tempo , o sgarrava quà servizio ,
lo jastemmava : lo criato le cercaje le-
cienzia , ca non poteva soffrì l'essere
jastemmato ; lo Dottore le dispiaceva ,
ch'era no buono criato , le disse aggie
pacienza , si te jastemmo , ca lo ghia-
stemma è bizio mio ; rispose lo criato ,
si volite che no me me vaco , quando
m'avite da jastemma no cancro , vo-
lite di , te yenga no docato , e nfra de
nuje

nuje nce ntennimmo ca songo cancare; e accossì restajeno : no juorno lo Dottore 'n casa de no Jodece, disse a lo criato te vengano ciento docate : rispose lo criato, e a buje ve ne vengano cientomilia : lo Dottore 'n senù la risposta tanto lo maletrattava ; le gente, che sentettero, decettero a lo Dottore, tu maletratte lo criato, ca t'ha ditto, te vengano cientomilia docate? non è risposta affenziva; respose lo Dottore: ma li docate songo cancare, ca nfra de nuje accossì nce ntennimmo.

CXLVI.

Sonare.

Li sonature pure hanno d'avè crianza, si vonno passà pe galantuommene, comm' a dicere ; hanno da fà accordà 'n primmo li strumiente chiù subblime ; hanno da dà la preferenzia a li chiù antiche, e a li chiù maste ; e si songo trommettiere, non hanno da piglià li criate a spasso, e farele fegnere trommettiere ; pocca comme so chiamate a quacche festa, e farranno lo patto otto trommettiere, e loro nce ne vanno quatto : accossì na vota ciente pigliajeno quatto criate a spasso co darele duje

carrine lo juorno; po le danno na trom-
 metta vecchia pe d' uno 'n mano , e
 mente sonano duje trommettiere , duje
 criate fegneno de sonare loro pure ,
 quanno hanno da sonà l' altre quatto ,
 sonano l' altre duje trommettiere , e
 l' altre duje criate fegneno pure de so-
 nare ; quanno hanno da sonà tutt' otto ,
 sonano li quatto trommettiere , e li quat-
 to criate fegneno de sonare : e chi non
 sape sonare , che non se metta a sona-
 re ; pocca è mala crianza , e le po soc-
 cedere , comme soccese a no pajese ad-
 dò steva na gabbella , che chi passava no
 calascione , e non sapeva sonare paga-
 va tridece grana , e quatto calle ; e chi
 lo passava sonanno , era franco de gab-
 bella : no cafone passava co no cala-
 scione , e pe non pagà la gabbella lo
 passava sonanno , e non sapeva sonà ,
 e co no spruoccolo 'n mano faceva ntron-
 ghete , ntronghete , ntronghete ; ascette
 lo gabbelloto da fora a la gabbella ; e
 disse : ntronghete , ntronghete , ntron-
 ghete , e paga tridece grana , e quatto
 calle . De chiù soccese , che n' Allietto
 Justenziero , connannava le ppene co lo
 suono de lo violino , tanto che lo sapeva
 sonare ; e comme n' Afficiale probbecchella
 (che tale e quale teneno li guagliune
 apposta , che le chiammano scheffetelle ,
 e le

e le m'annano facenno contr' assise)
 comme portavano no gaggio , accossi
 st' Allietto connannava le ppene , a de-
 ritto de li banne co lo violino ; si la
 pena era seje docate , lo violino diceva,
 se' docà , se' docate ; si era quinnece
 carrine , lo violino sonanno diceva ,
 quinnece carrì, quinnece carrine: no frut-
 tajuolo ncappaje co na contr' assisa , e
 l'Allietto co lo violino disse , quinnece
 carrì, quinnece carrine ; lo fruttajuolo se
 mettette abballà , e fece le castagnelle
 co le deta , e disse cantanno : e io no
 le tengo , e io no le tengo ; l'Allietto co
 lo violino disse , e tu vattenne , e tu
 vattenne ; rispose lo fruttajuolo : e io
 mo me ne vaco , e io mo me ne va-
 co ; e se ne jette , e sparagnaje la
 pena .

CXLVII.

Cantare .

Li cantature pure hanno d'avè cian-
 za ; si cantano ariette , non hanno da
 cantà chelle , che tu me ntienne e io te
 vego , zoè le scannalose ; e si songo
 canzune , non hann'a essere a dispietto ;
 si cantano mottiette , non hann'a essere
 pugniente , e non hanno da stà co la

vocca a li suone, e l'uocchie a le nvi-
tate, e fanno comme dice lo ditto :
menaje a chi vidde, e couze a chi no
bidde; pocca se po piglià aquiveca la
cosa, e nce po nascere qua barruffa; e
soccese, mente steva malato no Sguizza-
ro, lo Miedeco na sera lo trovaje senza
freve: 'n sentì lo Sguizzaro, ca steva
senza freve, disse dateme a magnà
quaccosa, ca me moro de famma; lo
Miedeco rispose, datele tre calle de pa-
ne cuotto: rispose lo malato, e che
altro? reprecaje lo Miedeco, tre calle
de pane cuotto, e passa cantanno. (nten-
tenno che l'avessero dato sulo lo pane
cuotto), disse lo Sguizzaro, me conten-
to; pocca passa cantanno, loro ntenne-
no lo fiasco co lo vino, ca quanno stan-
no vevanno se passano lo fiasco l'uno
co l'altro cantanno cantanno: se nne
jette lo Miedeco, e lo Sguizzaro se ma-
gnaje tre calle de pane cuotto, e se
vevette seje carrafe de vino, e la ngar-
raje, ca stette buono: ca lo vino quan-
n'è buono, è lo quinto Alemiento.

EXLVIII.

Dotare.

A lo dotare pure nce vo la crianza ; pocca cierte tale , vonno passà pe galantuommene , e prommetteno le dute a le figlie , e pò no nce le danno , co no pretiesto ca no sta a commeto , ca vo fa n' accatteto meglio , e nfrà tanto li nnammorare pe s' accojetare se le nguadejano senza dote : chi fa ste cose non po passà pe ommo accrianzato ; e soccese , che uno maretaje na figlia , e pe dote le prommettette tre anne de tavola franca ; doppo de lo gnorsì e bogliola , lo jiennero jette a magnià franco addò lo suogro , e trovaje la tavola posta senza niente da magnare : lo jiennero disse , e bè lo patto , ch'avimmo fatto de tre anne de tavola franca ? lo suogro rispose : lo patto è , che t'aggio prommettuto tre anne de tavola franca , e pe tre anne te faccio trovà la tavola franca , comme t'aggio prommisso , ma senza lo magnare , ca fece lo patto su lo la tavola franca . N' altro maretanno na figlia , le prommettette de dote cinco-ciento docate : lo nnammorato rispose , si me yuò dà seciento docate , faccio

lo matrèmmonio , e si no , ne faccio de manco : lo primmo trasette 'n corrivo , e disse , e io seciento docate te dongo : lo nammorato mannaje a dare la parola , e lo patre de la figliola teneva la mamma soja vedola , ch'aveva ottant'anne , e fece dare a la mamma la parola : quanno lo sapette lo zito , disse a lo suogro , tu a chi ajo fatto dà la parola , respose lo suogro , a mammiema , rispose lo zito , io voglio figlieta , e non chella vecchia : e si vuò figliema , rispose lo suogro , de quanto la vuò addotà , e si nò chesi' è la via toja .

CXLIX.

Varchejare .

A lo barchejà pure nce vo la crianza , ca nce so cierte , che no marito , e na mogliere s' affittarranno na varchetta apposta pe ghi sule , e loro se vonno nvarcare a forza ; e chesi' è mala crianza : ciert' altre jarranno pe mare , mmescate femmene e uommene , e se metteno a parlare a lo sproposeto ; cierte altre fanno lo patto tanto a perzona , e po vonno pagà chiù poco ; fanno buono po li marenare , quanno non fanno lo patto , se fanno da tanto de chiù ,
com-

comme soccese , a n' artesciano , che
 bolenno ire a spasso a Posilleco , fece
 lo patto seje carrine , e na colazione ,
 a li duje marenare de la varchetta : ar-
 revate a Posilleco , disse a no taverna-
 ro , dà na colazione a sti marenare ,
 ca io pago : li marinare scianzate , se
 magnajeno tridece carrine , che non te-
 nenno l'artesciano tanta denare , lassa-
 je la spata pe pigno ; quanno fujeno
 tornate li marenare volevano li seje car-
 rine , pe la varchetta ; rispose l' arte-
 sciano : v' avite magnate tridece carrine ,
 e bolite pure li seje carrine ; resposero
 li marenare : dance li se' carrine , o te
 levammo la sciammeria ; rispose l' arte-
 sciano , facite buono , aggio rommaso
 la spata pigno a lo tavernaro , mo ve
 volite piglià la sciammeria : nzomma
 pe ghi pe mare , me ne vago a nuda a
 la casa mia .

CL.

Pazzo .

Chille che songo o se fegneno paz-
 ze , manco ponn' essere galantuommene
 li poverielle ; pocca non sanno o non
 vonno sapè chello che fanno , mpertò
 abbesogna compiatirele , e non repassa-

H 5

rele,

rele , comme fanno cierte tale , che le smorfejano , le batteno , e le repassano: chi fa chesto non è ommo manco de cianza , e manco de coscienza ; pocca li pazze , ota ca nce so prosseme , nce potimmo ncappà nuje puro , perzò abbesogna prià lo cielo , che le faccia sanà lo cereviello ; e pe te fà fare la resatella , siente che fece no pazzo : mente se fravecava no campanaro a na Chiesa , no pazzo se ne sagliette zitto zitto , e se serraje da dinto : là nce steveno migliara de prete pe fravecare , e lo pazzo a una a una le menava abbascio , dicenno , levatev' a sotto ; e menava na preta fitto fitto , che nesciuno poteva passare , che s' era fatto na nfelacciata de carrozze , e galesse da coppa e da vascio a chella strata ; 'n chesto lo sapette masto Giorgio (ch' è lo masto de li pazze) e benne co tante altre pazze , e diceva scinne da loco , ca si no te rompo l' ossa co sta mazza ; e lo pazzo da coppa secotiava a menà le prete , e diceva , levatev' a sotto : dicette no pazzo che steva co masto Giorgio ; lo vuò fa scennere a chisto ca nce penzo io ? masto Giorgio disse , sì fa tu : lo pazzo pigliaje na serra de no mastodascia ; e disse a lo pazzo , che steva ncoppa a lo campanaro , tu non buò scen-

scennere, e io mo seco lo campanaro, e te faccio cadere a bascio, e se metteste a secà lo campanaro: lo pazzo da coppa, credennose che addavero avesse secato lo campanaro, disse non secà, non secà, puozze stà buono, ca mo scengo, e accossi scennette.

CLI.

Maliziuso.

Li maliziuse manco so galantuomme, pechè uno diciarrà na parola schetta, e li maliziuse penzano a male: l'ommo d'annore, maje bisogna, che se ncricca, e manco ave da fare cose maliziose, comme fete no criato, che lo patrone lo mannava a cogliere le fico dinto a lo ciardino, mente isso magnava a tavola, e lo criato; se magnava le chiu appassolejate, è l'acerve po portava a lo patrone: lo patrone le diceva, 'nzomma te vud magnare tutte le meglio fico tu, e te peo me puorte a me? e lo criato risponneva, maje tale cosa aggio fatto: lo patrone rispose, ogne matina io veco le fico ammaturre ncoppa de lo pede, e tu non ne puorte a tavola, addonca tu te l'aje magnate? lo criato maliziuso risponneva,

non è lo vero: lo patrone disse, orzù, quanno vaje a cogliere le fico miettete l'acqua 'n vocca, e non l'agliottire, e non lo ghiettare a nfi che non puorte le fico, azzò co l'acqua 'n vocca, non te le puozze magnà: ma lo maleziuso de lo criato s' abbuscaje na carrafella, se la jenghette d'acqua, e se la met-tette dinto a la sacca; quanno lo pa-trone lo mannaje a cogliere le fico, le fece mettere l'acqua 'n vocca, e lo cria-to quanno fuje ncoppa a lo pede de fi-co jettaje l'acqua da la vocca, e se magnaje le meglio fico, e po da la carrafella se tornaje a ghienghiere la vocca d'acqua, e portaje le fico a lo patrone co l'acqua 'n vocca, e lo mpa-pocchiaje.

CLII.

Ngiuriare.

Chille che ngiurejano, manco songo galantuommene; pocca pe na cosa de niente fanno na ngiuriata a le gente; e chesto è contr' a la crianza, e chi tene sto defietto, non riguarda non pros-seme, non soperiure, e non paziente; comme soccese a no marito, che tene-va na moglie brutta brutta, e sempe,
che

che la portava appriesso le faceva na
 ngiuriata, dicenno: comme, veco l'au-
 tre femmene, che tutte le teneno men-
 te, e a te nesciuno te tene mente,
 quanno t'accompagno: e pe sta cosa
 sempe me ngiurie. rispose la mogliera;
 e pe chesto, disse lo marito, te ngiu-
 rejo; reprecaje le mogliere: marito mio,
 io vaco a la bona, mperzò nesciuno me
 tene mente; ma pe non essere chiù
 ngiuriata, oje cacciamme a spasso ca
 me scerego bona, e bide ca tutte me
 tenarranno mente: venuto lo juorno
 ascettero nsiemme, lo marito jeva nan-
 te, e la mogliere appriesso cammenava
 co la lengua da fora; nzo chi la vede-
 va, la teneva mente dicenno: chella sar-
 rà pazza, ca cammina co la lengua da
 fora: lo marito vedeano ca tutte tene-
 vano mente a la mogliere, se votava a
 bederla, e essa subbeto se terava la
 lengua 'n vocca; lo marito cammenava,
 e essa tornav' a cacciare la lengua; e
 accossì contentaje lo marito, che non
 la ngiuriaje chiù.

CLIII.

Fare l'abbaja.

Chille che fanno l'abbaja a l'autre, manco ponn' essere galantuommene; pocca sto vizio è contra a la crianza, comm' a dicere: uno farrà no trascurzo, e loro da dereto le fanno l'abbaja; n' altro farrà no gesto, e loro le fanno l' ecco; chesto non va buono, abbessogna maje non fa l'abbaja, anze compiatire; pocca soccese, che n' Arefece, che pateva de tire a la lengua, avette da portare ciert' argentaria a no Segnore, che pure pateva de la stessa nfermetate; arrevato a lo palazzo facette fare la mmasciata, ch' era venuto lo guarzone de l' arefece co l' argentaria, e lo Segnore disse, che lo facessero trasire; trasuto l' arefece, lo Segnore disse la....la....lassame ve....vedere st' ar....gien....to; l' arefece responnette, è....è....è lesto Se....se....gnò: lo Segnore, se credette, che le faceva l'abbaja, e disse, ah....ah....malan....drino, a....me a....me faje l' abba....ja? te....te voglio acci....acci....accidere, e sfoderaje la spata: l' arefece poveriello, s' addonecchiaje, e diceva se....segnò, agge....agge....bon....bon-

tà ca....io so....songo naturale a pa.... a
parlà ac....accossì : 'n somma si non tra-
seva lo Masto de casa , e diceva a lo
Signore , che canosceva isso st' Arefece,
che parlava accossì , lo Signore le chia-
vava na spata 'n cuorpo .

CLIV.

Sfrattare.

A lo sfrattare , pure nce vo la crian-
za , comm' a ddicere : cierte sfrattano ,
e non scopano la casa , anze la crian-
za vole , che sì la casa è nera , che la
janghejano ; e sì lo pesonante nuovo
manna le robbe , loro nce l' hanno da
conzervare ; e n' hanno da fare comme
fece uno , che non trovaje case , e ave-
va sfremmata la casa soja , quanno fu-
rono li quatto de Maggio , jonze lo pe-
sonante nuovo , e isso corcaje la mo-
gliere dintò a lo lietto , fegnenno , ch'
era figliata , e disse : non te pozzo dà
la casa , ca è figliata moglierema , e
nce venette na grann' azzuffa , e resta-
je a la casa : e quanno uno sfratta s'ave
da lecenziare co tutte li vicine ; com-
me fece na vecchia , che steva de casa
ncopp' a n' asteco : no marajuolo la
jette a robbare a doj' ore de notte ;
la

la vecchia ntese raprìre la porta , e se stette zitto , pe paura de non essere accisa : lo marejuolo a la scura , attentaje lo matarazzo , e la vecchia steva zitto , e chiejanno lo matarazzo co la vecchia dinto , se lo schiaffaje 'n cuollo , e mente scenneva pe le grada , la vecchia vedde na vicina co la porta aperta , e se mese a cantare da dinto a lo matarazzo , bone vicine meje , covernateveca so benute li quatto de Maggio : lo marajuolo 'n sentirela , la jettaje co tutto lo matarazzo , e se ne fujette .

CLV.

Pedetaro.

Chille che fanno pedeta 'n presenzia de la gente , manco ponno passà pe galantuommene ; pocca , songo schefate da l'ammice , da li pariente , e da tutte l'autre , che senteno lo fiato ; e massime si chillo , che fa lo pideto ave magnato aglie , cepolle , allesse co lo lauro , o baccalà , e nce stanno cierte , che le fanno 'n presenzia de tutte sciorite de perzune , pecchè nce songo ausate ; e soccedette a chisto preposeto , che affrontannose de sera doje commertaziu-

ziune d'ammice fora a la marina, uno de chiste dicente a n' altro, si tale de ta, bonasera, e fece no gran pideto: chillo, senza pegliarse collera, le rispose, bonanotte, e facette n' altro pideto chiù gruosso assaje de lo sujo: 'n chesto scappaje na resata a tutta la commertazione; e se mettertero a dicere: non fa pedeta a chi tene culo.

CLVI.

Fratuso.

Chille che songo fratuse, manco pònn' essere galantuommene; pocca pe na cosa de niente se fanno venì li frate, comm' a dicere: si sente na cosa, che non le piace, se nfratonesceno: e si vedeno na cosa no poco sconceca subbeto abbottano, e se nfanfaresceno, e chesto è contr' a la crianza; pocca l'ommo accrianzato ha da fà chello, che bede vede, e chello, che sente sente, e non hanno da fà comme fece no fratuso, che bedde 'u tiempo de vierno, e propejo a lo mese, che sfermano le ccase, no zerbenotto vestuto de seta, co na capo tutta arricciata, co lo cappiello sotto

t' a lo vraccio, e no toppè auto auto, chino chino de poreva de cipro, e cammenava tiseco tiseco: lo fratuso accommenzaje ad' abbottà li scianche, e nfra de isso diceva: comme fa chisto friddo, e chillo va tutto linto, e pinto, e cammina tiseco tiseco? mo l'acconcio io: se ne jette da dereto, e le dette tanta scoppolune ncoppa a lo toppè, che le guastaje tutte li ricce: lo zerbenotto se vótaje, e bedette ca chillo, che l'aveva vattuto non lo canosceva, mettette mano a la spata pe' le dà na botta, e lo fratuso le decette: ammico perdoname, ca me credeva, che iere no nepote mio, che da quatto notte non bene a dormì a la casa: e accossì lo nfenocchiaje.

CLVII.

Pavoruso.

Li pavoruse manco ponno passà pe galantuommene, pocca ad ogne cosa, che bedeno, o senteno da quacche ammico, se pigliano collera, ca l' hanno fatto mettere pavura; si vanno a spasso pe' mare, accommenciano a bommecare, e a schiantàrese: ches'è contro a la crianza, pocca quanno non songo ausate a
ghi

ghi pe mare , che no nce vanno , azzò non sturbano l'autre ; e nce fuje uno , che sempe navecava , e comme saglieva ncoppa a li vastemiente , accossi accommenzava a trennare , e diceva a li compagne , aggio a pavura , che non baco 'n mano de li turche : e ogne tantillo diceva : ne , a sto mare cà nce ponno venire li turche ? e fitto fitto diceva , ne , nc' è temore de li turche ? ne , avessemo affrontare li turche ? ne , avessemo da ire mano de li turche ? aggio a pavura de li turche : 'n somma affrontajeno no vasciello de turche , e fuje fatto schiavo , e lo pavoruso disse : aggio avuto a gusto ca songo juto 'n mano de li turche ; pocca chesta pavura aveva , e mo m' è passata na vota pe sempe .

CLVII.

Fattocchiaro .

Chille che fanno li fattocchiare , manco ponno passà pe galantuommene ; pocca vanno scarcoglianno , e arrobanno a tutte le gente , mo co no pretiesto , e mo co n' altro , e danno a rrentennere a no malato , ca patesce de sango appercantato , e pe lo sanare le danno no vom-

vommecativo , e dicenno , che è no se-
reto contra a la fattura , che tene : men-
te vommea lo malato , loro a uocchie
a uocchie dintò a la scafareja , addò vom-
mea , nce metteno no piezzo de sango
de piecoro sicco , e po dicenno ca l'han-
no levato la fattura , ca l' hanno fatto
ascì da cuorpo lo sango appercantato ,
e se fanno pagare , e strapagare : cheste
cose songo contra a la crianza ; e soc-
cese , che no sordato jeva a fare la
guerra a no paiese , e fuje consegnato
a na casa : (comme se sole fare 'n chi-
ste case) la femmena de la casa tene-
va lo marito , ch' era tanto mpestato , e
manisco , ed era juto fora de lo paiese
sujo ; sta femmena teneva no frate car-
nale Monaco , e steva appiccecato a
morte co lo marito , pe cierte nteresse
loro : 'n sentire lo Monaco , ca lo caje-
nato era juto fora , jette na sera a ma-
gniare co la sore , e portaje tanta belle
cose da magniare , e lo sordato steva
ncoppa a no mezzanile , e bedeva lo
tutto : mente stevano pe mettere la ta-
vola , lo marito tornaje a la casa (ca
n' asciaje la galessa pe partire) la mo-
gliere 'n senti lo marito , che la chiam-
mava , disse a lo frate , si te trova ccà
maritemo , t'accide , e lo fece annasconne-
re sotto a lo lietto ; e tutto lo magnià
l'an-

l' annasconnette dinto a no stipo : trasette lo marito, e disse a la mogliere, damme quaccosa da magniare ; la mogliere respose: io non tengo niente ; e lo marito le dette tanta mazzate , e po pigliaje no cortiello pe l' accidere : lo sordato scese da lo mezzanile, e disse a lo marito, si vuò magniare, mo nce penzo io , ca commanno lo folletto , e faccio venire lo magniare : se mettete addonca sotto voce a ffare no scongiuro finto, e po disse a la mogliera: va dinto a chillo stipo , ca nce truove doje pagnotte de pane , na pollanca cotta , no pasticciotto , miezo casocavallo , e na bottiglia de vino , (ch' era tutta le robba , ch' aveva portato lo Monaco , e che isso l' aveva visto) la mogliere raprette lo stipo , e cacciaje lo magniare e lo vino ; lo sordato pe sarvà lo Monaco , disse , bisogna che ne faccio astire lo folletto da sta casa , e pe no ve fà schiantare comanno , che se n' esca 'n forma de monaco a quatto piede : lo Monaco , che nrese chesto, s'acalaje lo scappuccio nnant' a l' uocchie , e a quatto piede se n' ascette : lo sordato se mettete a magniare , e nvitaje a lo marito , e la mogliera ch' avessero magniato co isso ; la mogliere co malizia disse: non magno robba de lo demmo-
 nio;

nio; lo marito disse, co tutto che se moreva de famma, e manco io ne voglio, e lo sordato se magnaje ogni cosa.

CLIX.

Appassionatore.

L' appassionate manco ponno passà pe galantuommene; pocca pe la passione, che portano a na cosa, fanno mille male ciance, comm' a dicere; si n' ommo dabbene dice a uno, che ogni sera va a giocare a lo Cafè: frate mio, tu chello, che te juochi ogni sera, faje malamente a giocaretello, pocca li figlie tueje vanno scauze, e tu faje fa sfuorgie a lo Cafettiero; l' appassionatore le risponne, che mpaccio dà no poco de spasso! lo juoco è cosa de niente, pechè nce tene la passione; donca non po passà pe galantommo: e soccese, che amo era tanto appassionato de Rinardo, che ogni ghiorno lo jeva a senti cantà a lo Mercato: na matina ntese cantare la morte di Rinardo, se ne jette a la casa chiagnenno; la moglie menestaje no piatto de menesta co la carne voluta dinto, e lo marito disse: moglie cana, comm' è muorto chillo gran prence-

cepe de Rinardo , e tu vuò magniare ?
 la mogliera rispose , e io , che ne vo-
 glio fà , ch' è muorto Rinardo ; voglio
 magnià io, si non buò magnià tu : l'ap-
 passionato de lo marito le dette tanta
 mazzate , e ghiettaje lo magnià pe la
 fenesta , e cogliette 'n capo a uno , e
 lo sciaccaje ; corrette la guardia , e lo
 carceraje .

CLX.

Despettuso .

Chille che songo despettuse , manco
 ponno passà pe galantuommene ; pocca-
 pinche hanno che dicere na parolella co
 quarcuno , subbeto le fanno no despiet-
 to ; si hanno na piccola defferenzia co
 no potecaro , chianghiero , o casadduo-
 glio , mannano accattare quacche cosa ,
 une levano no poco, e le fanno lassà la
 contr' assisa pe despietto : chi fa ste
 cose , o tra de lo scrupolo , non po pas-
 sà pe galantommo ; e nce fuje na per-
 zona , che si appurava n'ammico sujo ,
 che ghieva 'n campagna , mannava ad-
 dò la mogliere co quacche nze gnale a
 nomme de lo marito ca voleva o doje
 sopressate , o quacch' altra cosa , e se
 lo magnava ; e chisto stisso steva de
 casa

casa a lo primmo appartamento, e be-
denno, ca lo pesonante ncoppa a isso
acalava la bottiglia de ramma nfrisco
dinto a lo puzzo, isso se la terava ogne
matina, se la veveva meza, e po la
forneva de jenghere d'acqua, e la tor-
nava a calà dinto a lo puzzo: lo pa-
trone de la bottiglia, quanno jeva a
bevere, trovava lo vino tutto acqua;
na vota credette, che fosse stata mal'
appellata; n'autra vota, che scorresse
la bottiglia; e n'autra vota deva l'an-
nommenata a le gente de la casa; ma
facenno na matina sana la veletta,
vedette da dò veneva lo fatto; la ma-
tiina appriesso jenghette la bottiglia chie-
na de fele de vacca, e la calaje dinto
a lo puzzo; l'ammico Cesare teraje la
bottiglia, credennose, ch'era la scia-
rappa soleta, ch'era bona assaje, e se
ne fece na bona veppeta; ma ne vom-
mecaje l'uocchie, e pagaje la pena de
lo male fatto de li juorne nnante.

CLXI.

Spione.

Chille che fanno li spiune, affatto
affatto, non ponno passà pe galantuom-
mene; pocca stanno pe fa trademiente
pure

pure a chi l' ha gnenetate , e chi fa la spia , non sa ca ota de lo scrupolo , è stemmato lo chiù lazzaro de lo munno , e nce stanno ciete cetate , che a a li spiune , manco li vastase le danno commertazione ; e a Napole manco le potimmo vedere da no fatto orrenno , che soccedette 'n perzona de na povera vedola , che teneva cinco figlie femmene , e pe campare se venneva no poco de tabbacco nterzetto ; no parente sujo le fece la spia , e la fece carcerare , che le cinco figlie jettero addò lo Cielo sape : 'n capo de n' anno sto spione dormeva dinto a na poteca a la conciaria ; na notte se sentette na voce , che diceva : spione , spione , meglio , che no nce fusse nato a lo munno : tu aje arrojenata na povera vedola co cinco figlie , e bì lo cielo comme se n' è pagato : quanno la matina jettero pe aprire la poteca , lo trovajeno , a sarvamiento nuosto sia ditto , muorto de subbeto.

N' altro spione teneva n' ammico , che portava lo cortiello senza patente ; sto spione , co tutto ca l'era ammico , lo ddicette a no Screvano , e appontajeno lo luoco addò isso l' avarria mostato : chesto lo ntese n' altro casovalemente , e canoscenno chillo , che portava lo

cortiello nce l'avesaje: chillo subeto se levaje lo cortiello da la sacca, e nce mettette no cuorno; quanno jette lo spione, lo Screvano, e la guardia a maniarlo, e 'n vece de lo cortiello nce trovajeno no cuorno.

CLXII.

Restetoire male pe bene.

Tutte chille, che restetoescono male pe bene, non ponno passà pe galantuommene, comm'a dicere; uno le porta no negozejo pe l'arte soja, e isso le leva na facenna, nninche le vene fatta; n' altro portarrà a spasso n' amico, e le farrà compremiente, e chillo 'n vece de dessobbrecarese, lo va mormorejanno appriesso, e chisto è lo restetoire male pe bene; e non sulo è contra a la legge, ma ancora è contra a la crianza; e soccese a no sbirro, che mente arronnejava na notte co lo Screvano, lo Depotato, lo Capetanio, e altre sbirre, a meza notte trovajeno no cocchiere; lo Depotato disse a no sbirro, maneja a chisto: mente lo sbirro lo manejava, lo cocchiere le projette sottamano no piezzo de seje carrine, e seje grana, ca teneva lo cortiello proib-

beto senza patenta ; ma pecchè lo sbirro aveva avuto lo seje e se' grana , disse a lo Depotato , ca non teneva niente , e ne lo mannajene : lo cocchiere quanno fuje a na votata de vico , jettaje lo coriello dinto a no palazzo , e ghiette addò lo Deputato , e dicette , vedite ca lo sbirro , che m'ave maniato , s'ave pigliato no se' carrine e se' grana , che teneva dinto a la sacca ; isso aveva da vedè si teneva arme proibete , non m'aveva d'arrobare ; voglio justizia : lo Depotato fece manejare lo sbirro , e le trovaje lo seje e se' rana into a la sacca , e fece attaccare lo sbirro , e la matina appriesso jette pe duje anne a presidio .

CLXIII.

Rialare.

A lo rialare pure nce vo la crianza , comm' a dicere ; uno mannarrà no riale a n' altro , e po lo ba dicenno pe tutte l'ammice , ca l'ave rialato ; e a le bote , le renfacciano lo riale 'n presenzia de l'ammice , che 'n vece de farele annore , l'affenneno , e fanno mala crianza ; voglio dicere , che chi riale , o pe obreco , o benevolenzia , non be-

sogna , che lo бага probbecanno : de chiune li riale hanno da essere equevaliente a lo perzonaggio che se mannano; e non t'aje da servire de lo mutto a cavallo donato non se tene mente 'n vocca; e manco s'hanno da rialare cose pe repassare, ch'è contra a la crianza, comme fece uno, che chiaminaje no pajesano dinto Napole, e le spiaje de che pajese era: rispose lo pajesano, songo de chillo pajese, addò songo tutte l'uomme nfermuse: rispose lo Napoletano, famme piacere de portare na gajola co na pernice dinto, e na lettera a lo Governatore, ca pe la portatura te dà miezo sebbeto; e le dette na gajola grossa, e vecchia tutta ncartata, e na lettera; quando lo pajesano arrevaje addò lo Governatore, le dette la lettera e lo rialo: lo Governatore, quando jette a bedere la pernice, nce trovaje no cano brutto, rognuso, e nghiajato, tanto che ne fece na rotta d'ossa a lo pajesano.

CLXIV.

Zeremoniuso.

A le zeremonie pure nce vo la crianza, comm' a dicere: si aje da salutà
 quac-

quaccuno, non l'aje da salutà co affet-
tazejone, co dire tanta parole, co tanta
levate de cappielle, e co tanta ncrine,
pecchè chillo, che salute, lo piglia pe
repassatura, e te stìmma da ommo scrian-
zato, e repassarà isso pure a te, com-
me fece no Menistro, ch'accompagna-
va no paglietta a nfi a la porta; e lo
paglietta ogni passo che deva se ncre-
nava, e diceva: vasta segnò, no chiù;
deva n'altro passo, e tornava a di, va-
sta segnò, no chiù: lo Menistro se nte-
se corrivo, se chiavaje na mano 'n
pietto, e n' altra a lo lato manco, e
contrafacennole li ncrine, l'accompa-
gnaje a nfi a la porta: lo stisso po-
timmo di de no Signore, lo quale
dette na pezzecata de tabbacco a na Sc-
gnora; la quale dicette: quanto è bel-
la sta tabbacchera; lo Signore pe fà la
zeremonia, dicette a lo comanno de la
Signora; e chesta rispose: me fa fe-
nezza lo Signore, e stese la mano pe se
piglià la tabacchera: lo Signore tanno se
teraje la mano, e s'astepaje la tabbac-
chera, e disse: Signora mia, de chesta
manera se descacciarranno le zeremonie.

CLXV.

Demmenticatore.

Chi se demmenteca sempe, manco po passà pe galantommo , pecchè appontarrà co uno pe quacch' affare , qualche negozio , o pe quacch' asciuta , e po se scorda, o volontariamente, o involontariamente , e no nce và , ed è stemato da scrianzato : n' altro le ordennarrà na cosa , e chillo no nce la manna , o le manna n' altra cosa defferente , e po dice: me songo demmentecato: chi vo passà pe ommo accrianzato , ha da attennere , quanno se compromette , e non s' ave da smentecare , comme fece na peccerella , che la mamma la mannaje a accattare tre grana de lardo , e azzò non se fosse scordata , le disse , che fosse juta dicenno pe la via a nfi de lo casadduoglio , lardo , lardo , lardo , e la peccerella accossì fece pe la via a nfi , ch' arrevaje addò lo casadduoglio ; ma quanno fuje vicino a lo casadduoglio , disse : damme tre grana de nzogna , e portaje nzogna pe lardo : e n' altro demmentecatore , appontaje co n' ammico de ire a senti la commedia , e chi primmo arrevava a lo.

lo Cafè de li Specchie , aspettava : lo secunno jette a lo Cafè , e stette aspettarelo nfi a doje ore de notte , e lo primmo no nce jette; s'affrontajeno po lo juorno appriesso , e lo secunno dicette : ches'è mala erianza , appontare , e non benire : e lo primmo disse, me scordaje: ma lo secunn' amico, ch'era soletto de ire na vota l' anno a fà na scialata addò li Cappoccine de S. Jefremo Viecchio , lo primmo 'n capo de quatto mise apporaje st' asciuta , e disse a lo secunno ammico , quando vaje addò li Cappoccine voglio venì a scialà co t' tico ; lo secunno disse : sì lo patrone; e 'n capo de cierte juorne de scammera passaje 'n galessa pe dò fatecava lo primmo , e disse : ammico, si vuò venì, ca stammatina vaco addò li Cappoccine? lo primmo disse , vengo : addò vuò che t'aspettò mente fernesco sto lavoro? lo secunno disse : a lo Cafè de li specchie ; e lo fece stare a nfi a miezo juorno sonato , e no nce jette ; quando s'affrontajeno , lo secunno disse : comme me faciste aspettà nfi a bespera , e non veniste a pigliareme? lo secunno disse : me scordaje , comme te scordaste tu quann'avevamo da l'a senti la commedia.

CLXVI.

Pegnere.

A lo pegnere pure nce vo la crianza, comm'a dicere, non hanno li pitture da pegnere quatre scannaluse, comme volessemo dicere Vennere scoperta dinto a lo vagno, na Ninfa a la nuda, na Dea spettorata, ed altre cose, che guastano la fantasia, pocca, ota de lo scrupolo, è contra a la crianza, e po chi fa chesto, non è stimmato pe ommo nnorato; e po abbesogna che pegneno chello che le vene ordenato da chi le dà a fà lo quatro, e no chello, che stà 'n capo a loro, comme fece, chillo che pittaje la Zetella de cinc' ane, comme sta scritto nne l'Arcadia 'n Brenta, e che da me non se ne parla, pe non esse scannaluso: ma siente s' altro fatteciello, e bi si va de conzierto.

No pittore non sapeva pegnere l'animale, e mente steva pittanno, le fuje addimmannato, che Santo pittava, e isso risponnette: si non bego l'animale che m' esce da sotta a lo penniello, non te lo pozzo dicere; pocca si esce no cane, nce faccio S. Vito 'n coppa; si
esce

esce na gatta , nce faccio S. Marta ; e
 si esce no puorco , nce faccio s. An-
 tuono. E n' altro Pittore mente pittava
 sotto miezo-juorno , la moglie l' ad-
 dimmannaje da copp' a la fenesta si po-
 teva mette a cocere li maccarune , ca
 volleva la caudora ; e lo marito rispo-
 se , menale , menale ; ca nfra tanto me
 faccio n' altra dozzana de Sant' An-
 tonie .

CLXVII

Appetetuso.

Chille , che songo appetetuse , manco
 ponno passà pe galantuommene , com-
 m' a dicere , vanno mangianno pe la
 via , senza sapè ch' è bregogna ; si n'
 ammico porta quarcosa da mangiare , e
 loro subbetto afferrano , e mmocciano ; si
 vanno 'n campagna co l' ammicce a fa
 quarche scialata , mangia chiù uno de
 chisto , che no mangiano diece perzune ;
 e nce fuje uno de chiste , ch' avvennose
 mangiato no terrebilio de robba , e be-
 denno ca n' altro , che le steva facce-
 fronte teneva la porzione soja sana sa-
 na nnante , dicette : oh ! comme so le
 ccose : veccote ca lo munno mo rota
 comme rota sto piatto ; e se votaje lo

magnà che nc'era da la via soja : ma chillo ch'era chiù frabutto d'isso, tornaje a botà lo piatto comme steva, e dicette, lassa stà lo munno comme se trova, ca meglio è.

Nce fuje no criato, che pe quanto avesse potuto magnà, maje se saziava, (mperò era nfermetà, che teneva) cierte Signure fecero no nguaggio, ca lloro l'avarriano saziato, e cocenajeno no piecoro sano sano, no gallodinnia, fecero na verdosa mmaretata, quatto rotola de maccarune, na pizza, ed autro; e pe sopratavola le dettero no casocavallo, di' rotola de mela, quattomazze de rafanielle, ed altre zorbie; e lo Criato doppo che s'appe magnato tutto chesto, teneva na misura de castagne dinto a la sacca, e puro se lo magnaje. Ora sto Criato trasette a servi co no patrone, che lo teneva a spese 'n casa, lo quale le dicette, ca le voleva assegnà tanto pane lo juorno, quanto se ne poteva magnà co n'uovo, e lo Criato appetetuso se contentaje. La primma matina lo patrone l'apparecchiaje n'uovo, e lo ppane; e lo Criato tagliava tanto no petaccio de pane, e ne nfonneva a malappena na pontella dinto a l'uovo, e se la magnava; tanto che s'aveva arrecettate quatto pan-
nel

nielle, e l' uovo era ancora chiù de
miezo: lo patrone 'n vedere chesso, di-
cette, mo propejo cacciatene sto lupo-
menaro, ca chisto non è appetito, che
tene, ma è lo cuonzolo de li cancare
'n corpo.

CLXVIII.

Piglià li penziere d' altre.

Ghille, che se pigliano li penziere d'
altre, manco ponno passà pe galan-
tuommene, coim' a dicere, no vecino,
o na vecina se farrà no vestito, e loro
diceno, comme fa, che ogne tan-
tillo se fa mo no sfaorgio, e mo n'au-
tro: quanto ponno abbuscà lo juorno?
e zò facenno, se veneno a piglià li
penziere de lo tierzo, e de lo quarto; e
chesta è cosa contro a la crianza. Sto
maleditto vizio lo tene chiù d' uno a
sta Cetate nostra, e spero, che leggen-
no sto Calatejo se lo levassero, e se
facessero uommene accrianzate.

Nce fuje no negoziante de mare, che
ghiette a l' Innia co no gran carreo de
mercanzia, e sbarcato che fuje a n' Iso-
la de chelle, fuje nvitato a mangiare 'n
casa de lo gran Vesirro, che bene a es-
sere no Governatore de lo Mperatore de

L'Innie, e assettannose a tavola le det-
 tero na mazzarella 'n mano: nninche
 benné la primma piatanza, quanto ved-
 de ascire tanta zoccole, che saglievano
 nfi a ncoppa a la tavola, e se magna-
 vano tutte cose, si non jiere a tiempo
 a cacciarele co chella mazzarella. Lo
 negoziante 'n vedere chesto, disse a lo
 Vesirro: Segnò, tengo io ncoppa lo ba-
 stemientq ciert' animale chiammate gat-
 te, che se magnano le zoccole; onne,
 si l'avite a caro, mò le manno a pi-
 gliare, e ve ne faccio vedè la prova.
 Lo Vesirro disse, vedimmo: e becco-
 te ca lo negoziante le facette venire; e
 perchè se trovavano affamate, 'n di bot-
 te nne facettero na bona sfrattata, che
 vedennose da lo Vesirro, le dicette si-
 nce le boleva vennere: ma lo negozian-
 te respose, cheste me costano trasore,
 pocca sò rare st' animale a lo munno;
 ma io a buje ve ne faccio no rialo. Lo
 Vesirro, vedenno sta bon' azione de lo
 negoziante, le dette tant' oro, che non
 avette abbesuogno de negoziare chiù.
 Tornato chisto a lo pajese sujo accossì
 ricco, accommenzajeno chille ché se pi-
 gliano li penziere d'autre a nformarese
 comme s' era arrecchuto, e avenno ap-
 purato lo fatto comm' era juto, accat-
 tajeno tutte le gatte de chillo pajese, e
 se

se nvarcajeno pe l' Innia. Arrivate che
 fujeno, fecero sapere a lo Vesirre, chi
 avevano portate mercanzie d' animale
 gatte: tutto s' alleraje lo Vesirre, e dis-
 se, che nce n' avessero portata na mo-
 sta, e nce ne portajeno quatto: ma
 comme ca gatte e gatte non se ponno
 vedere, a l' affrontarese che fecero, nce
 fuje na guerra gattescà, e dapò se nne
 fujettero tutte quante: 'n vedè chesto lo
 Vesirro, disse: comme l' site venute a
 destrujere l' animale gatte mieje, che me
 costano tant' oro? le facette pigliare, e
 'a palare tutte quante.

CLXIX

Sapere li fatte d' altre.

Chille, che bonno sapè li fatte d' au-
 tre, manco ponno passà pe galantuom-
 mene, pocca mo spiano a no criato, e
 mo a no piccerillo de casa, pe sapè che
 magnano, che bino veveno, che ntrata
 teneno, si li vestite se le fanno 'n cre-
 denza, che commertazione teneno la se-
 se, 'a nfi a che ora se spassano, chi è
 lo tale, chi è la tale, e ba scorrenno:
 cheste so tutte cose contro a la crian-
 za; addonca chi vo essere galantommo
 non ha da i appuranno li fatte d' altre,
 e nà

e nè manco fare comme facette na Cantarinola, che steva de casa accanto a na Signorella: ora sta Cantarinola s'aveva accattevata la vajassa de sta Signorella, che le diceva tutte li fatte de la casa, e pe non farese sentì da l'altre becine, avevano spertosata na canna longa longa, e pe dinto a la canna se cefoliavano tutto. Na sera casovalemente se n'addonaje la Signorella, cacciaje la vajassa, e se mettette a parlare essa da dinto a la canna; e sentenno ca la Cantarinola voleva sapè li fatte suoje, pigliaje no pisciaturo chino de li besuogne piccole, e mente chella parlava pe dint' a la canna, essa da coppa nce lo devacaje, che nce lo fece ire tutto 'n vocca, e 'n cuorpo, che le facette vommecare l' uocchie.

GLXX.

Capopuopolo.

Li capopuopole manco ponno passà pe galantuommene, pocca ogne tantillo fanno revotà no quartiere, e pe nà cosa de niente, fanno no rociello de gente: chest'è contr' a la crianza; e si bè avessero ragione de se resentere, pure nce vò la descrezione, comm' a dicere,

sec.

soccedè na cosa de cheste , e se mette-
no le gente pe lo miezo, e s'hanno d'ac-
cojetare ; e non fa comme facette uno ,
ch'aveva accattato doje rotola de lardo
viecchio , no parmo auto , 'n chillo me-
se che se sfitano le ccase : lo casad-
duoglio se tenne quatto grana chiù de
l'assisa , perchè lo lardo casarinolo l'
accattano caro : sto capopuopolo doppo
avè revotato no quartiere , chiammaje
l'afficiale , e facette pesare lo llardo ,
(che se trovaje justo) e l'addimman-
naje chi era lo Cavaliere , che 'n chil-
lo mese faceva da Jostenziero , e chille
nce lo dissero : l'ammice se misero pe
lo miezo , co dî , leva sta bajata : lo
piso è ghiusto : lo llardo è buono : non
te fa a sentire pe poco grana . Ma lo
capopuopolo , tuosto chiù de na vrec-
cia , volette l'a forza addò lo Jostenzie-
ro ; e doppo averele contato lo fatto ,
mettette mano a la sacca de la sciam-
meria pe piglià lo llardo , che steva ar-
ravogliato a no moccaturu , e no nce lo
trovaje , ca nce l'avevano arrobbato , e
restaje co no parmo de naso , poeca
non c'essenno lo delitto 'n genere , lo
Jostenziero non poteva connannare nul-
la pena a lo casadduoglio .

CLXXI.

Bazzariote.

Li bazzariote affatto affatto non ponno passà pe galantuommene, pocca non sulo ca venneno 'n coppa a l' assisa, e danno lo manco, ma malettrattano tutte sciorie de cetatine, comme non ce fosse legge, e manco justizia; e hanno fatto ncarire le robbe da magnare quasse lo duppio de chello, che ghievano tiempe arreto, perchè venneno senza tenè poteca, che si quarcuno va addò l' afficiale prubbechella, e loro se nue-fujeno, pe non pagà la contr' assisa; e nce fue uno chiamato Mafriello, che benneva fecato de puorco otto grana a ruotolo chiù de l' assisa, e mente venneva 'n miezo a la chiazza, faceva stalla moglie affacciata a la fenesta da sott' a li vrite, la quale si vedeva quarche cetatino, che pigliava la via de la barracca de l' afficiale prubbechella, deva na voce, Mafriè: (ca chist' era lo latino) lo bazzariota nninche se senteva chiammare, avozava la sporta co li fecatielle, e se ne fojeva: veneva lo cetatino co l' afficiale, e non troyanno lo

lo vennetore, restava arrobbato, e cor-
rivo.

E n' autro bazzariota pisce-vinnolo, perchè no cetatino se soleva piglià lo pesce pe l' assisa, no juorno lo vedette assettato a no puojo a la marina, se l' accostaje vecino, e disse strellanno, (pe se fa sentì da tutte) comme, tu faje atte, e basamane a moglierema, che sta fora a la loggia rimpetto a te? e n chesto le dette tanta paccare, che l' allavanejaje de sango: po l' afferraje, e le dicette zitto zitto, non beni a accattà chiù pesce pe l' assisa, e lo menaje a mare; e dapò le facette na quareta cremmenale appriesso.

CLXXII.

Agguantatore.

L' agguantature se sape da tutte che non ponn' essere galantuommene; pocca so cchiù peo de li mariuole, pechè si non fosse pe loro, che s' accattano le robbe arrobbate, le mariuole non ghiarriano arrobbanno, e non farriano arrojenare tanta case, e fare ire pezzenzo tanta fameglie; e chello ch' è lo peo ca st' agguantature fanno vista de galantuommene, e fanno sfarze, (ma
dura

dura poco) co tutto ch' è contra a l'ad-
 dovere, e a la crianza; cossì n' agguanta-
 tore accattaje n' aniello d' oro da mano
 a na criatura pe quatto calle, co dich'
 era d' attone, e lo menaje co la frab-
 buttaria dinto a la menozzaglia, addò
 steva l' attone; la mamma de la cria-
 tura trovannose manco l' aniello da la
 casa, vattette la criatura a nfi che con-
 fessaje ca l' aveva vennuto pe quatto
 calle a n' agguantatore; corrette la mam-
 ma a direlo a l' agguantatore, che s'
 aveva accattato l' aniello pe quatto calle,
 addò essa avea spiso otto docate; e isso
 disse, aggio fatto arrore, me credeva
 ch'era attone, e nce lo tornaje: a chi-
 sto stisso no traccheggiane le fece na
 bona posta, le portaje a bennere na
 verga d' oro de doje libbre, co di, ca
 l' aveva asciata, e ca ne voleva du-
 cientu docate; l' agguantatore disse, vo-
 glio farela vedere, si è oro; e lo trac-
 cheggiane disse, secatenne no poco co
 la limma, e le fece secare na pontella
 de chella verga, ch' era oro lo chiù
 meglio de lo munno, e lo riesto era
 tutto tombaco fauzo; l' agguantatore se
 fece toccare la punta de la verga, e le
 fuje approvato ch' era oro fino; quanno
 venne lo traccheggiane l' agguantatore
 s' accattaje la verga de doje libbre,
 (che

(che ghieva quase quattrociente docate si era oro fino) pe novanta docate: quando la jette a bennere la trovaje, ch'era tombaco, e che ghieva cinco carrine, che nne morette pe la collera, salute a nuje.

CLXXIII.

Tavolaggiero.

Li tavolaggiero, o siano camorriste, manca ponno passà pe galantuommene; parlo pe chille tale, che teneno le farinole fatte a sciorte, e a zara, pe fa vincere a la deritta, e a lanapierde, a li iraffine loro, e teneno le carte sen- gate o co l'ogna, o storzellate, o co no punto de na ponta d'aco, o no pez- zetiello tagliato co la fruossece 'n ponta 'n ponta, e cetera: chiste non ponn'es- sere galantuommene; pocca ota de lo scrupolo, che songo obbredate a la rettetuzione de chello che benceno, o pe di meglio e' arrobbano co le farinole, e carte fatte, non ponno passà pe ga- lantuommene; e pe te fa abbedè la ma- lizia de sti qualisse nfi addò arriva, siente stò soccieso e stupisce: no cam- morrista, o sia tavolaggiero, teneva lo juoco proibbeto a la casa, e pe paura de

de la corte , teneva no criato fedato a bascio a la portella co la ntesa , che si veneva la guardia, avesse sonato lo campaniello , che teneva a la fenesta , e accossì jocavano tutte le notte senza temore de la justizia ; ma jénno 'n sentore a la corte , na sera vierzo tre ore nce jette pe carcerarele ; lo criato fedele sonaje lo campaniello , lo tavolaggiero lesto lesto fece corcare lo patre sujo vecchio dinto a lo lietto , e lo fece fegnere comme si fosse stato pe morire , e allommaje paricchie cannele de cera nante a na fiura , e dapò levate le carte , s' addenocchiajeno tutte li jocature , e dicevano la Letania ; quanno sagliette lo Screvano co la guardia , e bedde li juocature addenocchiate , addimannaje pecchè dicevano la Letania ? rispose lo tavolaggiero : non bedite lo gnore dinto a lo lietto ca stace prosseme pe morire , mperzò io co sti pariente , ammicce , e compare l' accompagnammo l' anema co sta Letania : 'n sentì chesto la Screvano , e li sbirre , s' addenocchiajeno loro pure , e dicettero ora provejo , ora provejo .

CLXXIV.

Desperare .

Chille che sempe se desperano , man-
co ponno passà pe galantuommene, com-
m' a dicere ; jocarranno a le carte, per-
deno na partita , o na poglia , e se
metteno a desperà mo co n'ù ù ; mo
stracciano le carte , mo jastemmano , e
bà scorrenno ; ste cose so contr' a la
crianza ; pocca chi vo passà pe ommo
accrianzato , ha da sopportà ogni cosa ,
e non s' aye da nfanfarire , comme fa-
cette no monnezzaro , 'a tiempo , che
parlavano li quattruppole ; na Signora pe
s' na mascarata aveva chiammato du-
dece scartellate , e 'n tiempo de carne-
vale , le bestette de una manera , e le
serraje ncoppa a n' astreco ; lo marito
de sta Signora la volette portare a la
commeddia , e doppo a lo festino , e se
reterajeno facenno juorno ; la notte fece
tanta neve , che nulla chiù , li povere
scartellate vestute de tela a lo scopiorto,
erano viecchie , morettero de lo friddo
tutte dudece ; quanno se reteraje la Si-
gnora , jette a bedè li scartellate , e le
trovaje tutte muorte ; avенno temore ,
che non l' avesse saputo la corte , chiam-
maje

maje no monnezzaro , ch'era no scemmo , e le disse : io te dongo seje docate pure , che sta notte miette no scartellato muorto dinto a la stora , e lo vaje atterrare a l'arene: rispose lo monnezzaro, è lesto : a meza notte se jette a piglià uno scartellato , che la Signora le fece trovare 'n vocc'a la porta ; e mentre lo jette atterrare , la Signora mette te n'autro scartellato 'n voeca a la porta ; quanno tornaje lo monnezzaro , pe se piglià li seje docate , la Signora disse , lo scartellato è tornato a beni , atterralo chiù lontano : 'n somma a nfi ch'avette atterrato tutte li dudece scartellate , la Segnora diceva sempe ch'era tornato lo scartellato : quanno lo monnezzaro avette atterrato l'urdemo scartellato , quase schiarava juorno ; mente tornava addò la Segnora , vedette no scartellato ncoppa a no Ciuccio , che correva pe la via de Napole , lo monnezzaro disse nfra isso stisso : ave ragione la Segnora , ca lo scartellato arriva primmo de me , ca tene lo ciuccio ! ma mo l'acconcio io : arrevaje a chillo povero scartellato , che ghieva pe li fatte suoje , e le chiavate tanta zappellate 'n fronte , che l'accedette , e l'atterraje ; jette addò la Segnora , e disse : se-
gnò

215

gnò damme li se' docate ca lo scartella-
so non torna chiù.

CLXXIV.

Chiajetante.

Chille che songo chiajetante manco
ponn' essere galantuommene; pocca pe-
na cosa de niente, nce fanno no chia-
jeto: l' ommo accrianzato, ave da ce-
dere, e non s' ha d' aggravare ogne
tantillo pe na cosa de niente, e non ha
da esse taccagnuso, e letecante, comme
era no vastaso, che si portava no viag-
gio, quanto chiù le davano pe la por-
tatura, tanto chiù chiajetava: se par-
laje de sto chiajetante dinto a no Ca-
fè, e uno rispose, chiajetarrà sto pove-
ro vastaso, ca no lo pagarranno ju-
stefecato: respose chillo, che l' aveva
preferuto, ca era vizio, che sempe
chiajetava; lo secunno disse, io nguag-
giarria, ca no lo farria chiajetare, e
facettero na scommessa de seje docate;
chillo che scommettette, che non lo
faceva chiajetare, pigliaje na canna de
tela, e chiammaje sto vastaso dicenno-
le, portame sta tela a nfi a cà bicino;
lo vastaso chiajetante pigliaje la tela, e
ghiette appriesso; quann' appe camme-
na-

nato da no trenta passe, disse lo 'nguaggiatore, songo arrevato; e pe paura, che n' avesse chiajerato pe la portarura, le dette no piezzo de vintisera-na: lo vastaso disse, ne segnò, nò me daje nient' altro? tanto, che fece perdere lo nguaggio, che sentennose corri-vo chillo ch' aveva perduto, co lo bastone le fece na bona mazziata.

CLXXV.

Dessutele.

Li dessutele manco ponn' esserè galantuommene; pocca non vonn' atten-
nere a l'impieghe che teneno, e chello
ch'è lo peo, ca vonno comparere vestu-
te buone, senza avere ntrate, e sen-
za fatecare, addonca hanno da fà ma-
l'azziune, e pe conseguenza non pon-
no passà pe galantuommene; e pe cam-
pà, vestì, e stà da la matina a nfi a la
sera dessapplicate pe li Cafè, non fan-
n' altro, che truffe, e mpeche; e quan-
no po s' hanno da nzorare sti dessute-
le, pecchè non hanno nè arte, e nè
parte, co fà na mbrogia se ponno nzo-
rare; comme soccese a uno de sti qua-
lisse, che non teneva na crespa ncristo,
e s' aveya da nzorare; abbestaje
no

no miedeco , che teneva n' uneca figlia , ed era cmmo de chiù de trenta milia docate ; sto dessutelo se facette prestare duciento docate da no parente sujo ricco , co dì. ca s' aveva accattato no mpiego 'n Vecaria ; e s' affittaje na casa , ch' erano se' caminare , sala e cocina , e s' affittaje da no revennetore apparate , spiechie , lietto a la riale , e se facette na casa de signore ; se pigliaje quatto criate , e no volantiello , po se fegnente malato , e mannaje a chiammà sto miedeco , e se facette fare treje , o quatto visete ; lo dessutelo finito signore , le dette pe le bisete dece onze d' oro ; lo miedeco spiaje a li criate chi era sto signore ? li criate dicettero , è no cavaliere Rommano (ca pe tale se fegneva) ; 'n capo de duje juorne , jette lo dessutole a trovare lo miedeco , e le disse , ch' a lo paeje sujo , accossì s' ausava , che quanno steva buono lo malato , jeva a reingraziare lo miedeco a la casa ; e mente trascorreva smicciava la figlia ; lo miedeco lo spiaje si era nzorato . e isso rispose , de nò ; ma la mamma le voleva dà na Damma Rommana brutta brutta , e isso pe non se piglià na moglie brutta , s' era venuto a nzorare a Napole , pe se piglià na figliola bella , e senza gonnella :

la : e 'n chesto spiaje , chella figliola ,
 che l'era ? lo miedeco rispose , m'è fi-
 glia , severa vosta ; e lo dessutelo disse
 ntoscanesco co n' aria cavaleresca , e
 bene , sarà mia moglie senza un quattrin
 di dote : lo Miedeco non bolette senti
 altro , mannaje a chiammà l'Aconne-
 mo , e facette dare la parola , e nfra
 otto juorne fecero lo sposalizio : ma non
 passaje na semmena , che benne lo re-
 vennetore , e sparaje tutta la casa , e
 se portaje a nfi a lo lietto ; se ne jette-
 ro li criate , e lo volantiello , e la zita
 rommanette sperta , e demerta , e chia-
 gnenno se ne tornaje a la casa de lo
 patre : lo marito fece ricorso , ca vole-
 va la mogliera , e lo miedeco , pe no
 fa i la figlia sperta , s' avette a chiavà
 la figlia , e lo jennero dintò a la casa ,
 e camparele tutte duje ,

CLXXVI.

Apprezzare.

A l' apprezzare porzì nce vo la com-
 menienza , comm' a dicere ; cierte ap-
 prezzature , e masseme le femmene , che
 bonn' apprezzare le robbe de le zite , che
 fann' ova quinnece , e grana trema , pe
 fa la somma grossa : accossì cierte ap-
 prez-

glio , ca le gente nce credeno , comme si
 se potesse sapere lo futuro ; chille gab-
 baliste che fanno po chelle ghioje dà
 uno nfi a novanta , le compiatesco ,
 pecchè songo Poyiete comm' a me , e
 pe campà fanno le gabbole , e li papur-
 chie de li jocature non s' accorgeno ,
 ca tutte li nomme songoquivoche ,
 che quanno po è asciuta la strazzejone ,
 ranno cacciano li nomme certe : e nce
 fuje no jocatore a tutto , che s' aveva
 jocato quanto teneva (non sapenno lo
 sciucco , ca a chi tene lo peso de la casa ,
 non è leceto de jocarese tanto , ma l'è
 premesso de jocarese na giornata ogni
 mese) ; ora sto jocatore aveva caccia-
 to da na gabbola tre nomme certe ; dis-
 s' a la mogliere , vennimmoce sto mata-
 razzo , ste lenzole , e sti scanne , e met-
 timmole ncoppa a sti tre nomme , ca
 vencimmo , e nce le facimmo nuove de
 lana de Tunnese , e accossì facettero :
 quanno s' aveva a terà la strazzejone , lo
 marito disse , mogliera mia , io vaco a
 sentire la strazzione , si me vide venì
 'n seggia , è signo ch'aggio venciuto ,
 tu dà a ffuoco a sto saccone de paglia ,
 che nc' è restato ; si me vide venì a
 pede , non le dà a ffuoco , ch' è signo
 ch'aggio perduto ; e ghiette a senti te-
 rà la bon' affeciata ; e 'n senti ca non
 era

era asciuto nullo nomme , che s' aveva
 jocato , pe l' arraggia sbattette la capo
 'n faccia a no muro , che tutta se la
 rompette , e s' allavanejaie de sango ;
 le bone gente pegliajeno tanto pe d'uno,
 l' affettajeno na seggia , e lo mannajeno
 a la casa soja miezo muorto ; la mo-
 gliere , che steva a la veletta , appe l'
 aviso ca veneva lo marito 'n seggia , e
 credennose ch' aveva venciuto , dette a
 fuoco a lo saccone ; quanno sagliette lo
 marito ncoppa , non appe addò coccare-
 se , e lo portajeno a lo spetale .

CLXXVIII.

Repassatore.

Li repassature manco pouno passà pe
 galantuommene , pecchè uno trascorra-
 rà serio , e loro lo repassano ; n' altro
 contarrà n' asempio , e loro capozzejano ;
 co dicere , aruojecamente ditto , e fanno
 le repassature : ches'è contrà a la crian-
 za : l'ommo d' annore non ha dà repas-
 sare , pocca se sole dicere , ca chi re-
 passa , resta repassato , comme lo be-
 darraje da sti duje fattecielle , che te
 conto , pe te fa fare doje resatelle lece-
 re. No repassatore meletare , navecanno
 co no Bastemiento de guerra , facette

na presa de turches; arrennute, che se fujeno, zompajeno tutte li marenare, e sordate ncoppa a lo vasciello de li turches, e dettero lo sacco: lo repassatore meletare dette de mano a no turco, che steva accovato sotta coperta, e lo turco pe n' abbuscà, disse: a cristiana nu battira per mia, ca mi tinir vurza per tia; lo repassatore, credennose, che teneva sto turco qua borza de monete d' oro, se mettette nante, e non lo facette vedere da nesciuno; quanno fuje assacchejato lo bastemiento, e ncatenate li turches, lo repassatore disse a lo turco, donare burza per mia, e lo turco se spontaje la vrachessa, e le mostaje tanto na guallera, e dicette: chista burza tinira; e lo repassatore restaje repassato. N' altro repassatore ch' era patrone de varca procetano, avette na ncomenza de ire a piglià lo Governatore a Pezzulo, e portarelo pe mare a Proceta (ca non nce se po ì pe terra): lo Governatore avette no mpedemiento, e mannaje a dì, che n' avesse aspettato la varca a Pezzulo, ca veneya a capo de ott' altre juorne; lo patrone de la varca repassatore, pe non perdere lo viaggio, mmarcaje vinte ciucchie pe portarele a Proceta; li procetane pe fà annore a lo Governatore avevano carrec-

ca-

cate cannone, scoppette, e altre arme de fuoco, nni che beddero spontà la varca tutta guarnuta de ferze, accommenzajeno a sparà bù bù bù, e lo patrone de la varca co tutta la chiorma, ad alta voce dicevano, no sparà ch'è d'eseno, no sparà ch'è d'eseno; vollenno di ca portavano l'asene, e no lo Governatore; li procetane chiù sparavano, e loro chiù strellavano: diavolo no sparà ch'è d'eseno, non sparà ch'è d'eseno: che si dice chesto a no procetano, t' accide.

CLXXIX.

Speranzuso.

Li speranzuse manco ponno passà pe galantuommene, pocca vonno campà co le speranze d'autre, e non s'anno lo ditto, che dice: maro chill'ommo, che mette lo pignato a lo fuoco, co le speranze d'autre; lo mette vacante, e lo leva senza niente; voglio dicere, che chillo che bo esse galantommo, non ha da fà speranze a le robbe d'autre; zoe li nepute a li zie, li frate a le sore, che non teneno figlie e addesederare la morte e cetera, e che chesto sia na veretà nfallibbele, scuorgelo da chiste duje fat-

tarielle , che te conto : na femmena zurfarellara , soleva mannà li zurfarielle o-
gne mese na vota a na mogliere de
mercante, e chella le mannava le cutene,
e remmasuglie de lo lardo ; na matina
la zurfarellara disse a na figlia peccerel-
la , porta sti zurfarielle a la mogliera de
lo mercante , ca te dà le cutene, e nce
facimmo la menestra ; la fegliola portaje
li zurfarielle addò la mogliere de lo
mercante , e le disse , segnò , mamma t'
ave mannato li zurfarielle : la mogliere
de lo mercante disse , di a mammata
obbrigato ossignoria ; rispose la piccerel-
la , segnò , mamma vo le cutene , e non
bo l'obbrigato ossignoria . N'altro por-
taje quatt'ova a la mogliera , che l'a-
vesse cocenate , la speranzosa de la mo-
gliere disse , marito mio st'ova met-
timmo a schiudere , ca facimmo li pol-
lecine , se crescono , e se fanno galline , e
fanno tanta ova , pò le mettimmo a schiu-
dere , e facimmo tant'autre galline , e ca-
pune , nce le bennimmo , e nce accattam-
mo piecore , e pecore , zimmere , e cra-
pe ; fanno le razze , e le bennimmo , e
accattammo scrofe , e puorce , vacche ,
e buoje , fanno le razze , le bennimmo ,
e nc' accattammo massarie e terretuorie ,
e pe la ntrata , ch'avarrimmo , addeven-
tarraje tu Barone , e io Baronessa : e
met-

mettarimmo porzi la carrozza: lo marito disse, a la primma asciuta de la carrozza, nce voglio portà patremo, e mammama mia; la moglie rispose, la primma vota aspetta a mammama, e patremo mio, ca io t'aggio fatto addeventà Barone; lo marito disse nò, la moglie ncocciaje sì, ntanto che sbottaje lo marito, e paccariaje la moglie, che pe reparà li pacchere jettero l'ova 'n terra, e se rompettero, che disse la moglie: e bi ch' aje fatto, aje fatto perdere tutta la Baronìa a lo Barone, e a la sì Baronessa.

CLXXX.

Scialacquante.

Li scialacquante manco ponno passà pe galantuommene, pocca vonno menà na vita scialacquata senza apprezzazione, e cotpeo vonn' i scialanno juorno pe ghiuorno, senza penzare a li nteresse de la casa, e a chello, che pote soccedere, comme sentarrite de no marito, e na moglie, che se scialacquajeno ogni cosa senza penzà, ca l'ommo ha da penzà, quando fatica, comme maje moresse, e quando fa peccate, ave da penzà, comme se tanno moresse: sto ma-

rito , e sta mogliere se chiammavano lo sio Donato , e la siè Mariarita ; vedennose mieze Viecchie , e tenenno quacche migliaro de docate, dissero , nobolimmo fatecare chiù , tenimmo pe magnare a nfi che morimmo : ma fernuto li denare , e non avenno che magniare chiù , e non potenno fatecare ca erano viecechie , se nnuistrajeno , lo marito cono calascione , e la mogliera cono tammurro , jennno cantanno poteca pe poteca , e dicevano : i me chiammo lo sio Donato , e lo tiempo m'è avanzato , lo fatecà c'happe lassato , m'ave arredutto a chisto stato ; po cantava lo mogliere , e diceva : i me chiammo la siè Mariarita , non fatecaje pe ghire polita , e po avimmo strutto l'acquavita , e pe campà mengo sta vita ; e avenno addossì , e addò nò no morzillo de robba da magnare , accossì campajeno lo riesto de la vita loro stentatamente .

CLXXXI.

Appuratore.

L'appurature manco ponn' essere galantuommene , pocca vann' appuranno tutte li fatte de l'autre ; si uno tene diebbete , vanno spianno , pe l'appurà ,
si

si tene credde, fanno lo stisso; a chi è figlio, e a chi non è figlio; chi è la tale, e chi non è la tale; cheste cose so male crianze: chi vo passà pe ommo accrianzato, non ha da i appuranno li fatte de lo prossemo, ma s'ha da vedè sulo li fatte suoje: sulo l'è lezeto de i appuranno addò stà lo vino buono, comme fanno li pajesaue de Giugliano, quanno s'avonesceno vinte, o trenta sciacquante, e mannano no pajesano dinto a no cellaro accattà na meza carrafa de vino, e l'autre aspettano tutte fora de lo cellaro; avuto lo vino chillo de dinto, loro spiano da fora, nce stà, o se n'è ghiuto? si chillo de dinto dice, nce stà, loro risponneno, e nuje mo nce ne jammo; e se ne vanno a n'autro cellaro, e fanno lo stisso co spià nce sta, o se n'è ghiuto? si chillo de dinto dice, se n'è ghiuto, e loro risponneno, e nuje mo trasimmo; ntennenno, ca se n'è ghiuta la scumma da coppa lo vino, ca quanno nce resta, lo vino non è buono.

CLXXXII.

Apprenzionuso.

Chille, che songo apprenzionuse manco ponno passà pe galantuommene, pechè nninche se chiavano n' apprenzione 'n capo, no nce la leva nesciuno; e storta che sia l' apprenzione, chello ha da essere, e fanno mille ndescretezze, e si quaccuno lo correje co di levate st' apprenzione da capo, ca chesto non po essere, n' hanno na ngiuriata appriesso; addonca aggio ragione de dire, ca fanno mala crianza: e soccese, che no figlio de mercante s'aveva chiavato n'apprenzione 'n capo, ca teneva le bipere 'n cuorpo, e faceva mille fracasse: l'amice e pariente le dicevano, levate st' apprenzione ca non è lo vero, e isso se metteva a fà comme a no pazzo a allucare, abbottare, e sbariare, e diceva: io me sengo freccerà le bipere 'n cuorpo, e buje decite ca non è lo vero, e faceva mille fracasse nott' e ghiurne, che non potennolo chiù sopportà lo padre, lo dette a medecà a lo figlio de lo Masto de li pazze (uneco pe sanà stiale) e le prommettette ciento docate, pure che l' avesse levato st' apprenzione da

da capo : lo miedeco dapò ch' appe
 addoprato tanta medecamiente , e chillo
 chiù ncocciava ca teneva le bipere din-
 to a lo cuorpo ; no juorno addopraje na
 nnustria , se chiavaje tanto no libbiazzo
 'n mano , e se mettette a studiare vicino
 a isso ; 'n capo de no piezzo , disse stre-
 lanno : alleramente , alleramente , ch'ag-
 gio asciato lo medecamento pe te fa asci-
 re le bipere da cuorpo: volesse lo cielo,
 rispose l' apprenzionuso ; lo miedeco dis-
 se , mo te vaco ad accattà na medeci-
 na , e sì sanato ; jette addò no Speciale
 de medecina , e se facette dare na pu-
 rega , e diece vipere vive ; tornato a la
 casa le facette piglià la purega , e po an-
 nascuso mettette le bipere dinto a lo sì
 peppo ; ma fatto l' affietto la medecina,
 jette l' apprenzionuso a fa l' abbesuogne ,
 e mente steva spelanno se ntese frecc-
 cà a lo tafanario , s' affacciaje , e bedde
 le bipere dinto a lo sì peppo , se mettet-
 te a strellà , e biva e biva lo sì miede-
 co, ca m'ha fatto ascì le bipere da cuor-
 po : ecco ca po dicevano , che non era
 lo vero ! tornaje da lo patre , e disse ,
 mo stongo buono ; e lo miedeco s' ac-
 chiappaje ciento cuoppe pe na penzata .

CLXXXIII.

Affattorato.

Ammico, che liegge, tu mo te farraje na resata primmo de lo tiempo, peccadiciarraje a l'affattorato comme nce cape lo fatto vernesco, ma mo lo bedarraje; a l'affattorato pure nce vo la crianza, zoè parlo pe chille, che fegneno de fa l'affattorate pe nnustria, e pe campà, comme soccesso dinto a na Chiesa, mentre se scommogliava no Santo tanto meracoluso na vota l'anno, e pecchè la folla era a uffa, nce stevano li sordate de guardia 'n passo 'n passo; no mariuolo se fegnente affattorato, e faceva lo speretato pe fare la folla, azzò, che li compagne avessero potuto arrobbare moccatore, tabbacchere, e autro: no sordato frostiero, che non sapeva, che cosa fosse affattorato, 'n vedè chisto che se storzellava e alluccava, auzaje lo bastone, e le dette tanta mazzate, e mente lo vatteva, lo speretato disse, non me vattere, ca me so passate li spirete. N' autra mogliere de mercante, cercaje na vesta ricca a lo marito, e chillo nonce la volette fare, e essa 'n capo de doje semmane se fegnente affattorata, e

co li strille faceva rēvotà la casa notte ghiorno: lo povero marito chiammaje no Monaco pe la fà scongiurare, e mente la scongiurava s' accorgette ca non era affattorata, pigliaje na mazza, e le dette cinco o se' mazzate, e po' facette ascì tutte le gente fora, e stanno a sulo a sulo l'addemmannaje, pecchè faceva la speretata, quanno non era lo vero? essa risponnette: Patre mio, l'aggio fatto ca maritemo non m'ha voluto fa na vesta ricca; respose lo scongiuratore, e si te la faccio fà, faje chiù ste cose? essa reprecaje, no lo faccio chiù: ascette fore lo scongiuratore, e disse a lo marito, si vuò fà passà li spirete a mogliereta, falle na vesta ricca; subbeto nce la facette, e chella stette bona: lo meglio medecamento però fu chillo de la mazza; pocca la mazza chiù de no male sana!

CLXXXIV.

Non attennere la promessa.

Chille che prommetteno le cose, e po' non l'attenneno, manco ponno passà pe galantuommene; pocca a chi è stato premettuto no piacere, no impiego, no mpriesteto, o no riale, e po' non

non nce l'attenneno, se rammaracheja-
no, e hanno ragione de dicere, vè che
lazzaro, me prommettette, e m'è benuto
manco: addonca voglio dicere, ca chi
vò esse galantommo, quanno prommet-
te, bisogna ch'attenna la promessa,
comme prommese no signore, ch'aveva
perduto na vorza, addò stevano mille
doppie dinto; mettette li cartielle stam-
pate, che a chi l'avesse trovata, le deva
pe riale ciento doppie: no buon' ommo
nce la portaje sana e bergene; avuta che
l'appe 'n mano lo patrone, se la contaje,
e pe no le dà lo riale prommettuto,
disse, ca nce mancavano dociento dop-
pie, e ne lo mannaje co na mano nan-
te e n'otra arreto; lo buon' ommo se
ne jette a la justizia, e contaje lo fatto;
la justizia mannaje a chiammà lo se-
gnore, e ch'avesse portato la vorza co
le doppie: venuto nante a la justizia,
le fuje ditto, pecchè non voleva dà la
prommessa de le ciento doppie? rispose
lo signore, ca non l'aveva restetovuto
tutte le mille doppie, ma nce n'aveva
portate ottociento; rispose la justizia:
addonca la vorza non è la toja; pocca a
la vorza toja aveano da essere mille, e
cà songo ottociento; si chisto, che l'av'
asciata se ne voleva piglià dociento, non
se le teneva tutte? chi facette la vorza
toja,

toja , avarrà fatto ches' antra pure: pigliajene la vorza , e l'ottocento doppie se dettero a chillo , che l'avev'asciate . Esoccese porzì a duje ammice, chiamato uno Franciscuzzo , e n' altro Petruccio , chiste erano duje criate , che servevano uno patrone , e campavano affritte affritte ; lo patrone ne mannaje Franciscuzzo , e n' capo de poche jorne Franciscuzzo jeva co spata d'argiento , duje riluorgie, cazette de seta, vestuto abballonato , 'n somma pareva no Precepe; Petruccio lo vedde lucere, disse , Franciscù, dimme è stato asceto, o faseto? respose Franciscuzzo , non è nè l' uno , e nò l' altro , ma m'aggio mparato n' arte , che fatico poco e abbusco assaje; e perrò io lucio accossì : Petruccio lo pregaje , che l' avesse mparato a isso pure sta bell' arte , ancora che avess' avuto da fà na gran fatica, pure la faceva : respose Franciscuzzo , la fatica è poco , ca l' arte è leggìa , e si se patesce, se patesce poco. Petruccio se licenziaje da lo patrone , e ghiette addò Franciscuzzo ; quanno fuje mezza notte Franciscuzzo disse a Petruccio , vien' a faticà co mico , e lo portaje a scassà na Chiesa , passaje la guardia, e l'affunnaje a tutte duje , se facette la causa , e furono connannate a essere mpise 'n

cocchia ; Petruccio disse , si me volite fà commercere , voglio parlà primmo co Franciscuzzo : (ca steva a n' altra car-cera) la justizia nce l'accordaje ; quan-no Petruccio s' affrontaje co Franciscuz-zo , le disse , comme me deciste , ca fa-cenno l' arte toja , si patevamo , poco patevamo , e mo aggio da esse mpiso ? rispose Franciscuzzo , e be che d'è ? che fuorze patisce assaje a na sagliuta pe la scala , e na scesa pe la funa ? chest' è tutta la patenza.

CLXXXV.

Jodecare .

Li jodecature manco ponno passà pe galantuommene , (parlo pe chille , che ghiodecano a la lana-pierde) comm' a di cierte Cuonsole , pe fà piacere a li nde-viduve de l' arte loro , jodecano na co-sa pe n' altra , si va manco , dicono chiù , si no bà , dicono ch' è buono ; e parlo pure pe chi jodeca lo tierzo , e lo quarto ; chi fa ste cose , no po pas-sà pe ommo accrianzato ; pecca non su-lo ch' è peccato , ma è contra la crian-za : addonca chi vo passà pe ommo ac-crianzato , o ha da jodecà justo , o n' ha da jodecà stuorto , e hann' a sapere , che
si

si hanno da jodecà lo prossemo, se pon-
no ngannare , e perzò besogna pensare-
ce buono , comme soccese a uno , che
ghiette a trovà n'ammico sujo , e non
nc' era autro dinto a la casa che sulo
no mierolo , tozzolianno la porta ntese
dì „ chi è ? rispose isso: raprite: rispo-
se lo mierolo : mo mo ; ch' accossì era
mparato ; stette no buono tiempo 'n voc-
ca a la porta , e tornaie a tozzolià , tor-
naje a risponnere lo mierolo : chi è ?
isso tornaie a reprecare : raprite : e lo
mierolo n' altra vota rispose , mo mo ;
e quanta vota tozzolejava , tanta vote
senteva dì , chi è ? mo mo ; se ntese
correvato , e se ne jeva jodecanno l'am-
mico ; quanno fuje abbastio a la portel-
la , ncontraie l'ammico , che se retera-
va , le disse , ammico , te so benuto a
trovare , e songo stato affiso da le gen-
te de la casa vosta ; pocca aggio tozzo-
lejato da vinte vote , e sempe me ri-
sponnevano : chi è ? mo mo , e non m'
hanno rapruto la porta ; chest' è nde-
scretezza ! l'ammico le respose , io non
tengo nesciuno a la casa ; ma sulo ten-
go no mierolo , che parla , e isso t'ave
respuosto : addonca jodecaie ndebbeta-
mente , e non te faceva maraveglia , ca
n'auciello parlava , ca io saccio no
chianchiero , che ghiette a accidere no
puor-

puorco a no Signore, e lo facettero stare dinto a na cammara sulo a isso, e lo puorco; vedennose sulo lo chianchiero, accommenzaje a robbà piezze de carna, e mettireselle dinto a le sacche; quando appe furnuto, chiammava lo Signore, che steva dinto a l' altre camere, co di ch' aveva furnuto, lo Signore faceva la nfenta de non sentire: 'n chesto no Pappagallo, che steva a la cammara de lo chianchiero, accommenzaje a di cantanno: si patrò, si patrò, chianchiero carn' int' a sacca: 'n sentì chesto lo chianchiero, disse a lo pappagallo, zitto ca mo la poso, e cacciaje no piezzo de carne da dinto a la sacca e lo posaje; e lo pappagallo tornaje a di cantanno: si patrò, si patrò, chianchiero chiù carn' int' a sacca, e lo patrone co le gente de casa se mbroscenavano pe terra pe la risa: 'n somma quann' appe furnuto de caccia l' urdemo piezzo de carna, ch' aveva arrobato, tanno se stette zitto lo pappagallo, e chiù non cantaje.

Chille che non songo scrupolusè, manco ponn' essere galantuommene ; pocca fanno de tutt'erva fascio , e co non fa scrupole a le cose , non sulo fanno peccate , ma fanno male crianze porzi ; pocca l'ommo accrianzato ha da fa scrupolo a tutte le cose , e chello che no bo pe' isso , non ha da fa a lo prossemo sujo ; e si pe' desgrazia ncappasse a qualche scrupolo , se l'ave da levare subbeto , e senza cofecchie , comme sentarraje : uno aveva fravodato quaranta docate a n' altro , 'n capo de tiempo se lo chiammaje , e le disse , me pare . . . si non faccio arrore , o sia vero o no , de tenè no scrupolo co tico : rispose subbeto lo secunno , gnorsi , m'avite da restetovì quaranta docate : ma io non me l'allecordero , rispose lo scrupoluso : mo te dongo diece docate , e me benedice lo riesto , si l'aje d'avere : chillo poveriello se l'acchiappaje , e disse , te benedico lo restante de la somma : ma non se levano accossì li scrupole , s'ha da restutovire a nfi a no callo sparo , e qualche cosa de chiù . N' autro scrupoluso

poluso trovaje na vorza de seta co ciento docate dinto, subbeto corrette a confessarese, si se la poteva tenere; lo confessore disse, vattenne a chillo pizzo addò aje asciato la vorza co li denare, e strilla tre bote, ah chi ha perduto na vorza co ciento docate dinto; si truove lo patrone, nce la restetuvisce, non trovano lo patrone, tu tienetella, o fanno caretate; lo scrupoloso jette addò aveva trovato la vorza, e strellanno disse tre bote, ah chi. . . (po sotto voce diceva) avesse perduta na vorza co ciento docate dinto; le gente che stevano là sentenno di sulo ah chi, ah chi, ah chi, nullo lo dette audienza; isso tornaje addò lo Confessore, e disse ca non aveva asciato lo patrone, e lo Confessore le disse: già che non è sciu-to lo patrone, tienetella, ca ne faje qua maretaggio a qua parenta de le toje. Ciert' altre fanno scrupole a le cose de niente, e a li scruppe gruosse nonce penzano, comme facette no craparo, che se jette a confessare, ca mente faceva le recotte 'n tiempo de Quarajesema, casovalmente l'era juto no schizzo de latte 'n vocca, e diceva, Patre mio, sto grà scrupolo me fa tremmà, che no me manna a lo Nfierno: lo Confessore disse nfra l' altre addimmanne, si avesse ma-
gna-

gnato carne de Quarajesima , lo crapa-
ro disse nò , sulo quanno m' è morta
qua pecora , o qua crapa de lo patrone,
me l'aggio magniata sana sana pe no la
jettà , e no nce faccio scrupolo .

CLXXXVII.

Ridere .

A lo ridere pure nce vo la crianza ;
comm' a dicere , non s' hanno da fà le
resate , quanno non ce capeno , ca se
vede ca so resate de repassature , e man-
co s' hanno da fà le resate forte forte ,
che l' addotte chiammano resate aro-
jeche , sardoneche , e nzateche ; che gne-
fechejano na cosa pe n' altra , e man-
co hanno da ridere , quanno uno passa
na disgrazia ; pòcca se sole dicere , chi
se ride de lo male d' altre , lo sujo stà
dereto a la porta : 'n somma voglio dì,
ca ste cose so contr' a la crianza , e
chi l' addopra , non po passà pe galan-
tommo ; e soccese a no nnammorato ,
che mente festeggiava da miezo a le
grada co la nnammorata , le sferraje no
pede da no grado , e cadette pe tutta
la gradiata abbascio a la portella , che
nce steva no caucenaro , e ghiette din-
to a la cauce ; la nnammorata da cop-
pa ,

pa, se schiattava de riso se votaje lo innamorato, tu ride e io sto 'n con-
cia, comme cheste so cose da chiagne-
re e tu ride? no nc'azzecca.

CLXXXVII.

Bosciardo.

Chille, che songo bosciarde, manco
ponno passà pe galantuommene, pechè
l'ommo accrianzato ave da esse vere-
tatiero, e non busciardo, ca chi dice
buscie, oira de lo scrupolo, e stem-
mato da ommo de niente, ca le buscie
l'esceno 'n faccia co lo tiempo, com-
me soccese a no Remmito bosciardo,
che teneva pe capetania la buscia pe
fà truffe, e no juorno de carnevale se
ne jette da seje signure, e se fece pre-
stà n'abbeto pe d'uno da la capo a lo
pede, co di ch'aveva da fà na masca-
rata; avuto ch'appe li vestite, se ne
mettette uno 'n cuollo, e l'autre le
nvalesciale, e se ne fojette a Romma:
siniceiaje cierte signure dinto a no Ca-
fè, e apporaje ch'erano ricche 'n fun-
no, e se nce facette ammico; addom-
mannatole, che perzona era, lo bosciardo
de lo Remito disse, ch'era Cavaliere de
Mataluna (ca de là era lo Remito),
e ch'

e oh' era patrone de tanta Palazze, Casine, e Massarie, e ghieva ncogneto pe Talia: 'n sentì ste cose chille signure, le facettero mille compremiente, e nfra l'autre uno lo mmitaje a la casa soja a magnà, vevere, e dormì, e lo boscardo a chi rialava nò reluorgio, a chi na spata, e a chi n'abbeto c'aveva truffato a Mataluna co le boscie soje: mente steva ospeto 'n casa de sto rechissemmo galantommo, cadette malato, e pe avè buono covierno, volette fà lo Testamento, e se mettette nomm' e cognomme de chillo signore, che teneva st' effiette, che sentarraje, e accommenzaje a dì: Item lasso a lo patrone de sta casa pe l'annore, che m'ave fatto de tenerme 'n casa soja da tre mise, la massaria de ciento moja, che stace a Mataluna co lo palazzo de quatt' appartamente, chiamato la fontana: item lasso a chill' altro ammico la Massaria de settanta moja co lo Casino, che stace pure a Mataluna, chiamato lo Voschetto, e pecchè tanto le robbe, che poco primmo avimmo ditto, partite d'attrennamiento, repuose d'oro e d'argiento, mobbele e altre stabbele, songo acquistate co denare mieje propeje, le lasso a lo figlio de sto patrone de casa, comm' a-

L

re-

rede unevèrzale mio : e fermaje lo testamento co lo nomme e casata de chillo Signore , che teneva addavero ste robbe a Mataluna : 'n capo de poc' altre juorne se la cogliette lo Remito (salute a nuje) e le facettero n' assequia sobblimma , e no Mavosoleo de marmora , e descrezzione ntagliata , e l' atterrajeno a la meglio Chiesa de Romma ; po se cacciajeno la copia de lo testamento , e lo priammolo , e benettero a Mataluna ; jettero spianno addò steva la massaria de la fontana , e de lo Voschetto , e si erano de tale de tale , (lo nomme che s' era fegnuto lo remmito) e lo trovajeno tale quale : appresentajeno le scretture a la corte , e ghiettero a fare lo sequestro , ascìe lo patrone e disse : che bolite da le robbe meje ? risposero , l'ave lassate a nuje lo patrone , e dannole signo e contra signo , scoprettero ca sta mbroglija era stata fatta da lo Remito bosciardo ; e se ne tornarono a Romma co na mano arreto e n' altra anante .

CLXXXVIII.

Sbafante.

Li sbafante manco ponno' passà pe galantuommene ; pocca ogne descürzo , che fanno , contano tanta sbafantarie , e nce songo cierte , ch' esceno da fora de l' addovere , comm' a dicere ; uno camparrà giusto giusto, e le siente di . tengo tanta recchizze , tengo tanto bene , io pozzo , io vaglio pe ciento , magno buono , vevo meglio , a la sbrennetezza mia no nce po arrevà nesciuno ; chi se sbafanteja accossì , non po passà p' accrianzato , pecchè chi lo sente, lo repassa , e le dice , vè che sbafante ! e soccese a uno de chiste, che mente steva a na commertazione de cierte signorelle a posticcio , le cercajeno no renfresco ; sto sbafante chiammaje lo criato sujo, ch' era miezo stoteco , e le disse vè piglia renfresco : rispose lo criato : quante giarre ne bramate ? (ch' era toscano) rispose lo patrone , vinte , trenta , quaranta : reprecaje lo criato , di che sorte le volete ? disse lo patrone , limone , latte , cannella : lo criato disse , bene bene bene : dove comanda che le vado a prendere ? lo patrone disse , va a palazzo, va

a Toletto, va a la Caretà ; lo criato disse, bene bene bene , e corrette a carrera addò lo primmo sorbettaro , e ordenaje a nomme de lo patrone vinte , trenta , e quaranta giarre de latte ; binte , trenta , e quaranta giarre de cannella ; e binte , trenta , e quaranta giarre de limone , e l'abbiaje a la casa addò steva lo patrone , e po jette a Toletto , e a la Caretà , e mannaje lo stisso renfresco ; arrevato lo primmo co dociento settanta giarre de sorbetta , disse lo sbafante , che diavolo ha fatto lo criato , tanta sorbetta , che ne facimmo ? dissero le signorelle , nce sforzammo a magnaren-cello , ch' è briogna a tornarelo : non tanto se cardajeno la sorbetta , venet-tero dociente sittanta altre giarre de sorbetta da Toletto ; lo sbafante disse , tornatello arreto , ch' è sopierchio : le signorelle dissero , si ommo tanto sguazzone , e buò tornà la sorbetta , lo riallammo a l'ammice , e compare : mente facevano sto tò tò venettero dociente settant' altre giarre de sorbetta da la Caretà , se ntese na voce renfresco , chiù sorbetta , disse lo sbafante ? o sfortonato mene , lo criato m'ave arrojenato ! e le disse , tu quanta sorbetta si ghiuto a piglià ? quanto mi avete ordipato venti , trenta , e quaranta giarre

di latte, altrettante di limoni, ed altrettante di cannella; e che prese l'avessi a Palazzo, altrettante a Toledo, ed altrettante alla Carità, ed io vi ho servito a puntino; rispose lo patrone, aje fatto buono, craje m'aggio da vènnere la spata, e lo rilorgio pe pagà la sorbetta.

CLXXXIX.

Essere segreto.

Chille che non songo segrete, manco ponno passà pe galantuommene, perchè uno le diciarrà na cosa segreta, e isso la sprubbecheja, n'altro le diciarrà a n' amico, non saje lo tale? s'ave fatto lo vestito co la credenza, e chillo nce lo dice; e po le dice, lo tale me l'ave ditto, e massema si songo femmene; si n' altra femmena le dice, te dico la tale cosa pe seggillo de confessione, tanno lo dice a tutto lo munno; chi fà ste cose non po passà pe perzona accrianzata: addonca hanno da esse segrete, e fedele ehille, che bonno passp' accrianzate, comme succese a duje eriate: lo primmo fuje mannato da lo patrone a dà na lettera a la nammorata soja; ma perchè steva nchiuso lo palazzo, facette mettere na scala sott' a la fe-

nesta , e lo fece saglire ; tozzolejaje a la
 fenesta , ma 'n vece d' ascì la nnamo-
 rata , ascette lo patre d' essa , vedde sto
 criato co na lettera 'n mano , sfodaraje
 la spata , e disse , o scinne o t' accido :
 jette pe scennere lo criato , lo Patrone
 sujo da vascio , cacciaje la spata , e
 disse , o saglie e pruoje la lettera , o
 t' accido : 'n somma si saglieva , chillo
 de coppa diceva , scinne o t' accido ,
 si scenneva lo patrone le deceva , saglie
 o t' accido ; lo criato se mettette miezo
 a la scala , e disse , io , che faccio sa-
 glio , o scengo ? pe esse sereto aggio da
 esse acciso a forza ! e accossì sortette :
 e accossì l' altro criato , che bedette ca
 lo patrone sujo aveva acciso a chillo , e
 sentennose di tu me si sereto , pocca
 tu sulo aje visto ca io aggio acciso a
 chillo , lo criato rispose , non dobbeta-
 te ca songo sereto , si bè me metteno
 dinto a la Vecaria a la peo cacama-
 gna : e si te danno corda , e fonecella-
 te ? rispose lo criato , e io dico ca non
 saccio niente ; secòtejaje lo patrone , e
 si te danno la veglia , e le chieste nfo-
 cate ? rispose lo criato , e io dico ca
 non ne saccio niente ; de chiù disse lo
 patrone , e si te metteno la neve 'n ca-
 po , e le cannucchie dinto a le deta ?
 rispose lo criato : chiste , e quant' altre
 trom-

trommiente né pouno dà, io sempre so sereto, e dico ca lo patrone non ne sape niente de l' acciso: lo patrone pebedè si propejo era sereto, cacciasse la spata, e disse a lo criato, o di chi ha acciso chillo, o te chiavo sta spata 'n cuorpo? e le mettette la punta 'n pietto, rispose lo criato, lo patrone mio l' ave acciso; lo patrone disse, comme a tanta tormiente, che t'aggio ditto non aje confessato, e ammenacciannote co sta spata, subbetò aje confessato? rispose lo criato: ma chille tormiente so state de chiacciare, e la spata me fa vedè la morte co l' uocchie.

CXC.

Ngrato.

Chille che songo ngrate, manico pouno passà pe galantuommene, anze so li peo de tutte, pecchè vole la crianza, che faje bene a chi te fa bene, e porzì a chi te fa male, e non comme fanno li ngrate, che so state benefecate; po loro se farranno ricche e potente, e non benefecano a chi l'ave benefecate quanno stevano decuotte: chestò ota ch'è no peccato, che quase nesciuno se lo confessa, è defetto porzì, e mala

L A

criati

crianza ; ma mperò a sti qualisse lo Cielo le mortifeca comme sentarraje . Nce steva no criato , che teneva quatto figlie e la mogliere , e se moreva de famme ; n'artesciano steva de casa vicino a isso , e sempe lo refostava , mo le pagava lo pesone de la casa , mo le deva le scarpe , mo vestite , mo denare , e magnà quase ogni ghiuorno ; la sciorie volette , che cadette malato st'artesciano , e se vennette quanto teneva pe la longa malatia ; e se moreva de famme , e lo criato pigliaje a la bon' afficiata no terno de novemilia e ottocientoto docate , e n'ambro de quinnece carrine ; la mogliere le disse , marito mio , già che lo Cielo t'ave provisto , allecordate de sto vicino , che t'ha fatto tanto bene , e mo stace tanto affritto , non l'essere ngrato : rispose lo marito , non le voglio dà manco no callo : reprecaje la mogliera dicenno , quanno tu avive abbesuogno , chillo t'ave ajutato , e tu mo no lo vuò ajutà ; che ngrate-tuten'è chesta? se votaje lo marito ngrato , no le voglio dà na mollica , non fa che more de la famme : a l' urdemo la mogliera disse , tu aje vinte novemilia e ottociento docate , fa' comme n' avisse vinto chill' ambo de quinnece carrine , piglia chillo viglietto e dancillo , ca se

refresca lo poveriello : jette lo marito e pigliaje lo veglietto de l'ambo de li quinnece carrine, e disse a la mogliera, chist' è lo veglietto, che bolive dà a lo vicino, me ne voglio allummà la pipa, e non lo voglio dà a chi m'ave benefecato, e allommaje lo viglietto a la cannela, e s' allummaje la pipa: quando jette a pigliarese lo terno de li novemilia e ottociento, lo viglietto era de l'ambo de quinnece carrine, e aveva arzo lo viglietto de lo terno de novemilia e ottociento docate, che le venette na simpeca, 'n sarvamiento nuosto.

CXCL

Non farese lo fatto sujo.

Chille che non se fanno li fatte loro, manco ponno passà pe galantuommene, e non sanno lo ditto, ca chi non se fa lo fatto sujo, co la lanterna va trovanno guaje (comme sentarraje); pocca sti tale mo fanno na cosa, che non è leceta a uno, e mo a n' altro; mo se pigliano li penziere de lo tierzo, e mo de lo quarto; mo apprettano a chisto, e mo a chillo; ches' è contr' a la crianza; e uno de chiste, vedette na femmena, che teneva la gonnella chie-

na de lota , e disse vù chesta quanta zazzara che tene ? rispose la femmena , chi zazzara non tene , n'è femmena da bene ; e st' ommo stisso se ne jeva pe dinto a le taverne , e casine , addò vedeva ca volleva quacche cavodara co li maccarune , isso cacciaa na carrafella d'argiento vivo da dinto a la sacca , e annascuso lo menava dinto a la cavodara , che faceva avozare tanto vullo , che ghievano tutte li maccarune e l'acqua cauda pe l'aria (pocca l'argiento vivo ave chest' affecacia) , e isso se schiattava de riso ; na sera fuje scoperto l'agguajeto , e le dettero tanta mazzate , e le rompettero la fiasca ; e accossì po se facette lo fatto sujo .

CXCII.

Dijunare .

A lo dijunare pure nce vò la crianza , comm' a dicere , chi dijuna non ha da fà sulo l' astenenzia de lo magniare , ma non ave da fà nullo peccato venejale chella jornata , azzò che bacia azzietto lo dijuno , e non ha dà parlà sparo e spuorco , e la sera ave da magnià la metà de lo soletto ; e non ha da fà come fece uno , che le fuje dato pe pene-

ten-

tenzia , ch'avesse magniato ott' onze la sera de chello , che boleva isso de scammaro , e isso se pesaje ott' onze de pane , ott' onza de pesce , ott' onze d' avolive , ott' onze de tonnina , ott' onze de passe , ott' onze de mosciomavo , ott' onze de verdumma , e se magniaje ogni cosa ; quanno tornaje addò lo Confessore , disse : Patre aggio fatto la penitenzia , aggio magniato ott' onza d' ogni cosa , e se credette , ca ngannava lo Confessore : n' altro fravecatore , avette la stessa penitenzia , ch'avesse magniato ott' onze de pane , e isso pigliaje lo passetto , che mesurano le fraveche , e mesuraje quanta palate de pane erano uncopp' a l' altre l' ott' onze , che fujene seje palate de pane , e se le magniaje tutte quante , e po se confessaje , che s' aveva magnato ott' onze de pane .

CXCM.

Conzegliare .

A lo conzegliare pure nce vo la crianza ; pocca cierte tale vonno passà pe galantuommene , e danno li conziglie stuorte ; chest' è contr' a la crianza , pocca co mettere prete de ponta , fanno

soccedere l'appicceche , comme socce-
 se a no Patre , che teneva tre figlie
 mmaretate , e tutte tre li jiennere sem-
 pe lo malettrattavano , che no juorno lo
 Patre disse a le figlie , orzù chi de vu-
 je tre fa no meglio corrivo a lo marito,
 io le donco st' aniello de Diamante, che
 ba dociento fierre : la primma , ch'era
 grossa prena , se dette l' addata co la
 Vammana , e le fece nzegnà na casa de
 cierte meletarie pe la casa soja , aspet-
 taje na notte , che chioveva a langella ,
 a meza notte scetaje lo marito fegnen-
 no d' avere le doglie ; lo marito s'allom-
 maje la ntorcìa pe ghi a chiammà la
 Vammana a carrera , pocca era lo primi-
 mo figlio ; ma asciuto da la portella ,
 lo viento nce l' astofaje , isso a la scu-
 ra jette a tozzoliare chella porta , che
 l' aveva mparato là Vammana , e pecchè
 era de meza notte ascettero quatto Me-
 letare credennolo mariuolo , e lo sfiasca-
 jeno buono ; tornaje addò la mogliera e
 disse , so stato sciaccato , e manco la
 Vammana aggio portato ; la mogliera ri-
 spose , non è niente , marito mio , ch' è
 stato trasetura de mese : la seconna s'ab-
 boccaje co no monaco zoccolante paren-
 re sujo , e mente magniava na sera la
 mogliera , mettette l' adduobbio dinto a
 lo vino , e scappato subbeto a suonno ,
 lesto

Iesto duje zasse de lo Commento, se lo
 schiaffajeno ncuollo, e lo portajeno din-
 to a na Cella de no Monaco chiamma-
 to Patre Francisco, lo spogliajeno de li
 panne suoje, e lo vestettero Monaco,
 e le fecero porzi la chiereca; a meza
 notte lo chiammajeno pe ghire a lo Co-
 ro, isso se scetaje, e disse, io non son-
 go monaco, songo nzorato: li Muonace
 dicevano Patre Franci, levà la pazzia,
 jammo a lo Coro? e isso risponneva,
 io songo nzorato, e non songo monaco,
 pe l'arma de patrèmo: 'n chesto tutte
 li muonace se mettettero a strellare è
 pazzo, è pazzo, è pazzo, e tutto lo juor-
 no appriesso lo trattarono da pazzo; ve-
 nuto la sera lo parente de la mogliera
 le dette l'altro adduobbio, e addor-
 mennose, lo facette portare 'n suonno
 dinto a lo lietto sujo, e scetannese con-
 taje a la mogliera quanto l'era soccies-
 so, ca se l'aveva sonnato: la terza se
 conzegliaje co no zio sujo Cappuccino,
 lo quale facette porzi addobbejare lo ma-
 rito, e lo facette portare abbascio a la
 terra-santa, lo spogliaje a la nuda, e
 lo metteste dinto a no tavuto co la
 vammace vergene 'n vocca, e attuorno
 attuorno de la terra santa nce metteste
 diece vastase a l'annuda, comme fosse-
 ro muorte; padejato l'adduobbejo l'am-
 mico

mico Cesare, li vastase secunno lo latino ayuto a uno a uno jettero, e le facettero na spropositata arreverenzia, e isso nfra isso diceva, sarraggio muorto, e non me ne songo addonato; pocca songo co li muorte, e dintò a la tavuto: 'n chesto li vastase cacciajèno na vedanna pe d' uno dicenno d' avefele avuto ndefrisco da li pariente loro, e isso diceva, e chella cana de mogliere, vi si m'ave mannato niente? m'ave da fà co mico: li vastase lo mmetajèno a magniare co loro, e l' addobbejajèno lo vino, e scappato a suonno, lo vestettero, e lo portajèno a la casa soja, e scetannose disse a la mogliera tanta male parole, ca tutte li muorte avevano avuto lo magniare da li pariente, e essa non l'aveva mannato niente: la mogliere disse, è uoglio, è uoglio, stajè mbriaco, e lo marito la stravesaje bona: 'n chesto corrette lo Screvano, e pe s' accordà, e pe li medecamiente, se ne jette l'aniello, e no l'ayette ne sciuna de le figlie.

EXCIV.

Manisco.

Chille, che songo manische, manco ponno passà pe galantuommene; pocca pe na cosa de niente, subbeto jocano le mano, e a chi danno schiaffe, e a chi punia; l'ommo d'annore non fa ste cose, ma usa ummertate, coriegge, e se dice lo fatto sujo, pechè chi tenne le mano longhe, e batte mo chisto, e mo chillo, po trova chi vatte a isso; comme soccese a no manisco, che ogni sera non sulo non portava a magniare a la mogliera, ma la vatteva bona: cierte vicine che stevano a port'a porta, ed erano bezzocche, dissero a la moglie-re, sta sera quanno te vatte mariteto, tu chiamma Santa Francesca, Santa Rosa, e Santa Teresa, che t'ajutassero: 'n fatto la sera venne lo marito, e mente la vatteva, la moglie-re strellanno disse: ajutame Santa Francesca, Santa Rosa, e Santa Teresa, trasette na bezzoca vestuta Francescana, e co no cordone le facette na bona mazziata, n'anta bezzoca vestuta Dommenecana, e le facette lo riesto, l'atra vestuta Tere-siana, le dette la refosa, e la moglie-

re disse: marito mio, aje visto lo meracelo? no me vatterè chiù, si non so guaje pe te: lo marito rispose, moglie mia, mo non te vatto chiù, e te rengrazio, ch' aje chiamato S. Francesca, S. Rosa, e S. Teresa; pocca si chiamave S. Urzola, veneva co l' unnecomilia Vergene, e co na mazzata pe d'uno no me rommanevano nesciuno uosso sano; moglie mia te rengrazio, e no la vattette chiù.

CXCIV.

Ire a la scola.

A lo ghire a la scola pure nce vo la erianza; pocca cierte scolarielle 'n vece de ire a la scola, vanno da cà, e da là, se magnano la marenna pe la via, e po vonno la marenna de l' altre, non se studiano la lezione, e po se la fanno nfrucecare, accossì po esceno sciucche co tutto, ca li povere Patre pagano le mesate senza profitto (ma peo è lo loro), pocca quando stanno a la scola appricano a le pazzie, e no a lo studio, comme soccese a cierte scolaremente, che lo Masto ascette da la scola, e ghiette pe servizio: li scolare 'n vece de studiare, comm' aveva ordena-

to lo Masto , pigliajeno tutte li scanne ,
 tavole e seggie , che nce stevano a la
 scola , e le mettettero una ncopp' a l'
 altra , po pigliajeno tutte le marenne ,
 e l' appararano a muodo de Coccagna ,
 e serraeno la porta ; e mente stevano
 p' assacchejare , e fare chi piglia piglia ,
 comm' avevano appontato , no scolaro
 che era juto a licetta , tozzoliaje la por-
 ta , li scolare risposero chi è ? lo sco-
 lare da fore pe le fa torcere , facette la
 voce propejo de lo Masto , e disse , ra-
 prite : muorte li scolare , dissero , mo s'ì
 Masto , ca non trovammo la chiave :
 'u chesto lo scolaro de fora scappaje a
 ridere , e li scolare de dinto , secotaje-
 no a pazzià : a lo stisso tiempo venne
 propejo lo Masto , e disse , raprite : li
 scolare credennose , ch' era lo scolaro
 de primmo , dissero tozza , tozza ; lo
 Masto chiù diceva raprite , e li scolare
 da dinto dicevano schiatta , schiatta ,
 schiatta : lo Masto diceva ca io ve vat-
 to , e loro dicevano crepa , crepa ; lo
 Masto diceva , ca io ve faccio ire a ca-
 vallo , e loro risponnevano , muore de
 subbeto , muore de subbeto : ntanto , che
 lo Masto scassaje la porta , le facette na
 bona mazzeata , nne le mannae , e no
 le imparaie la vertute .

CXCVI.

Pettemuso.

Li pettemuse manco ponno passà pe galantuommene, pocca 'n tutte l'azzione loro fanno le pitteme; comm' a dicere, si cercano no piacere a uno, songo fitte fitte, si se fanno no vestito, maje se contentano, e si accattano, o vennenno, fanno sempe lo stisso; e ch'esto è contra a la crianza, e se fanno coffiare appriesso; comme soccese a uno de sti pettemuse, che ghiette accattare no poco de carne de vitella, e disse a lo chianchiero, tiene no luogo de vitella Buono? lo chianchiero rispose, tengo sta fella de pietto. ch'è na maraveglia; disse lo pettemuso, nò, voglio no luogo meglio; lo chianchiero le mostaje na colarda, e isso disse, nò; voglio no luogo meglio: lo chianchiero le mostaje costate, felettto e altro, e lo pettemuso sempe diceva, nò, voglio no luogo meglio: 'n ch'esto votajeno li cancare a lo chianchiero, e tenenno lo luogo commune dere to a la porta, le disse, viene trase, ca tengo no bello luogo stepato cà dintto; e trasuto, che fuje lo pettemuso, le mostaje la prevasa, e le dicette: piglia-

gliate sto luogo , ca meglio de chisto
no lo può trovare .

CXCVII.

Schirchiuso .

Chi fegne d' essere schirchio manco
po passà p' accrianzato; pocca nn' ogne
piccola cosa subbeto schierchia , e fa
cose cònt'r a lo dovere , e se fanno
cretecare : chille po , che songo vera-
mente schirchie zoè mieze pazze , abbe-
sogna che se compiatescano nzò che fan-
no , pocca no poco stanno co lo cere-
viello a siesto , e no poco sbarejano ,
comme sentarraje de sti duje fattecielle
coriuse , che pe non attediarere, non ne
conto no fascio . No schirchio men-
te tetava no cato d' acqua a l' Inco-
rabele , ch' era quase no varrile , n'
ommo le disse , fratiè , damme a beve-
re ; rispose lo schirchio (ca steva 'n
se) si lo patrone : dapò vevuto chill'
ommo , schirchiaje lo schirchio , e l' af-
ferraje pe pietto , e disse , aje vevuto
pe gusto tujo , aje da vedere pe gusto
mio mò , si no te mengo dinto a lo puz-
zo : chillo rispose , mo torno a bere ,
e mente veveva , lo schirchio , co na
mano lo teneva , e co n' altra le deva
pu-

punia dinto a lo scianco, e diceva: non serve, che bive chiano chiano, ca tutto lo cato t'aje da vevere, si no te mengo dinto a lo puzzo: lo pover'ommo rispose, e io tutto me lo bevo, e fignenno de vevere, lo faceva cadere tutto 'n terra: lo schirchio vedde ca faceva cadere l'acqua 'n terra, e chiù lo ncotognava co le punia sott'a lo scianco, e le deceva, vattennolo, comme io l'aggio terato da vascio a lo puzzo, e tu lo mmine 'n terra? tutto te l'aje da vevere, si no te mengo dinto a lo puzzo: 'n chesto appe l'aviso lo Masto de li schirchie, e corrette co na mazza 'n mano p'acconciarele le cerevella: lo schirchio ninche lo vedde, disse a chill'lo che bevèva, fratiè, aggio penzato meglio, si no buò vevere chiù, e tu vattenne: 'n senti chesto chill'ommo, te puoja mmacenare, che carrera, che facette. E n'altro pe repassare a no schirchio, le disse, te dongo no grano, e damme na conzurda; lo schirchio disse sì; e dapò pigliatese lo grano cacciaje no capo de spago, e le disse, quant'è luongo sto spavo statte da rasso a carrette, carrozze, e galesse, azzò, che non t'arrotano; nc'appe sfizio l'ammi-co, e disse, chist'è n'altro grano, e dinme n'otra cosa; lo schirchio cacciaje n'au-

n'altro spago , é disse , quant'è luongo
sto spago , passa da rasso pe dò se fra-
veca ; jette lo primmo e cacciaje n' altro
grano , e le disse , dimme n' altra co-
sa ; lo schirchio se lo pigliaje , e se ne
jeva ; l'ammico disse , e no mme dice
la terza cosa ; e lo schirchio le chiavaje
no sollennissemmo schiaffo , e le disse ,
co pazze no parlà ,

CXCVIII.

Controcambejo .

Chille che non fanno li controcam-
beje manco ponno passà p' accrianzate ,
comm' a dicere , uno le farrà na bon'
azione , e loro non nce la corrisponne-
no , anze si accorre , le fanno no dan-
no ; n' altro le farrà no compremiento ,
e loro le fanno no despietto ; chisto è
contra a la crianza , e fanno buono po
si se rescattano la ngiuria , comme sen-
teraje de no Monaco , che sempe riala-
va a n' altro Monaco ; chisto ch' era
rialato , 'n vece de ringraziarelo , pe
contracambejo lo repassava fitto fitto :
na sera 'n fra l' altre l' appontaje na
si-loca da dereto a l' abbeto , e le fece
avè la cucca : non potenno sopportarelo
chiù lo primmo , a capo di cierte juor-
ne

ne se fegnette pelagruso, e cammenava zuoppo, appojato a na mazza; lo Monaco, che l'aveva puosto la si-locà, disse, Patre, che te so scese le pelagre? sì, rispose lo finto pelagruso; e chello ch'è lo peo, ca m'aveva da ire a pigliare diece libbre de ceccolata da lo tale Monaco, a la tale Chiesa, pe ciente piacere, che l'aggio fatto, e mo le perdaraggio, ca non pozzo cammenare; rispose l'autro Monaco vuò che nce vago io? mo nce vò, t'aggio tant' obbregazione, e non t'aggio fatto nesciuno contracambejo: (credennose d' avere meza la cecolata) lo finto pelagruso le dette na lettera, e l'abbiaje: arrevato che fuje, trovaje lo monaco, e le dette la lettera, lo quale mente la leggeva lo temeva mente fitto finto dint' a l'uocchie, pocca sto Monaco ch'appe la lettera, era scongiuratore, e la lettera diceva, Patre, te preo, pe quanto simm' amice, de fare no buono precetto a sto Patre, che porta la lettera, pocca è affatturato; e quanno lo scongiurate, facitele na bona mazziata: doppo ch'appe leggiuto, se lo portaje dinto a la Sacrestia, e mettutase la stola 'n cuollo, e pigliata la spergia, disse a lo Monaco ch'aveva portato la lettera, addenocchiate: e pecchè m'aggio adde-

noc-

nocchià? rispose lo primmo; peccchè t'aggio da scongiurà, brutta bestia (credennose che parlava lo spireto 'n cuorpo): che sì pazzo? rispose lo primmo: e lo scongiuratore; bestia, accossì se risponne a me? mo t'acconcio io: chiammaje li vastase de la Chiesa, e fecelo tenere, le facette na sollemnissima schiaffejata, precettanno, che li spirete se ne fossero scise a le deta de li piede: 'n somma, che lo primmo Monaco pe n'abbuscare chiù, disse, obbedimmo Patre, mo nce ne scennimmo a le deta de li piede; e accossì se ne tornaje n' altra vota a lo Comento sujo,

CXCIX.

Avantarese.

Chille che s' avantano loro stisse, manco ponno passà pe galantuommene; pocca 'n tutte l'azzione, non t'aje d'avantare, ma t'aje da fare avantà da l' altre; e no aje da dire io pozzo, io saccio, io dico, io tengo cose meglio, ca chi te sente, te repassa; comme sortette a ciente frustiere, che fujeno portate a bedere ciente reliquie dinto a no Monasterio a Napole, e nzo che le

mo-

mostavano , loro s' avantavano , ca tenevano lo duppio a la Cetate loro , com' a di , si mostavano na mano de no Santo , loro s' avantavano ca tenevano na mano e no vraccio de lo stisso Santo ; si cacciavano no pede de n' autro Santo , loro dicevano , ca tenevano no pede , e na coscia ; e quanta ne potettero mostare , li frostiere s' avantavano ca tenevano lo duppio ; ma comme le cogliette notte , appontajeno pe lo juorno appriesso pe bedè l' altre relliquie : lo Priore se desperava , ca li frostiere sempe s' avantavano , ca tenevano a duppio le relliquie , e disse a no pecuozzo , vè si me può rescattà tu la ngiuria , co farele na repassatura : la matina lo pecuozzo , s' attaccaje no core de vitella , e lo fece ardere ncopp' a lo fuoco , e lo facette addeventare niro niro , e pò lo mettette dinto a no scaravattolillo de cristallo , chino de vammace vergene ; venuto lo frustiere , lo Priore sequetaje a mostarele le relliquie , e loro sempe dicevano a la Cetate nosta-tenimmo lo duppio ; 'n fine lo pecuozzo disse , orzù , chesta relliquia vuje non la tenite ; chisto è lo core d' Adammo : risposero li frustiere , e nuje pure tenimmo lo core , e tenimmo rispose lo pecuozzo vuje no lo potete tenere

nere , pocc' Adammo teneva uno core ; tenarrate lo culo , e no lo core , e nne le mannajene co no parmo de naso .

CC.

Acalatore de sacca .

L' acalature de sacca, azzoè mariuole, se sape ca non ponn' essere galantuom-mene ; pocca no poverommo , mo se mette no moccaturu, e tabbacchera dinto a la sacca , e mo se la pizzecano ; e lo defietto chiù gruosso è , ch' arrobbano dinto à le Chiesie (ma lo Cielo le dia lumme) , e sortette a uno , che tre sere arringa a uno stisso pizzo le furono arrobate tre moccatora ; la quarta sera p' acchiappà lo mariuolo, se cosette lo moccaturu dinto a la sacca , azzò che terannolo se nn' addonasse , e pure se lo trovaje arrobbato , ca lo tagliaje lo latro, co 'la fruoffece sorda ; ma no mariuolo de sacca, ch'avev' arrobbato quatto moccatore , e nfra l' altre uno era de n' Afficiale meletare , che baleva chiù de no sebbèto : nò miembro de justizia , zoè no sbirro , chiammaje st' acalatore de sacca , e le disse, o damme le quatto moccatore , ch' aje arrobate ,

M

o te

o te faccio ire presone ; l' acalatore re-
 spose , facimmo doje pe d'uno , reprecaje
 lo primmo , o tutte quatto , o presone ,
 'n somma lo mariuolo pe no ghi preso-
 ne, le dette le quatto moccatora, e mente
 se ne jeva affrontaje, l'Afficiale meletare
 a chi aveva arrobbato lo moccaturu , e
 le dicette , Segnò , a buje v' è stato ar-
 robbato lo moccaturu de tale colore ,
 rispose lo meletare gnorsì ; lo mariuolo
 disse , chillo miembro de justizia , che
 stace llà ve l'ave arrobbato , e lo tene
 dinto a la sacca co tre o quatt' altre
 moccatore pure arrobbate : lo Meletare
 s' accostaje addò lo sbirro , e disse, cac-
 cia lo moccaturu, mariuolo , assassinio ;
 lo sbirro disse , qua moccaturu , ' avite
 fatto arrove : lo Meletare lo maniaje ,
 se pigliaje tutte le moccatora , e doppo
 fattole na bona mazziata , lo facette ire
 carcerato appriesso .

CCI.

Mariuolo de professione .

Li mariuole de professione non ser-
 ve a ddì ca non ponno essere galan-
 tuommene, ra già se sape; ma pe te con-
 ta no fatteciello , l'aggio soritto pe en-
 ghietura de cuorpo , e pe te fa vedere
 a nfi'

a nfi addò arriva la malizia de sti frabutte , che si apprezzassero a l' arte sariano tanta cape d'opera. Cossì a Romma mente duje Signore se desfedavano , si stevano chiù mariuole fine a Napole , o a Romma , e facettero na scommessa de mille scute a chi faceva no meglio arruobbo ; no Signore se chiammaje no mariuolo Rommano , e l' altro Signore no mariuolo Napoletano : lo Napoletano se facette mostare chi era lo mariuolo Rommano , po disse a lo Signore sujo , dateme treciento docate, ca vedarrite na bella cosa ; lo Signore nce le dette : se ne jette addò no tavernaro stramano , e le dette vinte docate , e le disse tavernà, voglio fà na pazzia co no cammarata mio , tu già tiene vinte docate 'n mano , io doppo ch'aggio magniato co l'ammico , te chiammo a fà lo cunto, e doppo fattolo, io dico sto cappiello mio te paga , nni che sientè annommenà cappiello , e tu di, è pagato, non boglio denare , si vuò chiù denare , si lo patrone ; e si te cerco dece o dudece altre docate, e tu me le muolle ; e accossì facette co no scarparo , no cazettaro, no moccatoraro , e altre ; po facette la veletta addò se la faceva lo mariuolo de Romma , e co no stratagemma se

nce facette ammico , co di ch' era no benestante frostiero ; no juorno se metette no cappelluccio verde 'n capo, chino de fettuccie de chiù colure , e da dintò tanta cartelle azzeccate co lettere cefrate: lo mariuolo de Romma disse, sto cappiello comm' è accossì ? rispose lo mariuolo de Napole, sto cappiello m' ave fatto fà 'ommo de chiù de ciento-milia docate, pocca è affatato: e comme ? rispose lo Rommano: lo Napoletano disse, viene co mmico ca lo bide, e lo portaje a magnà a chella taverna , addò aveva lassato li vinte docate; dop-do magnato, venette lo tavernaro a fà lo cunto, lo mariuolo Napolitano disse, sto cappiello mio paga , e lo tavernaro rispose, è pagato no boglio denare, anze si volite chiù denare, site lo patronne: lo Napoletano disse, damme diece altre docate, e lo tavernaro subbetto nce le dette: e accossì facette co tutte l'altre, a li quale aveva autecepato li denare: lo mariuolo Rommano, disse nfra se, sto cappiello sarria buono pe m' arrecchi: ma quanto potette fare pe nce l'arrobare non le potette rescire, ca lo Napoletano era chiù latro de isso: 'n somma disse lo Rommano, ammico, tu staje tanto ricco, vinneme sto cappiello; lo Napoletano rispose, io te lo venno

pe

pe mille scute, ca tanto nce vo pe m' affatare l' altro cappiello; lo Romano corrette da lo Signore sujo, e dapò contato tutte le bertù de lo cappiello affatato, se facette dare li mille scute, e le portaje addò l' ammico, nce le dette, e se pigliaje lo cappiello: lo Napoletano zompaje da lo Signore sujo, le contaje la posta fatta, e se ne fujette a Napole: lo Signore de lo latro Romano contaje a lo Signore de la scommessa ca lo mariuolo sujo aveva fatto na posta a no' frostiero, pe mille scute s' aveva pigliato no cappiello affatato, che magniava, veveva, aveva robbe, e decenno, *il cappello paga*, aveva denare appriesso, e non pagava; rispose l' altro Signore, io no lo credo: (fegnenno de non sapè lo fatto) rispose lo primmo te lo faccio a bedere, chiammajè lo latro Romano, e le disse, fance a bedere la virtù de sto cappiello, va magnia a sta taverna rimpetto a nuje, e dapò magniato fatte dà denare appriesso, ca nuje stramme a bedere da fora a lo barcone: accossì facette lo latro; e da pò magniato, disse, sor oste, fate il conto; lo tavernaro disse, tanto de pane, tanto de vino, tanto de chesto, e tanto de chell' altro; lo latro rispose, chisto cappiello paga:

rispose lo tavernaro , che cappiello , io voglio li denare ; e isso reprecava , chisto cappiello paga ; e lo tavernaro rispose , sto cappiello dallo a lo saponaro , le levaje la sciammeria da cuollo , e ne lo càcciaje : lo Signore de lo latro Napoletano disse , sacciate , ca lo mariuolo mio l'ave fatto la posta co lo cappiello : onne non sulo c'ha perduto li mille scute de lo cappiello , ma ha perduto la scommessa porzi .

CCII.

Galantommo

Chille che bonn' essere galantuommene , hanno d' assarvare quanto leggiuto avite 'n chisto libro , e si ne lassano spezzuottolo , vann' a mare co tutte li panne , zzoè non sarranno galantuommene , e secunno me , poche , o nesciuno nce ne starranno , accettovate na cierta nazione , che mo sentarite , che songo li chiù galantuommene de lo juorne d' oje . A na Cetate , che nc'erano sette porte , 'n tiempo de guerra mettettero na sentinella pe ogni porta : lo Vecerrè pe stare chiù sicuro , mannaje n' ordine a li capo-diece , che avessero puosto no galantommo nziem-
me

me co lo sordato p'ogne porta , pe
 stare chiù cavotelato ; quanno jette lo
 Vecerrè a bedere pe le porte , nce tro-
 vaje la sentenella , e no sbirro : facette
 chiammare li Capodiece , e le dicette ,
 comme ? io aggio ordenato , ch'avisse-
 vo puosto no galantommo , aunito co
 la sentenella p'ogne porta , e buje nce
 avite puosto no sbirro ? me ne darrite
 cunto : resposero li Capodiece , Accel-
 lenzia , no ve ngrefate , ca a lo juorno
 d'oje chiste songo li chiù gran galan-
 tuommene de lo Munno .

SCOMPETURA .

I N N E C E .

A

<i>Aballare.</i>	<i>pag. 124</i>
<i>Acalatore de sacca.</i>	<i>265</i>
<i>Accattare.</i>	<i>139</i>
<i>Accompagnare.</i>	<i>151</i>
<i>Addimmannare.</i>	<i>53</i>
<i>Affattorato.</i>	<i>230</i>
<i>Agguantatore.</i>	<i>209</i>
<i>Ammecizia.</i>	<i>78</i>
<i>Ammenacciare.</i>	<i>113</i>
<i>Appassionatore.</i>	<i>190</i>
<i>Appetetuso.</i>	<i>201</i>
<i>Apprenzionuso.</i>	<i>228</i>
<i>Apprettatore.</i>	<i>158</i>
<i>Apprezzare.</i>	<i>219</i>
<i>Appuratore.</i>	<i>226</i>
<i>Aquivoco.</i>	<i>100</i>
<i>Ascenno da la casa.</i>	<i>17</i>
<i>Astuziuse.</i>	<i>114</i>
<i>Avantarése.</i>	<i>263</i>
<i>Avarizia.</i>	<i>64</i>
<i>Avè riale.</i>	<i>34</i>
<i>Avè visete.</i>	<i>27</i>
B	
<i>Bazzariote.</i>	<i>208</i>
<i>Bosciardo.</i>	<i>240</i>
	<i>Brot-</i>

Brottunt.

173

155

C

Caccejare.

82

Cammenare 'n convertazejone.

48

Cantare.

173

Cannaruto.

109

Capopuopolo.

206

Chiacchiarejare.

25

Chiajetante.

215

Cocenare.

167

Coffejare.

37

Commo saje, r' è fatto.

52

Comme se sta 'n Congregazejone.

16

Commannare.

88

Componere.

128

Controcambejo.

161

Conzegliare.

251

Correjere.

99

Correvuso.

156

D

Dammaggio.

95

Dare lo Ddonno.

38

Dare titolo.

39

Dare tabbacco.

47

Demmentecatore.

198

Descreddeare.

116

Desfedare.

163

Despettuso.

191

Desperare.

213

Dessobbedire.

103

Dessutele.

216

M

y

De-

Devertemiento .

Dijunare .

Dormì 'n casa frostera .

Dotare .146

250

43

175

E

Esse remproverato .

Essere segreto .

Essere curejuso .

Essere prena .

35

245

97

90

F

Facce-tuosto .

Fare despiette .

Fare F abbaje .

Fastidejuso .

Fattocchiaro .

Fermà scretturè .

Foriuso .

Forzare .

Fratuso .

Fravodare .

115

40

182

107

137

42

130

121

185

50

G

Gabbalista .

Galantommo .

Genejuso .

Grazejuso .

219

270101

106

I

Iastemmatore .

Jenno 'n cartozza, o 'n galesta .

Jocare .

Jodecare .

Ire a la scola .

170

17

30

234

256

Ire

Ire 'n Processejone.	275
Ire a spasso.	49
Ire a la Taverna.	46
Irese mmeranno la carne pe' la via.	47
Jurare.	41
	96

L

Lamentuse.	137
Lecenzejare amice da la casa.	50
Leggere chello che sta leggenno n'altro.	42
Lemmosena.	111
Lenguto.	169
Letecare.	86
Levd' sporchizeje.	32

M

Maleziuso.	179
Mangiare a casa frostera.	20
Manisco.	255
Marite, e Mogliere.	70
Mariuolo de professione.	266
Mascarare.	147
Matremmuonie.	59
Mbriacarese.	72
Mbrogliare.	148
Medecare.	84
Mettere mano a fatiche.	42
Mmestere.	126
Mormorare.	83
Mottejare.	74
Mprecare.	61
Mprontista.	150
Museca.	77

Ncocciare.	112
Ncombenzare.	129
Nchiovature.	135
Nchiummatore.	161
Ngannare.	80
Ngrato.	247
Ngratitudine.	54
Nguriare.	180
Non attennere la promessa.	231
Non farese lo fatto sujo.	249
Nvitare.	21
Nzorare a forza.	60

Ostenato.	152
-----------	-----

Paragonare.	95
Pattiare.	136
Pavoruso.	136
Pazzo.	177
Pazzie no lezete.	50
Pazzie ch' affenneno.	52
Pedetaro.	184
Pegnere.	200
Pellegrenare.	124
Pescare.	83
Pettemuso.	258
Pigliare vagne.	46
Pigliare tabbacco.	47
Piglià li penziere d' autre.	203
Portà lo magniare. 'p. mano.	41
	Pa-

<i>Postajuole.</i>	277
<i>Potrone.</i>	117
<i>Povetare.</i>	145
<i>Prenostecare.</i>	149
<i>Promettere.</i>	110
	91

R

<i>Renfacciare.</i>	92
<i>Rengrazzare a tutte.</i>	36
<i>Repassatore.</i>	221
<i>Repassare.</i>	67
<i>Reprecare.</i>	143
<i>Rescattà la ngiuria.</i>	68
<i>Responnere.</i>	95
<i>Restetoire male pe bene.</i>	194
<i>Rialare.</i>	195
<i>Ridore.</i>	239

S

<i>Salutà l' ammicce.</i>	28
<i>Sapere li fatte d' autre.</i>	205
<i>Sbafante.</i>	243
<i>Sbregognarese.</i>	105
<i>Schefuso.</i>	154
<i>Schirchiuso.</i>	259
<i>Scialacquante.</i>	225
<i>Scommeglià defietti.</i>	40
<i>Scopretore.</i>	120
<i>Scostommatezza.</i>	73
<i>Scropoluse.</i>	237
<i>Scusarese.</i>	98
<i>Se si dommannato de lo rialo.</i>	34
<i>Segretista.</i>	164
	<u>Senti.</u>

<i>Seni predeche.</i>	15
<i>Seni Commedie.</i>	45
<i>Servire.</i>	145
<i>Sfelenza.</i>	134
<i>Sfrattare.</i>	183
<i>Smenovire.</i>	79
<i>Socjetate.</i>	94
<i>Sonare.</i>	171
<i>Sonanno l' Avemmaria.</i>	15
<i>Sonnare.</i>	87
<i>Spacconjare.</i>	74
<i>Spartire.</i>	23
<i>Speranzuso.</i>	223
<i>Spione.</i>	192
<i>Spuorco.</i>	153
<i>Stare n fenesta.</i>	33
<i>Stare a lo Case.</i>	44
<i>Stanno 'n convertazjone.</i>	19
<i>Surdo.</i>	159


T

<i>Tavolaggiero.</i>	215
<i>Tracchieggiare.</i>	119
<i>Trasire dinto a la Ghiesia.</i>	13
<i>Trasire 'n casa frostera.</i>	26
<i>Tresoriste.</i>	133
<i>Truffare.</i>	65

V

<i>Vana-grolejuso.</i>	123
<i>Vantarese.</i>	76
<i>Varchejare.</i>	176
<i>Varva.</i>	141
	Vel.

<i>Velleggiatura .</i>	279
<i>Vennere .</i>	<u>63</u>
<i>Vesetà Saciarduote .</i>	127
<i>Vesetà Figliate .</i>	<u>28</u>
<i>Vesetà Zite .</i>	29
<i>Vesetà Muorte .</i>	30
<i>Vevere .</i>	68
<i>Vorzajuole .</i>	166
<i>Vraccialiere .</i>	<u>162</u>
	89
	L
<i>Zeremoniuso .</i>	<u>196</u>



A L O S F

D. LUIGIO SERIO

C A P I T O L O

DE COLA VOTTIERO.

DOn Luì, famme tu mo lo decreto,
 Dimme s'io sò Poeta, o so marmotta,
 Azzò che o secotejo, o m'accojeto.
 Pocca già saje de' Zoili la frotta,
 Diceno, ca Poeta io non songo,
 E chi mme fa vernacchie, e chi mme ngotta.
 Sà perchè a sti qualisse no respongo,
 Ca Poiete non sò, ma sò gentaglie,
 E pe chesto io m'ammuccio, e zitto stongo.
 Ma pe levarme 'n fine da sti ncaglie,
 Vengo a piede de re Jureconsunto,
 Azzò, che tu m'asammere, e scanaglie.
 E fa ch'affierve buono 'n ogni punto,
 Si songo, o pure no, Poeta io,
 Già ch'ognuno de te ne fa gran cunto.
 Ma primma e judecà, lo stato mio.
 Te voglio fa sentì, ma senza zeze,
 E te lo ghiuro pe la Musa Clio.
 Nfra Marino, e Palomma nato 'n mieze
 Songo, e ghiusto a là chiazza de o Pennino,
 Ddò lo Sgruttennio la Tiorba aveze.
 Jette a là scola po, e no malantrino,
 Figlio de na frabotta, cana perra,
 Mme porta, e to me ntienne, e lo casino.
Mme

Mme nnammoraje de na piscia-nterra ,
 E disse , scola addio ; e mme mise all'arte ,
 Pocca a la capo mio nc' era na guerra .
 Ma che arte , e arte , si ncoppa a le carte
 'N vece de disegnà , cadiente vierze .
 Faceva , co zetare Apollo , e Marte .
 E lo Guercino (1) lo pigliaje a travierze ,
 Pocca avea 'n capo Ammore , e Poesia ,
 Sceppannome la faccia a pile smierze .
 Co Tata me mette a la merciaria ,
 Ch' accocchiare mme fece a na carnente ,
 E scompette la prima vita mia .
 Nzorato ch' io fuie po , subbetamente
 A la Poesia 'n tutto mme immergiette ,
 Leggenno nott' e ghiurno attentamente .
 E spisso endecasilabe , e soniette
 Faceva , co Canzune , e Matrecale ,
 Tutte scompuoste , e chine de defiette .
 Ncontranno quarch' ammico mio carnale ,
 Addotto , dicea , videine sto scritto ,
 E diume tu , si è buono , o si non vale .
 E tutto chello pò che m' era ditto ,
 Da chesta capo mia chiù n' alleppava ,
 E nce penzava sempe fitto fitto .
 Zò , che senteva subbero m' arava ;
 E no Prevete chiamato Cascone ,
 Sera , e matina mme ne sprattecava .
 Mme disse : quanno scrìve a le perzone ,
 Comme sò , trova rimme , e desenenzia ,
 E azzenna na papocchia 'n paragone .
 S' faje ottave , abbada a la cadenzia ,
 Pocca nce vo pe no Sonetto esatto ,
 La maggiore , minore , e conseguenzia .

Li-

(1) *Esemplare del disegno* .

Licenze non te nne pigliare affatto,
 Verzèa poco, dî asaje; e po no ntrico
 Curiuso trova de no nuovo fatto.
 N' arrobba rimme, o qua penziero antico,
 Ca lo Sapio l'annasa, e lo ccanosce,
 E te fa l' Arestarco, si bè ammico.
 Si a chiste vuò fa sceannere le ntosce,
 Fa a bedè no pallone cchiù che bero,
 Ddò li sodure non pareno frosce.
 Lo Rimario Rusciello pe penziero.
 Non te lo fa pascà, ca faie no nchiasto,
 Ca chist' ave arroinato sto mestiero.
 Nfi ccà mme disse sto Prevete masto,
 E po se l' affuffaje, salute a nuje!
 E mme restaje comm' a Tonno Prasto.
 Ma quanno po st' ammico muorto fuje,
 Facette io de la carestia de Marzo,
 Chillo Sonetto, che sapite vuje (1).
 E n' inche fra l' ammice fuje comparzo,
 Mme dicettero dinto a lo mostaccio:
 Tu co li scritte d' altre vuò fa sfarzo?
 'N sentire chello, io disse; comme faccio?
 Nesciuno crede, ca song' io, che scrivo,
 Quant' aggio fatto vesogna, che straccio.
 Io jette pe lo ffa, e traste 'n corrivo,
 Penzanno a li sodure, e a le ffatiche
 Attuoneto restaje, e semmevivo!
 Cchiù allegra, creò, steva a lo Tempio Psiche,
 Ca io; pocca sentèa da ogne perzona
 N' esere mieje li vierze, e chille ntriche.
 Ma

(1) *Què l'Autore intende di far men-
 zione di un Sonetto fatto in occasione del-
 la carestia del 1764. tanto applaudito dal
 Serio.*

Ma lo smargiasso Dio, figlio a Latona,
 Dinto a n' arecchia mme cefoleiaje:
 Secota, Cola mio, ch'è cosa bona.
 Non te n' accuorgie, ch'è bantaggio ch'aje,
 Si dicenò, li scritte non sò tuoje,
 Addonca è figno, ca so buono alsaje.
 A sto penziero smacenà te puoje
 Quanta vavia cacciaje, tubba, e lequera,
 E si Poemme po ne ffice a muoje.
 Si azzennà te vorria tutta la schera
 De chello ch'aggio nfin' a mò compuosto,
 Manto la scomparrìa pe craje a ssera.
 Ma pe starme da lo tiedio descubsto
 M'avanto de *Parnasse la scopetta* (1),
 Trovato ccà, dint' a o' Paiese nuosto.
 Lieggela Don Luì; e ssi pe nferra
 M'attrocca a lo Parnasse na casuccia,
 Basta, che dice sì, la casa è certa.
 Ma non voglia lo cielo, e dicè ammuccia,
 Cò, tu non sì Poeta, vota fuoglio;
 Ogne capillo scoccio da la cuccia.
 E desperato da copp'a no scuoglio,
 Teretuffete a mmare m'abbarruffe
 Se uscìa no me scravoglia dà sto mbruoglio.
 Co dì: Vottìè, secota, e scrive a uffè,
 Cà tu passerà puoje mo pe Poeta,
 O non scrivere chiù, si non vud buffè.
 Mente decriete, prego che se sceta
 La sciorte toja, e che dint' a sto mese
 F'avonna, te conzola, e t'accojeta.

E tē

(1) Il suddetto Poema sarà fra breve
 pubblicato colle stampe dal nostro Autore,
 con moltissime altre sue Composizioni.

E te mprospera comm' a lo Cortese ,
 Ch' ogne ghiuorno lo jeva a besetare
 Lo Re d' Araona (e siente che foccese) .
 No juorno ancorà s' avea da scetare ;
 E lo Re , c' ha trovarelo era juto ,
 Lo fece stà , e se mise a pasejare .
 Don Lui , tu m' o già m' aje capesciuto ;
 Che boglio dirte co chisto capitolo
 De senti pocca stongo sfegoluto ,
 Si de Poeta mmereto lo titolo ,

Scompetura .

~~14152~~

Approvazione del Sig. Serio ,


Matrecalle .


Cola , non trica chiù , stampa a malora
 Sta scoperta chiù bella de l' Amereca (1),
 Pocca 'n copp' a la chiereca
 Febbo te mettarrà tanta sciurille ,
 Che gruosse , e peccerille
 Diciarranno ; pe tte Cortese è locco ,
 E la nvidia pe tte ntenne scerocco .

(1) Qui s' intende del Poema intitolato la Scoperta de Parnaso a Napole , accennata dall' Autore nell' anzidetto Capitolo .




20059









BIB